

MUZINDA WAISHE CHITENGU



By **LMWANYALI & TREY**



Edit with WPS Office



Post Maker

STORY WRITTEN BY

L MWANYALI

0777873043

AND

TREY

0777350020

Pdf by VaDeny.....

CHAPTER 1

Pane kufamba kwandakanzwa
tichibva kurwizi kunochera mvura
ndikanzwa hana kurova asi ndaisada
kuzviratidza pamberi paNyarai
munin'ina wangu.

"Nyarai fambisa
uripamberi."Ndakadaro nekuti
ndakabva ndafunga zvaive
zvataurwa namambo mazuva apera
aya. Munhu wese aive ashevedzerwa
kuenda kumuzinda tikaudzwa kuti

pane kufungirwa kuri kunzi muvengi
ainge apinda mumusha.

"Kwete mukoma ngatifambe--
".Akatadza kupedza mashoko aya
nekuti pakabva pakandwa museve.

"Mhanya kumuzinda Nyarai onoudza
Ityai kuti kuti---."

Handina kupedza kutaura pamberi
pangu painge pamira rino zirume
raive rakabata bakatwa ne nduni
.Rakatanga kunditarisa kubva pasi
kusvika kumusoro.

"Paidamoyo achazoda kuita muroora wamambo--."

Hana yangu yakarova nekuti ndaifungira kuti munhu uyu haandizive.

"Nda---handi--."

"Ndozviziva zvose Paidamoyo kuti hausati wakugara naltyai asi hapana asingazive kufambidzana kwenyu.Zvino semunhu anoda

shaisano ndoda kukuuraya
achasvika pano chava chando"

Ndakaramba ndakanyarara kushaya
kuti ndodii. Ndaingokwenyera mhino
nekasiyanwa kuti dai Nyarai
akavika pachine nguva lityai ouya
kuzondibatsira.

"Kkk pfungwa dzako ndirikudziziva.
Asi paachavika munhu
waurikutarisira unenge wafa.

"Zvino zvandasvika ini ndoda
kuzviona."

Tose takabva tacheuka uye izwi iri ndakabva ndariziva. Ukuwo murume uya paakaona *Kundai* akabva atotanga kudedera.

"Ku---Kundai--wa---."

Asina kupedza kutaura akabva aregedzerwa museve wakanomugara pabendeke Nduni yaaive nayo mumaoko ndokubva yadonha."

Ndakaona murume mukuru
achigomera asi haana kudonhera
pasi asi akashinga kudhonz
makumbo ndokutanga kuenda ."

"Ndinonzi Kundai ini ndirimwana
waishe Chitengu wese anoda
kuvhiringa ndopedzerana naye."

Haana kuda kutevera akabva auya
pandaive ndiri pedyo neni .Ndokubva
andibata mapfudzi achinditarisa
kubva pasi kusvika kumusoro.

"Hona wakuvara urikubuda ropa."

Ndakabva ndatarisa mutsoka
dzangu ndokuona zvechokwadi ropa
richiyerera.

Ndakada kuzama kushinga
kusimudza gumbo ndokubva
ndatadza.

"Mira wakadaro."

Akabva andisimudza kunditakura

kundiiisa kumberi apa aive
akanyatsonditarisa mumaziso.

Aityisa nguva iyi nekuti aizivikanwa
nehondo dzaisapera zvakanaka.

Zvinyoro nyoro akatanga kufamba
neni ndichibva ndamutarisa
kumeso.Ndakabva ndatizisa maziso
nekuti matarisiro acho kunge aiona
zvirimukati chaimo.

Ukuwo hana yangu ichibva yaita
manyemwe kutanga kurova kunge
hameno.

"Paida---chii chirikuitika-?."

Neizwi ndakabva ndaziva kuti aive mukomana wangu Ityai ndichibva ndaita kuvhizura kubva mumaoko aKundai."

Kundai aive munin'ina waltyai nekuti vese vaive vana vamambo asi Kundai aive mwana wemukadzi mudiki walshe Chitengu sezvo mambo vaive nevakadzi vaviri. Ukuwo Ityai aive ari dangwe zvekare muimba yemukadzi mukuru.

Nda---nda---."ndaida kuzama kutaura
asi chibhakerwa chakarohwa Kundai
naltyai ndakabva ndatanga
kudedera.Ndisina kufunga
ndakanomira pamberi pavo vari
vaviri asi mabvisirwo andakaitwa
naltyai ndakazvishaya kuti
zvafamba sei vaviri vachibva
vamisidzana kunge machongwe----

End of chapter 1

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 2

KUNDAI

**Ndaizama kubatanidza mashoko
esvikiro arainge rakataura mazuva**

apera aya ndakagara muimba yamai
vangu nemunin'ina wangu Danai.

"Zvino mukoma kana zvirizvo
zvamurikufunga kuona kwenyu
nyaya inopera zvakanaka here iyi?."

Ndakabva ndatarisa kuna amai
vangu vanova mukadzi wechipiri
wamambo Chitengu. Ndakaona
vachizunza musoro wavo kureva
kusabvumira.

"Ini handidi hondo mumusha. Hona
ndakakuberekai muri vatatu chete

nekahazvadzi kako Rumbidzai.
Ukuwo amaiguru mukadzi mukuru
akabereka vana__ Vana vakomana
Vatatu nemusikana mumwechete.
Asiwo pamutemo svikiro
zvarakakuudza ndirikuona kunge
rakatadza kuona iri "

Ndainge ndakanyara kuti ziii
ndichibva ndasimuka pachigaro
chandaive ndakagara
ndichitenderera neimba yose.

"Nemhaka yei risina kutaura pese
apa. Ko sei rakakuudza mushure

mekunge iwewe waenda kunorapwa
sezvo waisanzwa zvakanaka.
Rakadii kuuya mumuzinda kuzoudza
mambo pachezvaro."

Ndaisada kufunga zvakanyanya.
Amai vangu namai valtyai
vaisatowirirana zvachose izvo
ndozvandaiziva nyangwe zvazvo
mambo vaizama kuti vabatane.

Ndakabva ndabuda ndokutora
zvombo zvangu nekuti ndaida
kumbotenderera musango.

Ndichingobuda panze chete
ndakabva ndasangana naltyai anova
dangwe kuimba hombe uyewo aive
mukuru kwandiri nemakore maviri.

"Urikuzama zvako kunyepera
kundipa ruremekedzo semukoma
wako Kundai asi pachokwadi
mumaziso mako ndoona ruvengo ini.
Zvino inzwa unzwe kuti mambo
vamuka vakafa zuva ranhasi
ndikatora chigaro handinei kuti
urimwana wababa vangu
ndokudzinga rakacheke nyika."

Ndakangodzungudza musoro wangu
ndichibva ndafamba kusvika pedyo
pedyo naye .Ndaiita kumutarisa
mumaziso chaimo.Hongu aive rume
rakasvika asi pandiri aive pwere
nekuti pamuseve nemaoko
ndaizvigona zvaizivikanwa nemunhu
wese mumuzinda.

"Wapedza here kutaura Ityai.Inzwa
unzwe urimwana wababa vangu
wanzwa ndochinhu chimwechete
chinotibatanidza. Asi ukaramba
uchiti pese pawandiona wotaura

zvaunoda kkkk Ityai kaa__."

Handina kupedzisa mashoko angu
ndichibva ndamudhuma
nebendekete ndokutanga kufamba
kuenda .Ndakaona achidzadzarika
asi ndakabva ndamiswa nababa
vanova ivo mambo.

"Kundai ndokudii ikoko kurumidza
kudzokera ukumbire ruregerero
wanzwa .Ndakakuudza kare kuti Ityai
mukuru kwauri ."

Zvinyoro nyoro ndakabva ndadzoka

ndokumira pamberi pake.

"Ndine hurombo mukoma."

Akabva angogutsurira musoro wake
ini ndokutanga kufamba kupinda
musango.

Ndirimukufamba ndakanzwa kunge
karuzha ndichibva ndamira kuteerera.

Ndakatanga kutevera nedivi iroro asi
ndakabva ndaona Nyarai munin'ina
waPaيدا anova mwanasikana

wejinda ramambo hombe uyo aive
akanzi anofanirwa kuroorwa naltyai
.Ndega ndakanyatsonzwa kuti
kwaive kusina kumira zvakanaka
ndichibva ndatanga kuenda
kwaabva nekuti ndaida kunoonwa kuti
ainge aonei.

Ndirikure ndakaona munhurume aive
mutsva ndega ndikaziva kuti
imhandu apa achida kuvhiringa
Paidamoyo.

Paakandiona ndakaona murume
mukuru achivhunduka kuratidza

kunditya.

Ndakangomuvhiringa zvishoma
ndikaona munhu akutotiza. Handina
kuda kutevera nekuti ndaida kutanga
ndaendesa Paidamoyo kumuzinda.

Ndakaita wekutakura asi tisati
tasvika kure takabva tadhumana
naltyai uyo ainge akutopopota.

Ndisingafungire akabva andikanda
chibhakera zvekuti ndakatomboona

nyeredzi kumeso.Ndainge ndakuda kudzosera ndokubva ndaona Paida achimira pamberi pedu zvino.

Asi kubviswa kwakaitwa nalya akabva anodonhera pasi zvine simba ndikanzwa hasha dzandisina kunzwisisa kuti dzakabva kupi.

"Hona zvawaita hausikuona here kuti arimumarwadzo.Ityai ungakandire munhukadzi zvakadai nemhaka yei?."

"Unei nazvo hee-- Paida musikana

wangu ndoita zvandinoda naye
lwewe urikupindira pausingakwane
nemhaka yei."

Handizive kuti ndakamusimudza
sei.Ndakaona avemudenga ndakaita
kumubata pahuro.Ndainzwa kunge
ndaita kugarwa chaiko Ndichibva
ndanzwa izwi raPaida nguva iyi.

"Kundai kwete musiye pasi."

Mashoko ake akaita kuti ndipfave
ndichibva ndaita wekukandira pasi
ndokubva ndatanga kufamba kubva

panzvimbo iyi-___

End of chapter 2

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 3

ITYAI

**Ndaive ndakarara ndichibva
ndazungunuswa naPomerai anove
wandakasiira pazamu.**

"Iwe Ityai muka."

"Wakanganwa here zvawakataurirwa nababa nezuro kuti unofanirwa kumuka risati rabuda zuva saka apa uchiri wakarara kwakanaka here?"

Ndakabva ndatomuka ipapo ipapo nekutatora nhava yaive iine zvombo zvangu zvekushandisa nekutobuda.

Ndisina kure kwandaenda ndakabva ndasangana nababa vangu Mambo Chitengu."

"Magona mamuka simboti kuchiri mangwanani kudai. Ityai

ndozvinoratidza kuti nyangwe
ukazoita mambo unenge uchiziva
zvaunoita.

Ndakabva ndatanga kunyemwerera
nguva iyoyo. Baba vangu vaindida
kwete zvekutamba. Takatanga
kubuda mumusha asi tichibuda
chete takabva tasangana naKundai.
Ndakanzwa muviri wese kumerera
nekuti ndaisamuda munhu uyu
nyangwe aive mwana wababa vangu.

"Iwe urikubva kupi asi hauna kurara
mumuzinda?."

Vaive baba vangu vaimubvunza
mibvunzo iyi.

"Kwete ndarara--- asi jongwe
rekutanga richingokukuridza ndabva
ndamuka."

"Wati chii uye uchienda kupi?."

Haana kudaira asi akabva
atotibvunzawo.

"Ko imiwo Mambo mamukira

runyanhirira kwakadai murikuenda kupi apa?."

"Chienda mumuzinda Kundai zvimwe zvacho haunei nazvo."

Vaive baba vangu vaidaro.Takabva tafambisa kunanga kuimba yesvikiro ndokusvika svikiro rakagara.

"Handidi kupedza nguva wakazouraya here mhuka yandakataura."

"Kwe---kwete vaoni vezvekure."

Ndakadaira ndakatsikitsira asi
ndainyatsonzwa kuti svikiro raive
rakanditarisa.

"Iwe ltyai usade kutamba neni
wanzwa Ndati unofanirwa kuuraya
Ingwe--- mutupo wako. Ndirikuda
ropa racho randichagadzira naro
zvinodiwa ndokuti ukwanise kugara
pachigaro chehumambo."

Ndakanzwa kumerera Hongu
masango maive makazara mhuka

dzose Asi mutupo wangu wainetsa
kuuraya. Ndaigona kutangirwa
ndikafa ndirini."

"Mambo Chitengu handina
zvandingaronge nemi kana zvakadai
ini dzokai kumuzinda mozouya
zvarongeka."

Takabva tabuda takatungamidza

"Iwe Ityai chirikunetsa chii ipapa.
Inga ini ndozvandakaita wani
ndikazogara pachigaro."

"Ndichazama baba."

Ndomhinduro yandakapa asi
ndaitya. Takadzimara tasvika
kumuzinda pasina ataura nemumwe.

Kuchiedza ndipo pandakasangana
zvekare naKundai tikambozunzana.

Papera nguva ndakazoshevedzerwa
naNyarai munin'ina waPaida achiti
Paida ainge achida kuurayiwa.

Ndakabva ndatora museve

ndokumhanyira musango naNyarai .

Tichisvika ndakarwadziwa kuona
Kundai akatakura Paida.Ndainzwa
kumerera muviri wese ndichibva
ndamukandira chibhakera.Paida
akabva auya kuzomira pamberi pedu
ndichibva ndamubvisa
nekumukandira kure. Kundai aizviita
munhu anorova zvisingaite ndaida
kupedzerana naye. Aive
akunditongesa zvekukandira Paida
pasi kuita kunge aive musikana
wake.

Ndisingafungire akabva andibata
pahuro ndikashamisika nekuti
makumbo angu ainge azoenda
mudenga

Pakataurwa naPaida kunzi musiye
akabva atondisiya ndokubva ndaita
kukandirwa pasi iye achibva atanga
kufamba.

"I---Ityai hauna kukuvara here?."

Ndakaita kumuka nehasha ndichibva

ndamudhonzera pedyo pedyo neni .

"Urikundikuvadza kani

"Nyarara nemhaka yei wabvuma kutakurwa naye."

"Ndi---ndine hurombo lityai."

"Uzviite zvekare ndokunyudza bakatwa rakacheka nyika. Unoita kunge usingazive kuti ini naKundai hationani sei?."

Haana kudaira ndakabva ndatanga
kufamba iye arikumashure asi
achikamhina kureva kuti ainge
akuvara asi ndainge ndarwadziwa
nezvandaive ndaona ndikasiya
akadaro.

Tasvika kumuzinda takuda
kuparadzana ndakabva ndamira.

"Manheru anhasi ndoda kukuona
ukanonoka kuuya unondiziva."

Handina kuda kucheuka ndakabva
ndatanga kufamba kupinda

mumuzinda baba vangu
pavakandiona vachibva
vandishevedza.

"Ityai ndirikukuda kuno ndanga
ndakamirira iwewe"

Chiso chavo chairatidza
kusuwa.Ukaona zvadai zvaireva kuti
vaive nemashoko akakosha----

End of chapter 3

Stay tuned [8/26, 06:44]

Mwanyali: *MUZINDA WAISHE
CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 4

PAIDAMOYO

Patakasara naltyai mushure
mekunge ndadonhedzerwa pasi
ndainzwa hana yangu kurova. Ityai
aive munhu aisada zvisina basa
ndofunga yaive nyaya yekuti ndiye
aizoda kuzogara pahumambo kana
baba vake vasiya chigaro sezvo
vainge vakura.

Takatanga kufamba takatevedzana
kuenda kumuzinda .Asi pfungwa
dzangu dzaive pane munhu ainge
apinda mudunhu iri achida
kundiuraya. Nemhaka yei aiita kunge
aiziva zvakawanda zvemumuzinda
wedu. Uyewo aitoziva zvose kuti Ityai

ndiye aida kuzondiroora.

Ndaiita kukamhina ndichitevera
zvishoma nezvishoma kumashure
kwake lityai apa ndaitya kufamba
naye ndaitevera kumashure
ndichiteerera kurwadza kwegumbo.

Tichisvika panoparadzana nzira
akabva ati achauya kuzondiona
ndokuenda kumba kwavo asina
kucheuka.

Ndakabva ndaenda kumba
ndakasvika baba vangu vakamira

vakabata bakatwa ravo.

**"Paida ndanga ndichida kutevera
pandanzwa kuti wasangana
nemhandu musango umu. Zvino
pandazonzwa kuti Ityai ndiye
azotevera ndazoona zvisina kana
basa nekuti Ityai ndovimba naye."**

**Vakadaro baba vangu avo vaive
vakamira naamai vangu .**

**"Ndazobatsirwa naKundai
.Pazosvika Ityai ndanga ndatobvapo
panzvimbo."**

"Yave nguva yekuti nditaure
namambo kuti vakupe vanhu
vekufamba navo nekuti havasi vese
vanofarira kuti uroorwe nemwana
wamambo Asi vanhu chavasingazive
ndakashandira mambo kubva kare
Ndirimurwi mukuru wake
Ndakamudzivirira makawanda
chaizvo--vana vake vasati vakura.
Uyewo ndini ndakadzidzisa vana
vake kubata miseve nemapakatwa"

Ndakabva ndatanga kufamba
kunopinda muimba yangu yekurara.

Ave manheru ndakakurumidza
kubika nekuti ndaida kuzoona Ityai
sezvo aive ati anoda kuzondiona.

Ndakabuda muimba yandaibikira
ndichida kunopinda muimba yangu
yandairara ndokubva ndaona kuti
zvandaive ndasiya gonhi rakaita
zvaive zvasiyana.

Ndakambopindwa nekutya asi
ndakazofunga kuti pamwe aive Ityai
asi kubva ndidanane naye aive asati
ambopinda muimba yangu yekurara.

Ndichivhura gonhi nekupinda
ndakabva ndabatwa muromo nguva
iyoyo ndikatanga kutya.

"Shhh Paida ndini."

Ndakarohwa nehana ndichinzwa izwi
iri Ndaisatarisira kuti angauye
pamba pedu uye muimba yangu.

Zvinyoro nyoro akabva andisiya.

"Ku--kundai "ndakadaro ndabatidza

mwenje ndavekumuona zvakazara.

"Wauya kuzodii nhai?."

"Ndoda kutaura newe."

"Watii uye pamusoro pei?."

Ndaibvunza ndichiita kukurumidza
nekuti ndaida kuti Kundai adzokere
kumuzinda Ndaisada kuti aonekwe
naltyai arimumba mangu.

Ndisingafungire akabva anditakura

ndokundiradzika pandairara
naNyarai. Ndainge ndakunzwa hana
yangu kurova.

Akabva adzikisa nhava yaaive
akatakura kumusana.

"Urikuda kuzama kudii?."

Asina kupindura akabuditsa shizha
raive riine zvinhu pakati
paro.Ndakazoziva kuti waive
mushonga ndokubata gumbo rangu
randaive ndakuvara achibva atanga
kuzora mushonga waive pashizha.

Ndakatadza kumurambidza nekuti
ndaive ndakaita kuvarairwa nezvaiita
nguva iyi.

Pandakasimudza chiso kumutarisa
ndakaona akaita kunditarisa
mumaziso chaimo kuita kunge aida
kuona kana kuziva pfungwa dzangu.

"Kundai zvakwana. "Ndakadaro
nekuti ndaive ndakutya uye
matarisiro aindiita acho ndainzwa
kuupererwa.

"Kkkk wakanaka Paidi .Kunyanya

kana uchinyara kudaro
netwumakomba twunobuda
mumatama umo ummm unobva
waita svusvura ndadya chaiyo."

Ndakabva ndamuka pandaive
ndakarara ndokumubata ruoko
rwake rwaindizora mushonga.

"Kundai ndokumbirawo kuti ubude
nekuti chero nguva Ityai arikuuya ."

Akabva atanga kunyemwerera
akanditarisa apa ini ndaive
ndakutotya nekufunga zvaive

zvaitika masikati.

"Kkkk Ityai---unomutya zvakanyanya
nhai kkk."

Akadaro zvake achiratidza kusatotya.

Pasina nguva ndakabva ndanzwa
mutsindo ndikaziva kuti ainge ari
Ityai aive auya.

Ndakatarisa pana Kundai ndokubva
ndatoona kuti kana iye ainge atoziva
zvaivepo.

"Paida ndauya."

Ndisina kufunga ndakabva
ndatosimuka kuti ndibude ndokubva
ndadhonzwa naKundai nguva iyoyo.

Takabva tatarisana kwekanguva
achibva andisiya.

Ndakabuda panze asi hana yangu

yairova.

"Paida nemhaka yei chiso chako
chikuratidza kakutya."

Aive Ityai aindibvunza mubvunzo
uyu. Apa ini ndaitya nekuti ndaisada
kuti azive zvaive muimba yangu.

"Gumbo rangu kubva zvandakuvara
ririkurwadza Ityai ."

"Umm saka zvoreva kuti zvanhasi

hatisikumbotandara here nhai Paida.

Handina kudaira akabva auya pedyo
pedyo neni ndokundibata matama
akaita kunditarisa.

"Paida ndokuda unozviziva here? "

"Hongu lityai "

"Chimwe chinhu handidi kukuona uri
pedyo naKundai wanzwa .Hongu
mwana wababa vangu asi amai vake
pavakauya kuzogara pamba pedu
amai vangu vakaona nhamo nekuda

kwavo."

Handina kudaira akabva aita nguva
akanditarisa kudaro achibva
azondisiya .

"Urare zvakanaka Paida tozoonana
mangwana "

Nemashoko iwayo akabva afamba
kuenda ini ndokusara ndichitura
mafemo.

Pandakadzokera mumba ndakasvika
Kundai akamira nemadziro. Akabva
afamba zvekare kuuya pandaive ndiri
ndokusvika pedyo pedyo..Umm vana
vemunhu mumwechete vainge
vachifungei nhai?.

Akatora nguva akanditarisa .Ndaiita
kunzwa kufema kwake nguva yacho.

Pava paya akabva abvisa chiso
ndokufamba achibuda asi akasiya
ataura.

"Paidā ndichadzoka--- "

End of chapter 4

Stay tuned

[8/26, 06:44] Mwanyali: *MUZINDA

WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 6

PAIDA

Paakaramba akanditarisa Kundai ndainzwa hana kurova. Aiita kunge pane zvaaiona mandiri asi achiita kunge pane zvaimurwadza.

Pava paya ndakazonzwa avakuti ndichadzoka achibva abuda asina

kucheuka.

Ndakasara ndichinzwa hana kurova .
Pasina nguva Nyarai akabva apinda
matairara.

"Paida ndiani wandanzwa achitaura
muno nekuti kuenda kwaita lityai
ndanga ndirukuona zvose?."

"Ndi---ndi--Nyarai ngatirare nguva
dzapera "

Ndakashaya kuti ndomutii. Hope hadzina kuuya ndichifunga zvaive zvaitika husiku uhwu. Nemhaka yei Kundai ainge akunditarisisa zvakadaro kupfuura mamwe mazuva ose aya? Kutu angave achi-- achi---Ummm kwete ndofunga ndini ndirikufungira zvisizvo.

Pava paya ndakazobatwa nehope kudzamara kuedze.

Ndakamukira semazuva ose kuita basa ndichibva ndazatora chirongo

kuenda kumvura Ndaitya nekuti
zvaive zvaitika nezuro wacho ndaive
ndichirikuzvifunga.

Pandainge ndakuda kusvika kurwizi
ndakasangana nesvikiro rakamira
pamharadzano.

Ndakabva ndamira nekuti kaive
kashoma kusangana naro .Uye kana
wasanaga naro zvaireva kuti rainge
riine mashoko newe.

Parakandiona rakabva ratarisa
denga ndokunyemwerera
zvishoma. Apa ini ndaive
ndangotuzura ndichishaya kuti
zvirikufamba sei.

"Murandakadzi wotoshinga nekuti
ndaona kurwisana kwakanyanya
mumuzinda ."

"Matii?." ndakabvunza nekuti ini
ndaive ndisati ndakugara
mumuzinda. Ko sei raive rakuudza ini

zvose izvi.

"Zuva ranhasi richashandura
zvakanwanda Paidi asi wotoshinga ."

Ndakasara ndakamira iro rakabva
ratarisa zvekare denga richibva
radzvingudza zvekare musoro waro
ndokufamba kuenda.

Ndakafambisa kwave kuchera mvura
ndichibva ndaenda kumba.

Pasina nguva pane mheni yakarova
kuchibva kwaita guti rakatyisa
munhu wese.

Kunze kuchibva kwatoita rima.

"Paida umm pindai mugare
mumba. Ichi chiitiko chine chirevo
chete nekuti ndakambozviona
ndisati ndabuda mazamu karesaa
kumuzinda kwandaigara. Gore iroro
kwakaita hondo yakatyisa."

Ndakanzwa hana kurova. Zvaireva
here kuti kwaida kuita hondo.

Tainge tazogara mumba
takangotarisa kunze apa kwakaita
kusviba.

Tati gare garei kwakabva kwatanga
kuchema ndokuita zuva nguva iyoyo.

Papera kanguva pakasvika munhu
akabva kumuzinda kwamambo .

"Ndatumwa namambo zvanzi Paida
arikudiwa kumuzinda izvezvi."

Ndakatarisa kuna amai vangu
ndokuona vachiratidza kakusuwa
pachiso.

"Paida wakamirirwa kune svikiro
ndiro rati ndiuye kuzokutora izvezvi."

Ndakabva ndasimuka
ndokutevedzana naChakata
mutumwa wamambo takananga

kumuzinda.

Tichisvika svikiro rakabva ratora
chuma charaive rakapfeka muhuro
ndokubva randipfekedza.

Ndaive ndisati ndakuziva zvaitora
nzvimbo uye ndaive ndichine
kakudzungaira.

"Ndaudzwa nevadzimu Chitengu kuti
murandakadzi uyu anofanirwa
kugara pano kusvikira

azobatanidzwa nemurume wake.

Momupa yake imba pano .Iye
anofanirwa kuchengetedzwa."

Ndakarohwa nehana nekuti handizvo
zvandaitarisira.Rakabva rafuratira
kuenda apa ini ndokusara ndakamira
ndichishaya pekutangira.

Ndakazooka pasvika musikana
aibika pamuzinda ndokubva ataura.

"Mambokadzi nditeverei
ndikuratidzei imba yenyu."

Ndakasimudza chiso kutarisa vanhu
vaivepo ndokusanganidzana maziso
nababa vangu.

Vakafamba kuuya pandaive ndiri .

"Mwanangu ndizvo zvataurwa
nesvikiro hatina chekupikisa pazviri
sezvo urikuda kuzoororwa naltyai
saka ndizvo zvavepo.

"Ko---ko--?."

"Zvenhumbi usanetseke
dzichatevera naNyarai.

Ndakabva ndatanga kutevera
musikana uya.

Ndakabva ndanoratidzwa imba yaive
pakati nepakati peyaive kumucheto.

Ndakabva ndanopinda
imomo.Ndisati ndambodii

ndakanzwa kuvhurwa kwegonhi
ndokuona lityai achipinda asi chiso
chake chaive chakaita kutsamwa.

"Paida wakapedzisira kuona Kundai
rinhi---?."

Ndakabva ndarohwa nehana
ndichishaya kuti ndotii---

Ityai

**Pandakashevedzwa na baba vangu
padare ndakazviona kuti uwu
waisave mugariro wavo sezvo
vainge vakashandura chiso kuratidza
kuti pane zvaivadya moyo.**

Ndakafamba kwakuenda kunogara
pachigaro chaive padare.

"Simboti ndauya ini mwana wenyu
Ityai nditurirei tinzwe zviri kukudyai
moyo nekuti ndaona hausiriwo
mugariro wenyu uyu"

Ndakadaro ndakavatarisa chiso.
Vakabva vangonyemwerera nguva
iyoyo kwakuuya kuzogara pachigaro
chavo. Vakambotora nguva
vakatsikitsira kuratidza kuti vaifunga
parefu.

Papera kanguva ndakazonzwa
vakugadzirisa pahuro.

"Mwanangu lityai ndirikuona
makakatanwa pamberi apo saka
iwewe semunhu achada kuzogara
pachigaro zvakutoda uve
nehushingi"

Vakadaro vachibva vambonyarara.
Ndaida kuvapa nguva yavo asi
kwaienda nyaya ndainge ndisati
ndakuziva panguva iyi.

"Chandino kukurudzira mwanangu

usarivara nguva dzose unofanirwa
kupinda musango uchitenderera
kuratidza kuti ndiwe mukuru
pazvose usape Kundai mukana
wekuti akutangire kuziva zvose.
Handirevi kuti vengana asi kuti
ndoda kuti mutevedze gwara kwaro"

Mashoko avo ndaimanzwa uye
ndakamaisa pakati kati pemoyo
wangu. Chaive chokwadi chaitaurwa
apa Kundai aive mudiki kwandiri asi
aida kuita kunge ndiye mukuru
pakuda kukambira kambira kuita
zvisina zera naye.

"Mashoko enyu ndamanzwa baba
ndichaita sekureva kwenyu"

"Zvakanaka mwanangu"

Ndakazosimuka hangu
kwakumboenda kwaiva nevamwe asi
pfungwa dzainge dzaakuna
Paidamoyo sezvo ndaida
kuzonomuona manheru.

Pasina nguva baba vaPaida vakabva
vasvikawo pamuzinda. Ndakatanga
kunuzwa manyuku nyuku ndichiona
tezvara vangu. Andina kuda kugara
pamuzinda ndakabva ndambobuda.

Pasina nguva ndakabva ndadzoka
kwakuona Kundai akagara padare.

Ndakabva ndaendawo ipapo sezvo
ndaيدا kunzwa kuti paitaurwa nezvei.

Ndakanogarawo ipapo asi iye Kundai

akabva asimuka kwakutanga
kufamba achibva padare.

Ndakatarisa chiso chababa vangu
vairatidza kuti vainetseka.

"Regai tigoona kuti zvichafamba sei,
asi kuti svikiro ringakanganise
kuona?"

Vakadaro baba vangu vakatarisa
baba va Paida. Iyi yaive nyaya
yandakasvika iri pakati saka
ndakabva ndasimukawo kuda
kuvapa mukana wehurukuro dzavo.

Ava manheru ndakabva ndananga kwana Paida. Ndaida kumuona asi ndichisvika. Aiita kamwe kahunhu kandisinakunzwisisa.

Aingocheuka cheuka kuita kunge aitya. Semunhu aive nezvekuita zvakawanda andina kuda kuzogarisa ndakabva ndadzokera kumuzinda.

"Pomerai uyu Kundai aripo here pano?"

"

Ndakadaro ndakatarisa chinin'ina
changu.

"Kwete haapo pamuzinda uno abuda
kare"

Ndakanzwa hana yangu kurova.
Ndofunga ndini hangu ndaifungira
zvisirizvo.

Ndakabva ndaenda zvangu kuimba

yangu yekurara. Musi uyu ndakarara
kunge munhu aswera achipura zviyo.

Ndakazoita kuvhunduka
ndichigogodzerwa gonhi.

"Mukoma Ityai mukai murikudiwa na
baba"

Ndakarinzwa izwi ra pomera
richishevedzera.

Ndakango kwanyanuka kwakubuda
panze. Ndakaona baba vangu

vachiita kutenderera nemuzinda
wese vakabata tsvimbo yavo.

"Ityai sei uchirara semunhukadzi
kudaro paitwa shura pano"

"Shu--shura rei baba? "

Ndakabvunza ndichiita kundandama.

"Kundai auraya mutupo wedu
atiparira mwana uyu"

"Auraya mbada? "

Havana kudaira baba vangu vainge
vakaita kuzara nehasha.

Ndakatanga kufamba kwakuenda
kwaiva na Kundai.

"Iwe sei uchida kuvhiringa chivanhu
chedu iwewe? "

"Ityai--"

"Usandipindure zvisina basa
ungaauraya mutupo unechokwadi

here"

"Zvangoitikawo ndichataura
nevakuru kana pane zvinoda kuitwa
ndoita"

"Nyarara handifunge kuti uri mwana
wababa vangu iwewe"

"Ityai wati chiii? "

Ava vaive mainini mukadzi mudiki
wababa vangu vanova ivo mai va

Kundai vaidaro.

"Zvandataura ndizvozvo"

Ndakabva ndatanga kufamba
kuenda kwaiva nababa vangu.

Kwakuona vakamira nesvikiro.
Ndakabva ndanogara padare.

Pasina nguva baba vangu vakabva
vauya.

"Ityai ndirikutuma munhu kumba kwana paidamoyo. Ndinoda kuti agarire pano kusvika zuva rekubatanidzwa kwenyu rasvika ndizvo zvarehwa nevari kumhepo"

Ndakanzwa moyo wangu kufara panguva iyi.

Hazvina kutora nguva ndakaona Paidamoyo achisvika pamuzinda. Mumoyo ndainzwa kufara asi ndaive nemibvunzo yakawanda yandaida kwaari.

Paakapihwa imba yake ndakabva
ndaenda ikoko. Ndakasvika
nekubvunza kuti ainge akapedzisira
kuona Kundai rinhi.

Ndakaona kutya maari. Apa ainge
akavhura ziso.

"Ku-Kundai ndakapedzisira kumuona
paye"

Airatidza kutya ndakabva
ndaswedera pedyo naye ndichibva

ndati-----

End of chapter 6

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 5

KUNDAI

Pandakanetsana naltyai ndikasiya ndamusimudza ndakabva ndaenda kumuzinda. Ndichisvika mumuzinda ndakaenda kwaibikirwa ndokusvika VaChihera amai valtyai vachitaura nevaranda vaibika mumuzinda.

Vachindiona chiso chavo chakabva
chashanduka.

"Urikudei muno vamwe varume
varikudare?."

"Kkkk asi ndakutorambidzwa kusvika
kuno here nhai amai?."

"Ndakakuudza kare kuti handisi amai
vako. Une rombo rakanaka kuti Ityai
haasati ave pachigaro. Uchamuona
kana ave mambo nekuti mumuzinda

uno uchatama."

"Kkkk itai kuti mukurevesa amai. Ini here kutama mumuzinda mababa vangu.Ndakabva ndafamba kuenda pedyo pedyo navo ndokuona vachiita kakudedera .Ndaiti kana ndakunzwa hashashameno zvandainzwa mumuviri mangu.

"Ndoda kuzozviona amai ndakamirira."

Ndakabva ndabuda ndikasiya
vachiita kufemereka nekutya.

Ndakati ndati fambei ndakabva
ndasangana naPomerai uyo aive
asiirwa zamu naltyai.

Akabva amira pamberi pangu
ndikatanga zvangu kuseka.

"Wanga uchitii kuna amai vangu
iwe.Ndoda kuvaudza mukoma ltyai."

"Umuudze kuti nyangwe ndakarara

haana zvaanondiita"

Ndakabva ndadhumanisa
mapendekete naye ndokupfuura
ndichienda ndakananga kudare uko
kwandakasvika baba vangu
vakagara nemachinda avo. Asi
parutivi pavo paive pakagara baba
vaPaida vaiva murwi mukuru
akandidzidzisa kurwa kusvika
pandiri nhasi.

Vese vakabva vanyarara zvavaitaura

pavakandiona asi vairatidza kuti
vaitaura zvakadzama.

Ndakabva ndanogara kurimwe divi
asi ndaive ndakatarisana nababa
vangu.

"Kundai muzuva ranhasi pawapinda
musango pane zvawasangana nazvo
here zvakushamisa?."

Ndakambotora nguva ndisina
kupindura mubvunzo uyu asi
ndichifunga zvose zvaive zvaitika
hapana kana chakandishamisa.

Papera kanguva ndakaona lityai
achisvika padare .Pamutemo taigara
divi rimwechete tichibva tagara
tose.Ndaiona achindipa ziso
nepadivi asi ndaisava nebasa nazvo.

Tati garei garei ndakabva ndasimuka
asi ndati fambei nhanho dzishoma
ndakanzwa baba vaPaida vachitaura.

"Saka zvataurwa nesvikiro
murikuzviona sei nhai
mambo?.kuona kwenyu imi zvingava
nechekuita nekuzogarwa

kwehumambo here??"

Ndakamira ndichida kunzwa
zvakanwanda asi baba vangu havana
kupindura.

Ndakabva ndanotora Museve wangu
ndokunanga musango. Ndaiita
kugaya mashoko aita urwa padare
ndichida kubatanidza asi
ndakashaya Ndakazonotsvaga
mushonga wekurapa chironda nekuti
musi uyu ndaingonzwa kuda kuenda

kunoona Paida.

Ndaiita kunyemwerera ndichifunga
nezvake ndaizviudza kuti manheru
ndaizoenda kunomuona asiwo
ndaive ndakutya kusangana naltyai
sezvo aive musikana wake waaida
kuzoroora.

Ave manheru ndaiita kuridzirira
muridzo ndokusvika pamba pana
Paida .Ndakambocheuka cheuka asi
hameno kuti zvivindi zvacho
zvakabva kupi ndichibva ndasvika

kupinda munhanga yake.

Paakapinda akashamisika kundiona
asi chandaive ndauya kuzoita
kutarisa paaive akuvara.

Ndakazonzwa hasha ndichinzwa
izwi raltyai panze .Hamenno kuti
ndainzwei mumuviri mangu nekuti
chokwadi ndaichiziva aive ari
musikana wamukoma lityai izvo
zvaizivikanwa mumuzinda wose.

Paakadzoka handina kuda kutaura

zvakanwanda ndichibva ndamuti
ndichadzoka.

Ndakananga kumuzinda ndikavika
nekupinda muimba yangu yekurara
ndokuona Danai wandaive
ndakasiira zamu akagara
pandinorara.

"Ko---?."

"Urikudei muimba yangu nhai
Danai?."

Mukoma ndine zvirikundinetsa.
Hamufambi husiku ndoda kuziva
kwamange maenda?."

"Danai buda muno ndoda kurara."

Akabva atobuda pasina kana
nharo.Iniwo ndichibva ndazobiwa
nehope pava paya.

Jongwe rekutanga richingorira
ndakabva ndatomuka ndokutora
bakatwa nemuseve .Ndirimusango

ndakanzwa kuchema kwembada
ndikanzwa hana kurova.

Ndakamira ndakagadzirira ndokuona
pasina nguva yauya pamberi pangu
taita zvekutarisana zvino.

Ndakabva ndatanga kufunga
mashoko ababa vangu mumusoro.

*Ndapota vanangu musafa
makauraya mbada nekuti mutupo
wedu Mukadaro vadzimu
vanotsamwa*

Zvino apa tainge tazoita kutuzurana maziso nguva iyoyo. Hwaive hupenyu nerufu nekuti ndaiziva kuti ndikaipa mukana ndaizofa nguva iyoyo.

Pandakaona kuti yainge yakuda kunditangira ndakabva ndausimudza museve uchibva wanogara pahuro.

Payakada kushandisa simba rainge rasara ndakanosimudza bakatwa kunopedzisa ichibva yanodonhera pasi.

Ndakatanga kudedera ndakaitarisa.
Nguva iyoyo kwakabva kwaita rima
rinotyisa kuchibva kwarova mheni
iyo yakandipa
kuvhunduka.Chandakaita
ndakanodzura museve uya nebatwa
zviine ropa ndokubva ndamhanyarira
kumuzinda.

Ndaksvika baba vangu vakamira
vakatarisa denga iro raive razoita
guti rinotyisa.

Ndakabva ndanopfugama pamberi

pavo ndakazvininipsa ndichitaura.

"Baba ndine hurombo ndauraya
Mbada."

"Wati chii??"

Vakadaro baba vangu vaita kuvhura
ziso nguva iyi---

End of chapter 5

Stay tuned

[8/26, 06:44] Mwanyali: *MUZINDA

WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 8

PAIDA

Ndakatanga kundandama nekuti
Kundai ndaive ndabva kumuona
husiku hwacho .Ndakabva ndanyepa
kuti ndaive ndakapedzisira kuona
Kundai paya paakandibatsira.

Akabva aswedera pedyo pedyo
nekunditarisa mumaziso mangu.

"Paida handidi newe Kana dai ukave
mumatambudziko akaita sei Kundai
haafanirwi kukubatsira."

Tiripakati pekutaura ndakaona
Kundai achifamba tichibva
tangotarisa pasina ataura
nemumwe.

Ukuwo Ityai ndaiona achitarisa
Kundai akaita kushatisa chiso.

"Urikuona here matarisiro
aarikukuita .Zvino ndikaona aripedyo
newe ndirikuzomuraya."

Ndakasara ndakamira ndichifunga
mashoko aya.Pandakaona kuti lityai
handichamuoni ndakabva ndatevera
nenzira yaive yaenda naKundai.

Ndakarovera moyo kudombo
ndichibva ndaenda kwaigezera
varume.Ndainzwa hana kurova kuti
ndikaonekwa nevarume ndaizodii

**nhai?.Ndakamira kure ndakaona ari
Kundai akamira mumvura.**

**Ndaive ndakaita kumuyeva zvenguva
handizive kuti sei?.**

**Ndofunga iye akanzwa kufamba
kwemunhu achibva abuda mumvura
akatogadzirira kurwisa.Paakandiona
akabva apfava.Asi zvainge
zvakuitika ipapo ndakapera
simba.Ndaizama kuda kubva
mumaoko ake Kundai asi zvairamba.**

Ndakazozvishingisa pava paya
kutura zvandaive ndavinga. Asi
Kundai aitoseka zvake. Ndakazoita
kubva zvechisimba asi
paakatendeuka achida kudzokera
mumvura pane zvandakaona.

Aive nechinyorwa pabendekete
chaiita kunge kupiswa nemoto asi
raive pfumo raive rakananga
pamhuka yandakatadza
kunyatsotarisa.

"Kundai Waitwa sei kumusana kune -
-kune chinyorwa che--."

Akabva atendeuka kunditarisa
ndokubva ashatisa chiso.

"Paida enda kumba uye zvawaona
ndezvedu tiri vaviri usaudze munhu."

Ndakagutsurira musoro wangu
nguva iyi asi ndakashaya kuti
chaimbova chii chaizvo.

Ndakafambisa kudzokera
kumuzinda .Pandakasvika
pamuzinda ndakaita kakumhanya

kunopinda muimba yangu yekurara
yandaive ndapihwa nekuti ndaive
ndakanyorova nhumbi ndaisada kuti
vanhu vanyumwe.

Pandakapedza kupfeka chimwe
chipfeko ndisina kufunga gonhi
rakabva ravhurwa ndokuona
Pomerai achipinda asi chiso chake
chairatidza twuhasha.

"Ndaona zvose pawapinda muimba
yako PaidaNemhaka yei wauya
wakanyorova nhumbi dzose.

Ndazoona pasina nguva zvekare
Kundai achipinda mumuzinda anga
achiratidza kuti abva kunogeza
zvekare.

"Umm."ndakadaro ndagumirwa.

"Paida ndofunga zvandirikufunga
hazvisi nekuti kana zvakadaro vana
vemunhu mumwechete
vachaurayana nekuda kwako."

"Pomerai zvaurikutura urikuzviwana
kupi?.Chandinoziva ini ndechekuti
Ityai ndiye murume wangu uye

izvozvo hazvifi zvakashanduka."

Akaramba akamira kwekanguva
akanditarisa.achibva abuda
kuenda.Ndakasara ndichitura
mafemo.

"Mambokadzi murikudiwa kuimba
yekubikira "

Ndakaita zvekuvhunduka nekuti
ndaive ndakavarairwa nezvaiitika
muhupenyu hwangu.Ndakabva

ndafamba kuenda kwandaive
ndadaidzwa Ndakasvika amai
vaKundai vataiti vaChioniso
vakagara ndichibva ndasvika
kupfugama pavaive vari
seruremekedzo.

"Wakadini hako muroora wangu?

Ndakabva ndatanga kunyemwerera
ndakadzikisa chiso vachibva
vandibata chirebvu vachisimudza
chiso changu ndokutanga
kunyemwerera vakanditarisa.

"Paida---?."

Ndakaita kusimuka zvekuvhunduka.

Pandakasimuka ndakaona Ityai
achiuya kwandaive ndiri zvehasha.

Ndakabva ndatanga kudedera
nekutya.

"Ndi---ndinehurombo."Ndiwo
mashoko andakabuditsa ndave
kutya.

"Ndakati kudii huya kuno."

Ndakabva ndatanga kudhonzwa
ndokuona Mai va Ityai vakamira
pamusuwo vakaita kupeta maoko.

"Amai ndokumbirawo kuti mutaure
nalyai kuti--kuti---."

"Paيدا unofanirwa kutanga wadzidza
zvinodiwa pamuzinda pano .Kana
wadarotozotangira ipapo.zvanhasi
handina nguva yekukubatsira "

Ndakanzwa hana
kurova.Ndaisafungira kuti
vangataure mashoko akadaro amai
valtyai Ndiye munhu wandaivimba
naye panguva iyi saka kana zvadai
zvairevei nhai?.

Ndakatanga kudhonzwa kuendwa
neni kuimba yaltyai.Ndaikuziva
nekuti ndaive ndamboipinda kaviri
zviri zvemisikanzwa pasina andiona.

"Ityai mira nditaure zvaitika handi--

handi--."

"Nyarara nhasi uchaziva kuti
ndinonzi Ityai." paakadaro ndakaona
vanhu vangomira mira mumuzinda
kuona zvaitora nzvimbo.

Paakavhura gonhi ndakuda
kupinzwa imomo ndakanzwa izwi
raKundai---

"Ityai siya munhu uyo."

Ndakarohwa nehana
zvemufaro. Handizive kuti Kundai
akasvika akandidhonza sei nekuti
ndakabva ndanomira paive naChennai
hanzvadzi yaKundai uyo aive
azondibata ruoko ndichibva
ndamutarisa.

"Chennai enda naPaيدا kuimba yako "

Ndakatanga kufamba ndichienda
naChennai hanzvadzi yaKundai
ndokubva ndasiya Kundai naltyai
vakabuditsirana maziso---

Kundai

**Pandakanzwa Paidamoyo
achindibvunza kuti ndakaitwei
pabendekete ndakanzwa hana
kurova.**

Ndakabva ndangotendeuka
kwakumutarisa.

"Waonei nhai Paida? "

"Mmm wakaiswa nani chinyorwa
icho? "

Akadaro achiswedera pedyo neni
kuda kunyatsoona. Ndega ndakabva
ndatozviziva kuti ainge aona zvese
saka chaidiwa panguva iyi
kumutsindidza kuti asaudze chero

ani zvake sezvo zvaisazobuda
zvakanaka.

Akabva adzokera kumuzinda
panguva iyi. Ini ndichibva
ndamboenda kunogara pachidombo
chaiva pedyo nekarwizi aka.

"Sei ndichinzwa kuda kuve pedyo
nemunhu uyu? "

Ndakadaro ndakatarisa Paida uyo
ainge ava kure achidzokera

kumuzinda.

Ndakatanga kunyemwerera ndega
mhenzo zvandainzwa mandiri.

"Changamire tisvikewo"

Ndakarinzwa izwi raishevedzera asi
munhu wacho andina kumuona.

Ndakabva ndasimuka kwakubata
bikatwa rangu.

"Ndiwe ani musango rangu? "

Pandakadaro ndakabva ndanzwa
kuomberwa kwe gusvi
pandakatarisa seri kwechi kwenzi
chaivepo ndakaona paine kaharahwa
kainge kakapfugama.

Ndakatadza kuziva kuti zvairevei
panguva iyi. Uye rukudzo urwu
kwandiri rwaibva nepi. Hongu ndaive
mwana wamambo asi nezera
rekaharahwa aka zvaisaendeerana
zvachose.

Ndakatanga kufamba

kwakuswedera pedyo neharahwa iye.

"Makadini vasekuru? "

Ndakadaro ndakazvinipisa.

"Ndi-ndinofara hangu Ishe vangu"

Ndakaramba ndakamira ndakatarisa
ndichida kuedza kucherechedza
chiso asi harahwa iyi handina kuiziva.

"Ini ndingoriwo mupfuuri wenzira
ndafara kusangana nevaridzi

vedunhu"

"Zvakanakai vasekuru muri vedunhu
ripi? "

Ndakadaro ndichida kunyatsoziva
kwaibvihwa neharahwa iyi.

"Muzukuru chirega ndidarike ndiende
iwe chimhanyira kumuzinda uko
ununure vanoda kubatsirwa"

Nemashoko iwayo harahwa iye
yakabva yasimuka kwakutanga

kutatarika kufamba ichienda.

Ndakambonzwa hana kurova.

Ndakaita nhanho mbiri kuda
kutevera kuti ndinyatsonzwisisa asi
umwe moyo wakanditi siya harahwa
iyi iyende iwewe enda kumuzinda.

Andina kuda kufunga kaviri
ndakabva ndangotendeuka
kwakutanga kumhanya ndakananga
kumuzinda.

Ndichisvika ndakanopinda muimba
yangu kwakubvisa nhumbi

dzandaive ndakapfeka. Ndichibva
ndapfeka dzimwe.

Pasina nguva ndakanzwa mhere
mhere pamuzinda. Kwakuona Ityai
akabata Paidamoyo ruoko.
Achimudhonzera muimba yake.
Ndakanzwa hasha kuuya mandiri .

Ndakaita kuviruka kwakuenda
kunodhonza Paidamoyo
zvechisimba.

"Chenai enda na paida kuimba yako"

Ndakadaro ndaita kutsvukisa maziso
nehasha.

"Kundai unechokwadi here
nezvawaita izvi? "

Akadaro Ityai achiita kuvira nehasha.

"Hongu mukoma nekuti mukadzi
haarohwe kana kuitwa nhapwa"

Ndakapindura ndakaita kudzikama.

"Hoo saka iwewe waona
zvakanakodzera kuuya kuzobata
mudzimai wangu ruoko zvino ndoda
kukugadzirisa"

Akabva achipotsera chibhakera
zvane simba. Ndichibva
ndachinzvenga achibva anowira pasi
nemuromo.

Machinda epamuzinda akabva auya
kwakundibata.

"Kwete mambo musarova mukoma wenyu"

"Dai matobata Ityai sezvo ndiye arikurova inini"

Andina kuda kuramba ndakamira ndakatanga kufamba kuenda padare.

"Iwe Kundai sei usina ruremekedzo iwewe? "

Vakadaro baba vangu vachindinongedza netsvimbo yavo.

"Ndine hurombo baba kana ndatadza
asi kuti ndanga ndichida kudzivirira
Paida sezvo anga achida kurohwa"

"Saka iwewe ndiwe unogona
kudzivirira hondo dzevanodanana
here? "

"Hongu baba kubvira kare andidi
kuona munhukadzi
achishungurudzwa"

Ndakadaro ndakaita kutsvikisa ziso

sezvo ndaingge ndafunga makare
kare ndichiri pwere Amai vangu
vachishungurudzwa pamuzinda.

Panguva iyi vakamboramba
vakanditarisa. Vachiratidza kuti
mashoko andaingge ndataura
avabata bata.

"Iwewe unenge utori nechakakugara.
Ko museve nebakatwa
zvawakauraisa mbada zviripi? "

"Ndinazvo baba"

Ndakapindura ndakaita kudzikamira.

"Ndirikuzvida unofanirwa
kugadzirirwa zvimwe izvo
zvinofanirwa kuraswa pachivanhu
chedu"

Ndakanzwa hana kurova panguva iyi.
Ndichibva ndagadzirisa pahuro
kwakuti-----

End of chapter 8

Stay tuned

[8/26, 06:44] Mwanyali: *MUZINDA

WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 7

KUNDAI

Vakabvunza baba vangu apa ini
ndaive ndati gwadagwa kupfugama
pasi.

"Kundai waita sei?."

"Ndatsamwisa vadzimu baba."

Ndakadaro ndakaita kutsikitsira
ndakapfugama apa varume vaive
padare vangomira mira.

Nguva iyoyo ndakanzwa kuhon'era
hana yangu ikaita
seichatsemuka.Ndakaona svikiro
richisvika pataive tiri richibva
ratanga kunditenderera richindidira
mvura .

Ndakaita kunge pane zvandainge
ndadirwa mumuviri mangu

ndokunzwa rimwe simba zvekuti dai
ndaitarisana kana neshumba
ndaigona kupedzerana nayo.

Pava paya ndakazonzwa zvave
kupera zvishoma nezvishoma
ndakanzwa kupera kwazvo asi kunze
guti riya rakabva raparara.

Chisumuka pauri ipapo uende
kuimba yako Kundai."

Ndaifunga kuti pamwe
ndichatongeswa asi
handina.Ndakafamba kuenda

kuimba yamai vangu ndokusvika
nekumira.Ivo vakaramba
vakanditarisa pasina
mashoko.Papera kanguva kadiki
ndakaona lityai achiuya ndokusvika
kumira pamberi pangu
achinditongesa Ukuwo amai vangu
vachibva vatodaira.

"Kundai zvambofamba
sei.Ndirikunzwa hana kurova
mwanangu unoti zvazvadai
zvichapera zvakanaka here?."

"Kana ini handizive amai.Asi dai ndaida kusiya zvandaita ndingadai ndafa."

Havana chavakataura nguva iyi iniwo ndakabva ndanopinda muimba yangu ndichibva ndabatwa nehope asi ndakabva ndarota hope.

"Kundai usaite kuti chinyorwa chiripabendekete rako chionekwe nekuti unouraiwa."

"Mati chii?."ndakabvunza nekuti
hapana zvandainzwisisa nguva iyoyo
.

"Munhu anofanirwa kuona ndi--?."

Ndakabva ndapepuka .

Ndakabata pabendeke ndokunzwa
pachipisa kunge ndaive ndapiswa
nemoto.

Ndakada kuzama kupabata zvekare

asi ndainzwa kurwadziwa.

Ndakanzwa gonhi kuvhurwa
ndichibva ndanorara nemusana.

Ndaive ndaita kupatsimbirira
pachirwadza asi nekuti ndaisada kuti
paonekwe ndakashinga.

"Mukoma mazvinzwa here kuti
zvanzi Paida achange achigara pano
kudzamara azobatanidzwa naltyai."

Hameno zvandakanzwa nguva
iyi.Ndakaerekana ndanyemwerera .

"Umm mukoma."

"Chibuda Danai ndoda
kumbozorora."

Ndakadaro iyewo haana kupikisa
akabva atobuda.

Ndakamboramba ndakarara
ndichibva ndazobuda nekuti ndaida
kuenda kurwizi.

Ndave panze ndakaona lityai akamira
pagonhi raive riina Paida ndikaziva
kuti ndiyo imba yaaive apihwa.

Takabva tatarisana tiri vatatu asi
hapana akataura nemumwe.

Ndasvika kurwizi ndaida kumbogeza
nekuti pabendekete pangu ndainzwa
pachiita kupisa. Ndakabvisa nhumbi
dzekumusoro dzandaive ndakapfeka
ndokupinda mumvura.

Ndaive ndazomira ndakavarairwa
ndichibva ndanzwa kufamba
kwemunhu .Ndakabuda mumvura
nekukurumidza kwave kubata
museve wangu.Ndaive ndisina
kubvisa nhumbi yekuzasi saka
ndaive ndakatogadzirira zvaida
kuuya.

"Ku---Kundai ndini."

Pandakanzwa izwi iri ndakabva
ndanzwa kupfava mandiri .

"Paida urikudei kuno? "

Kundai ndoda kutaura newe ."

Ndakabva ndatanga kufamba
kuswedera paari .Ndichisvika
ndakaona munhu ave kufamba
nekumashure ndichibva
ndamudhonza ndokunowira tose
mumvura.

"Ku---Kundai hona zvawaita
ndichanoti kudii kuna lityai nhai?."

Pese paaibvunza ndaive ndazoita
kumutarisa mumaziso chaimo
nekuti nehutsvuku hwake paiyerera
mvura kumeso kwake ndaiona
senjuzu chaiyo.

Ndisina kufunga ndakabva
ndamutakura zvekare ndokutarisana
naye mumvura imomo.Ndainzwa
hana kutibvura .Ukuwo iye aizama
kuti ndimuisse pasi asi ndaisada
izvozvo.

Ndaiita kunzwa kuda kuramba

ndakamutakura kudaro handizive
kuti sei.

"Kundai togona kusvikirwa naltyai
tikapinda pakaoma."

"Ndakamuisa pasi asi paaida
kuzama kubuda mumvura ndakabva
ndamudhonza ndokubva
anodhumira pachipfuva
changu.Ndichibva ndatanga
kupukuta mvura yaiyerera kumeso
kwake.

Ndaive ndaita kuvarairwa kutaura

chokwadi.

"Ku---kundai rega ndiende kumba."

"Kwete tanga wataura nyaya yako."

"Ndanga ndichida kuti--kuti--
ngatimbomira kutaura tose nekuti
Ityai arikufungira kuti tinodanana."

"Kkkk hoo nhai?."

Ndakaseka iye achibva aita kubva
zvechisimba pandiri.Ndakatendeuka

ndichida kuti ndibve paari nekuti
airaitidza kutya.

Ndakanzwa avekubvunza

"Kundai waitwa sei kumusana kune
kune----

Nyarugwe

Ini ndini ndaive jinda guru ramambo
Chitengu kubva kare.

Takangokura tichinzwanana
pamabasa nezviito zvinova
zvaiyemurwa nevakawanda
mudunhu.

Kuwirirana kwedu ikoko takazoona
zvakanodzera kuti mwana wangu
musikana paidamoyo aroorwe

nemwanakomana wa Ishe Chitengu
anova iye Ityai. Chiitiko ichi
chakandifadza sezvo ndaiziva kuti
hukama hwedu hwainge hwadzika
midzi kudzinza rana Chitengu.

Asiwo zvadaro kune vamwe vagari
vekumwe kumatunhu vainge
vakatarisira kuti vanakomana vavo
varore Mwana wangu Paidamoyo.
Asi handizvo zvakaitika zvinova
zvakaunza ruvengo rwakanyanya
kumhuri yangu.

"Nhai Nyarugwe shura raitwa
naKundai iri pachabuda chakanaka
here apa? "

Vakadaro mambo Chitengu mushure
mekunge mwana wavo Kundai
wekumukadzi mudiki auraya mbada
mutupo wavo.

"Chandiri kutyira chete apa Simboti
inyaya yakataurwa nesvikiro paye
parakati lityai anofanirwa kuuraya ari
iye chikara ichi zvino zvaatangirwa
nemudiki wacho zvichafamba
zvakanaka here apa? "

"Haaa-- neniwo ndirikutonetseka
ndapererwa nemashoko"

Vakadaro mambo Chitengu
vachidzungudza musoro wavo.
Mushure mechiitiko ichi svikiro
rakazoti Paidamoyo anofanirwa
kuuya kuzogara pamuzinda kusvika
zuva rekubatanidzwa kwake na Ityai
rasvika.

Ndakanzwa moyo wangu kufara
sezvo zvandaishuvira zvainge zvava
kuda kuzadziiswa nevari kumhepo.

Ava manheru ndakadzokera kumba kwangu uyu Paida ainge atouya kare pamuzinda.

"Zvazvadai zvanaka mudzimai wangu mwana wedu aenda kuhumambo"

Ndakadaro ndichitaura na mai Paida avo vainge vachigadzira kudya kwamanheru.

"Chero neniwo ndafara nazvo asi
zvaitika rungwanani ndatya nazvo"

"Hooo munoreva kushanduka kwaita
denga gegege musatya mai mwana
ndiye uyu Kundai aita zvisingadiwe
musango umu"

"Ndiri kuona hondo pamberi apo ini"

"Hayewawo mai paidamoyo
unongotyawo zvenhando anoda
kuvhiringidza dunhu rino panomuka

hondo isina kujeka unondiziva wani
kuti pamuse-----"

"Gogogoi pano"

Ndakatadza kupedzisa nekuda
kwemunhu wandakanzwa
achishevedzera panze.

Takabva tambomira kutaura
navadzimai vangu
kwakumbotarisa.

"Budai baba va Paida muone muyeni

uyu kuti ndewepi"

Vakadaro vadzimai vangu. Semunhu
aive nevavengi vakawanda ndakabva
ndabuda bakatwa rangu
ririmumaoko.

Kunze kwainge kwatosviba.
Ndakaona panze paine varume vaviri
vandisina kuziva.

"Tinehurombo matsikwa nevayeni
kwadoka kudai kkk"

"Ayewaa vaenzi chero nguva
dzavasvika tinotambira nemaoko
maviri"

Ndaitaura hangu asi vanhu ava
ndainge ndisati ndavaziva. Uye chero
nemutauro wavo handina kuziva kuti
ndevepi.

"Handei zvedu padare apo tionane
zviso"

"Kwete va Nyarugwe hatisi kugara
hedu tangoti tisvitse shoko redu
topfuura zvedu"

Vanhu ava vaitondiziva nhai.
Ndakabva ndatanga kunetseka.

"Isu tabva kudunhu rekwa Gadzikwa
nyaya huru yatafambira nehusiku
huno inyaya yechimhandara chiri
pano Paidamoyo vekwaGadzikwa
varikutsvagawo hukama pano"

Pavakadaro ndakabva ndaziva.
Vanhu ava vakabvira kare kunetsera
mwana wangu kuti aroorwe
nemwana wekwavo.

"Hoo muri vekwa Gadzikwa ndabva
ndaziva"

"Hongu baba saka tati tisvitse shoko
iri"

"Ayewa hamuna kutadza henyu asi
kuti nguva ndiyo yapesana"

Pandakadaro vakabva vamboita
runyararo vasina chavataura.

"Munoreveiko nhai changamire? "

"Ndakataura kare kuti mwana wangu
arikuroorwa nemwana walshe
Chitengu"

"Pakanaka Nyarugwe asi tichaona
kuchawira tsvimbo nedohwe"

Varume vaye vakabva
vangotendeuka kwakutanga
kufamba vachibva pamba pangu.

Ndakasara ndakamira ndakatarisa.
Asi hana yangu yakandiudza

zvakanwanda panguva iyi.

End of chapter 7

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 10

PAIDA

Pandakatorwa naChennai ndakabva
ndanopinda muimba yake.

Akatora nguva akanditarisa
ndokubva atanga kunyemwerera.

"Umm Paida nemhaka yei mukoma
wangu arikukuchengetedza
kudaro?."

"Handizive."ndakadaro ndave
kutambisa zvigunwe.

"Kkkk rega ndinyarare zvangu ."

Pasina nguva ndakaona Kundai
achipinda muimba yaChennai tichibva

tasara tiri vaviri.

Ndakamboda kuzama kusada
kutura naye asi munhu wacho
ainge akaoma.

Akazoti arikundichengetedza
.Pandakabuda ndakabva ndaenda
kuimba yaltyai.Ndichisvika ikoko
achindiona akabva atanga
kundibvunza kuti ndomuda here
kundai.

Ndakaramba ndichibva ndabuda
imomo ndokuenda kuimba yangu.

Ave manheru ndaive ndazogara
naTionei musikana wandaive
ndapihwa pamuzinda.Taive
takutaura nyaya asi tainge takuda
kurara.

Ndakanzwa gonhi kugogodzwa tisati
tadavira rainge ravhurwa ndokuona
Chenai achipinda.

"Tionei enda unorara kune vamwe
vasikana usanetseke zvako nhasi
ndoda kurara muno naPaidai."

Ndaida kudaira asi
ndakatadza.Patakasara tiri tega
takangotaura nyaya dzishoma
achibva anditi arikudzoka ndokubva
abuda.

Ndakadzamara kubatwa nehope
munhu asina kuuya.

Ndakapepuka ndofunga painge
patove pakati pahwo husiku
ndichibva ndanzwa kuti parutivi
pangu painge paine munhu.

Munhu wandakatanga kufungira aive
Chenai asi chakandinetsa ainge
akaita kurara pedyo pedyo neni
ruoko rwake rwakabata padumbu.

Pandakafambisa maoko angu
ndakanzwa paruoko urwu----
ndakanyatsonzwa kuti aisava
munhukadzi.Ndakafambisa maoko
zvishoma nezvishoma ndokunzwa
aine mvere dzemumaoko.Hana
yangu yakarova nekuti ndakabva
ndaziva kuti aive ani.

Iyewo ndofunga aive asina kurara
akabva anyatsondiswedera pedyo
pedyo neni ndokunzwa chinhu
chainge chakundibaya .

"Paida rara handina zvandinokuita
ini."

"Kundai urikudei muno?."ndaibvunza
ndichida kuzama kumubvisa maoko
aive akandibata padumbu asi
ndakatadza.

Ndisingafungire akabva auya
pamusoro pangu ndikanzwa hana
yave kurova zvakanyanya apa aive
asina kupfeka chinhu kumusoro
.Ndainyatsozvinzwa.

Akatora nguva aripo apa ini
ndaingotaura kuvadzimu
nechemumoyo kuti dai akarega
kufunga dzimwe pfungwa kundiita
mukadzi.

"Paida----?."

Ndakaramba ndakanyarara ndisina

kudaira.

"Ndoda undiudze chokwadi nhasi --- kana uchindiona unonzwa sei?."

"Kundai hausi kuona here kuti mibvunzo iyi haiite nekuti chokwadi ndechekuti ndofanirwa kuroorwa naltyai."

"Kkkk zvino ndoda kukuudza zvandinonzwa Paida ---kana ndichikuona Handina basa nazvo kuti wakanzi uri waaltyai asi ndokuda "

Ndakanzwa kudikitira ndichibva
ndatizisa chiso .Ainge ataura
pachirume pasina kutenderera.

"Ndokumbirawo kuti ubve pauri
Kundai uye unofanirwa kubuda muno
uende kuimba yako."

"Nemhaka yei?."

"Tikaonekwa hazvipere zvakanaka"

"Nani ---handina wandirikutya ini

chimwe chinhu Paida ndakuudza
zvandirikuda kwauri.Ndirikukupa
mazuva matatu chete .ndinoda
mhinduro yangu nokuti ini ndokuda "

Ndakanzwa kupererwa Vaive vana
vemunhu mumwechete ko aida
kuzama kudii nhai Kundai

"Asi Kundai nda--?."

"Shhhhh ndati ndoda mhinduro
mukupera kwemazuva matatu
Paida."

Ndakanzwa kupererwa achibva
afambisa chiso chake kusvika pedyo
pedyo nezamu rangu ndokubva aisa
muromo wake ipapo.Ndaive
ndakunzwa zvimwe zvacho
ini.Paakanzwa kuti ndaive ndakuita
kakupera akabva atobvisa ndokubva
atomuka Ndokubuda muimba yangu
ndokusiya ndave kutura mafemo----

Kundai

**Patakasangana na Ityai ndichibva
kumba kwesvikiro. Akabva atanga
kutaura zvaanoda apa akatarisa
baba vangu.**

"Tichiri kugadzirisa chivanhu chacho

Ityai kuti mumwe wako uyu asa
sangane nezvimhingaizo"

Ndakavanzwa baba vangu vachidaro.
Asi ini nechemumoyo ndainge
ndakutotutuma nehasha.

"Ko handiti ndiye akazviparira here
kuda kunzi murume pakusvika
kuuraya mbada"

Ndakango nyemwerera hangu
kwakutarisa rutivi. Hatina kuzomira
nguva ndefu takabva tatanga
kufamba. Iye Ityai achibva aendawo.

"Usatya hako mwanangu zvole zvinogadziriswa. Iniwo hapana chandingaite asi ndototevedza zvataurwa nevarikumhepo"

Ndaida kuvabvunza kuti svikiro rainge rataura kuti kudii asi ndakangoti ndaizozvinzwaa gare gare.

"Ndichaita kuti ufambe nerimwe jinda rangu rakakuchengetedza, izvi zvichapa ruvengo asi inguva zvinodarika"

Mashoko avo ndaimanzwa. Uye
munhu wavaitaura panguva iyi aiva
Ityai.

Tichisvika pamuzinda ndakanoisa
zvinhu zvangu muimba yangu.

Manheru acho husiku ndakabva
ndaenda kuimba yainge yakarara
Paida. Ndaisatya sezvo zvese
ndainge ndaronga nekahanzvadzi
kangu.

Ndakanosviko rara pedyo naye
zvekuti ndega ndakatanga kunzwa
ropa rangu kumhanya mhanya muviri
wese.

Paakazoziva kuti ndini ndiri mumba
umu akaratidza kuvhunduka asi
chekuita painge pasina. Chero iye
ndakatoona kuti mwana wevaridzi
pane zvakuitika paari.

Semunhu aive nerwendo ndakabva
ndabuda asi ndakasiya ndamupa
mubvunzo waizoda mhinduro.

Ndakabva ndanotora museve wangu
nebakatwa ndichibva ndananga
kuimba yesvikiro.

"Kundai unoratidza kuti une gwara
kwaro ndanga ndisina tarisiro yekuti
uchabata nguva dzino"

Ndakaita kuvhunduka ndichinzwa
izwi iri raitaura neche kumashure
kwangu.

Pandakatendeuka ndakaona riri

svikiro rainge rakamira kumashure
kwangu.

"Cha--Changamire"

Ndakadaro ndaita kupfugama
ndichirova kagusvi kure kure.

"Simuka hako Chikomana tiite
chivanhu chacho unofanirwa
kudzokera kumuzinda vanhu
vachakarara"

Takabva tapinda mumba ini

kwagunogara pasi. Ndakaona svikiro richitora dota kwakutanga kukwiza pabendekete rangu.

"Uchibva pano nanga nekurwizi wasvika ikoko unonopfugama wonwa mvura yekumahombe kombe nemuro usashandise maoko"

Ndainge ndakangovhura ziso ndakateerera.

"Wapedza izvozvo ibva wananga kumuzinda usaonekwe. Zvaunenge wasangana nazvo ikoko usatye iwe

ita zvandareva"

"Zvakanakai Changamire"

Ndakadaro ndichibva ndasimuka
kwakunanga kurwizi. Ndavekuda
kusvika ndakatanga kunzwa kuhon'a
kwezvikara parwizi urwu.

Ndakangotora bakatwa rangu
kwakufamba zvinyoro nyoro
ndichisvika parwizi urwu.

Ndakanzwa mitsindo yairatidza kuti
zvikara izvi zvaitiza.

Ndakabva ndaenda kumahombe
kombe kwakunopfugama ndichibva
ndanwa mvura iye sezvinoita mhuka.
Ndichipedza ndakabva ndasimuka
kwakutanga kufamba ndichidzokera
kumuzinda.

Ndichisvika handina wandakaona
ndichibva ndangonopinda muimba
yangu kwakurara.

Mangwana acho ndakapepuka
ndichiita kuvhunduka mushure
mekunge ndarota Ityai achida
kundibaya nepfumo.

Ndakabva ndatomuka kwakuenda
kunogara padare. Asi hope idzi
dzakandityisa.

"Wakaita zvakataurwa nesvikiro here
nezuro husiku? "

"Hongu baba ndakaita sekudaro"

"Wakagona ingotevedza zvinodiwa
chete zvizhinji siyana nazvo"

Vakadaro baba vangu vachibva
vatanga kufamba vachitenderera
muzinda wavo.

Papera twumazuva twushoma
ndakabva ndapihwa munhu

wandaifanirwa kufamba naye nguva
iyoyo ndakatanga kufamba ndichida
kutsvaga kwaiva na Paidamoyo.

"Hakuna zvakadaro kana baba
mavakudaro kureva kuti ini hamuna
basa neni"

Ndakaita kunzwa ruzha seri
kweimba yababa vangu. Ndichibva
ndatanga kufamba kuenda ikoko.
Kwakuona Ityai akaita kuvhura ziso
achipopota.

"Kwete lityai inzwa nyaya iripano"

"Handina chandinonzwa ini ndati kutanga rinhi Kundai kufamba nejinda repano inini ndini ndine kodzero iyoyo pachafiwa chete pano"

Akabva atanga kufamba kwakuuya kuzomira mberi kwangu.

Nguva iyoyo Ishe Chitengu vakabva

vashevedzera. Ndakavanzwa vachiti-

End of chapter 10

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 9

KUNDAI

**Ndakapinda muimba mandairara
ndichiita kuviruka nehasha**

nezvainge zvaitika.

Ndapedza kanguva ndakabva
ndabuda ndokuona Ityai akagara
padare. Takangopana maziso
ndichibva ndafamba kuenda kuimba
yaive yaenda paida naChennai
kahanzvadzi kangu.

Ndakangosvika kuvhura gonhi
ndisina kana kufunga ndokuona
vanhu vachiratidza kutya ndofunga
vaiti ndiltyai.

"Ndini---Chennai imbobuda asi

usaende kure ndoda kutaura
naPaيدا."

Haana kupikisa achibva atobuda
panze Ndakabva ndanopfugama
pamberi pake paaive akagara
ndikaona munhu atsikitsira kutarisa
pasi.

"Kundai ndofunga nyaya iripo iwewe
ukandiona ndichishungurudzwa
naltyai usambopindira zvako."

Ndakaita kusimuka nehasha
pandaive ndakapfugama.Ndaive

ndakudedera nguva iyoyo.

"Wati chii---hazviite."

"Umm ko muno wauya kuzodii
nhai?."

Handina kudaira ndakaramba
ndakamutarisa nguva iyoyo. Akabva
asimuka paaive ari ndokutanga
kufamba. Asati asvika kure ndakabva
ndamudhonza achibva anorovera
pachipfuva changu.

"Kutanga nhasi ndoda
kukuchengetedza Paida usingadi
uchida."

Ndakabva ndamusiya iye wacho
ndokufambisa achibuda .Ndaiziva
kuti aienda kuimba yake yaaive
apihwa.

Ndakabva ndaenda kuimba yangu
yandaishandisa Pasina nguva
ndakabva ndanzwa kugogodzwa
pagonhi ndokuona ari Danai .

"Mukoma zvanzi nababa ndamira
nemi "

Handina kudaira ndakabva ndatora
bakatwa nemuseve zvandaive
ndashandisa pandakauraya mbada.

Ndakaenda padare ndokusvika
vakatomira.

"Hamenno kuti urimunhu akaita sei
chaizvo Kundai Unofanirwa
kutotenda baba dai ndirini

ndakudzinga pamuzinda uno."

Aive Ityai aidaro.Handina kuda kudaira nekuti ndaisada zvekutaura naye.Ndaitove nezvangu kufunga kuti kumberi kwaive nei.

Tichisvika kumba kwesvikiro rainge rakutotenderera nechekare kuratidza kuti raive raona kuti kwaive nevaenzi vaid kuuya.

Tainge tazogara pasi tose nababa

vangu svikiro richingotenderera

Pava paya ndakazooka rauya
ndokundidira mvura tose nababa
vangu.

"Chikomana bvisa nhumbi
yekumusoro."

Ndakabva ndabvisa ndokubva svikiro
ranotarisa kumusana kwangu.

"Mambo ndokumbirawo kuti
mutarise apa "

Baba vangu vakabva vatarisa
kumusana ndokuona pandaive
ndanyorwa kuhope paya.Ndakaona
vabata muromo wavo nguva yacho.

"Kundai imbobuda ndoda kusara
nababa vako."

Handina kupikisa ndakabuda
ndokunomira kunzira.

Vakatora nguva varimo ndokubva

vazobuda.

"Chikomana enda nemiseve yako iyi
asi uichengetedze."

Ndakashaya kuti raida kutii nekuti
ndaive ndanzi ndofanirwa
kugadzirirwa imwe uye yaifanirwa
kuraswa.

"Uzodzoka pakati pahwo husiku asi
usaonekwe chero nani zvake."

Ndakangogutsurira musoro wangu

ndokutungamidzana nababa vangu
kuenda kumuzinda.

Tati fambei fambei baba vangu
vakabva vamira.

Kundai ndapota usabvise chero
nhumbi yako wanzwa here kutanga
nhasi haufanirwi kugeza neruzhinji
chero ani zvake."

"Ne---nemhaka yei?."

Ndakabvunza ndave kutya nguva
iyoyo.

Vakabva vamira pamberi pangu
baba vangu ndokubata maoko angu
ose vaive vakunyemwerera
Zvakandinetsa nekuti kaive
kekutanga kuona vachiratidza rudo
mandiri.

"Usatye Kundai vadzimu vane
chirevo nazvo.Chimwe chinhu ndoda
kuti usarudze murwi mumwechete
pavanhu vangu .Ndiye wauchafamba
naye kutanga nhasi."

Handina kudaira vakabva vafamba
pamberi pangu.Tichisvika
mumuzinda Ityai achitiona akabva
afamba kuuya pataive tiri ndokubva
ataura.

"Baba benzi iri mazoita sei naro?."

Ndakaona baba vangu vachindirarisa
ndokubva va----

Ityai

**Paidamoyo ndaisada kumuona aina
Kundai chero kunzwa kuti**

vambotaura vese sezvo ndaifungira
zvakanwanda.

Ndakazoti ndavarairwa hangu
ndichitenderera pamuzinda
ndakaona Paida aina mai va Kundai
achitaura navo. Ndakaita kunge
ndawira mumavhunze emoto
nekutsva nehasha.

Izvi ndizvo zvandaisada zvachose
ndakamuendera kwakumudhonzwa
ndaيدا kumugadzirisa. Pasina nguva
Kundai akabva auya
kwakumudhonzwa.

Kutaura chokwadi Kundai ainge
akuda kupinda nemwenje mudziva.
Ndakatanga kunetsana naye kusvika
vanhu vauya kuzotakanura. Ndainge
ndafunga kumunyudza bakatwa
chairo.

"Ityai mwanangu kurwisana pano
pamuzinda hakuratidze chimiro
chakanaka kuruzhinji hona iwewe na
Kundai mese muri vana vangu"

Ndakavanzwa baba vangu vachidaro
asi ini zvese izvozvo zvaipinda

nekubuda mumusoro mangu.

"Baba inini ndini ndichazove mambo
pano saka anofanirwa
kundiremekedza uye haafanirwe
kupindira panyaya dzangu na Paida"

Havana kudaira vakabva vatanga
kufamba kwakunotaura na Kundai.
Ini ndakabva ndasimuka kwakuenda
muimba yangu. Pasina nguva
ndakaona Paida achipinda asi
airatidza kutya.

Akabva amira nechekumusuwo.

"Ityai ndokumbirawo ruregerero
nezvaitika"

"Kundai unomuda here iwewe? "

Ndakabvunza ndakaita kuvhura ziso.

"Kwe-kwete ndakanzi iwewe ndiwe
uchave murume wangu"

"Ndati unomuda here? "

"Kwete"

Aitaura achiita kudedera manje neni
aizopinda mugwara chete.

"Kubva nhasi andidi kukuona
uchitaura naye kusanganisira mai
vake wanzwa"

Akabva angogutsurira musoro.

"Chienda kuimba yako ndichauya
ikoko"

Nguva iyoyo akabva abuda ini
kwakusara ndakagara ndichibata
bata muromo wangu uyo waive
watsemuka pandainge ndarovera
ndichinetsana na Kundai.

Ndati gare gare ndakabuda
kwakuenda padare apo
pandakasvika baba vangu vakagara
asi vairatidza kufunga kwakadzama.

"Waita hako Ityai wauya ndanga
ndirikufunga kutokushevedza
izvozvi"

Ndakavanzwa baba vangu vachidaro
ini kwakunogarawo pachigaro chaiva
pedyo navo.

"Ndoda kuenda na Kundai kuimba
yesvikiro nenyaya iye yekuuraiwa
kwembada ndoda kuti tibatsirwe
nevari kumhepo sezvo akakanganisa
"

"Matogona baba asi dai iri nguva
yangu yekutonga ndaivadzinga vese
namai vake handigare nenharadada
ini"

"Kwete mwanangu zvinogadziriswa"

Pasina nguva Kundai akabva
ashevedzwa vachibva vabuda
kuenda.

Papera kanguva ndakazosangana
navo vachidzoka. Asi chiso chababa
vangu chaitaura zvakawanda.

Ndakabva ndamira mberi kwavo
kwakuvabvunza kuti mazoita sei
naye.

"Usatya hako zvose zviri
kugadziriswa"

"Ko museve nebakatwa adzoka
nazvo sei handiti makati zvinoda
kuraswa here? "

"Hongu mwanangu asi svikiro rati
hazvina hazvo basa nekurasa sezvo
rine zvaraita"

Ndakabva ndangomupa Ziso Kundai
ndichibva ndatanga kufamba.

"Baba ndinodzoka ikozvino
ndichambopinda musango"

"Zvakanaka mwanangu"

Ndakabva ndapfuurira nerwendo
rwangu.

Pakaita twumazuva pamuzinda
naKundai taisave nenyaya tese.

"Mukoma ndine zvandanzwa"

Ndakamunzwa munin'ina wangu
pomera ai achidaro.

"Wanzwei" ndakadaro ndaita kuvhura
ziso.

"Ndanzwa runyerekupe rwekuti
Kundai achange akufamba
nemumwe wemachinda epano pese
paari"

"Ahhh wanzwa nani? "

Ndakabvunza nezwi raive nehukasha.
Apa ndichiita kudedera nehasha.
Kana chaiva chokwadi paisazobuda
chakanaka.

End of chapter 9

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 11

(NARRATED)

Ishe Chitengu vaive munhu
anozivikanwa nekurima mbesa
dzakasiyana siyana. Veruzhinji
vaiwanzouya kuzoshanda kuti

vawane chikafu pamuzinda uyu.
Vanhu vazhinji vaibva kumatunhu
akasiyana siyana vachiuya mudunhu
iri. Asi zvese izvo zvakazopera
mushure mekunge pamboitika
hondo iyo yakasiya yaparadza
zvakawanda. Zvinova zvakakonzera
kuti vazvigarire pachavo mudunhu iri.
Vainge vasisade kuona vaibva kune
mamwe matunhu.

Mambo Chitengu vaiva nevakadzi
vavo vaviri.

Wekutanga ainzi iye Shorai aive

Chihera saka veruzhinji vaingomuti
va Chihera uyo wavakaroora
mushure mekunge vabva kugadzwa
pahushe uye vakamupihwa
semutemo wemumusha mavo.

Vapedza gore rimwechete
nemukadzi wavo vanova amai
valtyai vakabva varoora mumwe
mukadzi uyo ainzi Chioneso vanova
amai vaKundai.

Chakapa kuti varoore mumwe
mukadzi yaive nyaya yekuti
pahumambo kare waibvumidzwa

nyangwe kuroora vakadzi vaviri kana
vatatu zvichienderena kuti iwewe
waida vangani. Uyewo pavakona
Chioniso vakabva vatorwa moyo.

Hongu mambo vaizama kuti vakadzi
ava vave vanobatana asi munoriziva
barika zvaisanyatsobuda zvakanaka.

Ukuwo vakadzi ava vari vaviri mai
vaKundai vaive vakapfava kusiyana
namai valtyai vaive nehasha uye
vaisada zvisina basa pamberi pavo.

Sekuziva kwedu mwana wamambo
wekutanga kana arimukomana ndiye
anofanirwa kuita mambo.zvakaita
kuti mambo Chitengu vaise mwana
wavo lityai pedyo pedyo navo sezvo
ariye aizivikanwa kuti aizofanirwa
kuita mambo.

Asiwo mukufamba kwenguva vana
ava vakura sezvo vaive vana
vamambo vakatanga kudzidziswa
kurwa na vaNyarugwe vanova ivo
baba va Paidamoyo murwi mukuru
wamambo.

"Mambo hongu Ityai anorwa asi
simba pana Kundai haateveri uyewo
pakufunga chaipo Kundai
anokurumidza kufunga asi
ndichazama kuti vese vafanane
pakurwa."

Mashoko aya akataurwa nababa
vaPaida rimwe zuva vakagara
padare zvinova zvakanetsa mambo
Chitengu.

Ukuwo mambo Chitengu mushure
mekunge vaona kuvimbika

kwaNyarugwe vakabva vakumbira
kuti mwanasikana waNyarugwe
anova Paida aroorwe pamuzinda
kuitira kuti hukama hurambe huripo.

Kubvawo mazuva ainge adzidziswa
vana vamambo kurwa naNyarugwe
Kundai ainge akuita zvaisanzwisika
pamuzinda zvakapa baba vacho kuti
vaise Ityai pedyo navo vachimuudza
matongerwo emuzinda vakutyira kuti
pamwe zvinogona kuenda nepamwe
sezvo svikiro raive rakutura
nemadimikira richiti ndaona
kushanduka kwemuzinda pamberi
apo.

Ukuwo svikiro raive rakapa zuva
rekuti Ityai anofanirwa kuuraya
mbada. Zvinova zvaakatadza. Asi
vakashamisika kunzwa kuti mbada
yainge yauraiwa na Kundai.

Mambo vaona kuti zvadaro vakabva
vaenda kuimba yesvikiro .

"Chitengu handina chekutura newe
ini asi kuti unofanirwa kuuya
nemwana wako nezvinhu zvake
zvakakwana zvaakashandisa

kuuraya mbada asi pane
zvandichada kuti uzoone."

Nemashoko iwayo mambo
vakadzokera kumuzinda vachibva
vazoenda naKundai.Pfungwa dzavo
vaifunga kuti pamwe vachanzi varipe
asi vakazoshamisika vachiratidzwa
chinyorwa chaive kumusana
kwaKundai chakapa kuti vabate
muromo wavo. Zvakapa kuti vabate
kumusana kwavo kwaive
nechinyorwa chakadaro vachibva
vanzwa hana kurova.

Kundai akanzi ambobuda svikiro
richibva rasara namambo Chitungu.

"Nhai vadzimu mati ndodii
zvazvadai?."

Vakadaro mambo Chitungu
vapererwa.

"Mashoko angu aye andakataura
azadziswa Chitungu.Zvave pachena
izvi uyu ndiye asarudzwa .zvino
nemaitiro altyai uchadii??"

"Handichazive ini nhai vadzimu.Inga zvinongonzi wani mwana wekutanga ndiye anofanirwa kuita mambo. Apa ndaive ndataura kuti kupera kwemwedzi uno kune mabiko ekugadzirira kuti Ityai ndiye achazove mambo zvino ndichadii?."

"Hazvipikiswe izvi Chitengu asi ummm ungwarire kana iye Kundai usamuudze parizvino asi anoda kuchengetedzwa uyewo Ityai haafanirwi kuziva nekuti---nekuti---."

Rakatadza kupedzisa svikiro richibva

ratarisa mudenga ndokudzungudza musoro.

Mambo Chitengu vakabva vabuda ndokunanga kumuzinda nemwana wavo Vachisvika vakabva vapa Kundai munhu wekufamba naye senzira yekuchengetedza asi hapana wavakaudza zvaive zviripo.Chinyorwa chaive kumusana kwaKundai ndicho zvekare chavaive nacho kumusana.

Ukuwo Ityai ainge akunyumwa nekuti pese paiitwa dare baba vake vaida kuti Kundai ave aripo kana asipo

vaitomumirira.

Rimwe zuva akabva afunga
kubvunza baba vake zvaitora
nzvimbo nekuti Kundai aive
akufamba nejinda mumuzinda----

Ityai

**Ndaiita kuhuta nehasha pandainge
ndanzwa kuti Kundai aida kupihwa
munhu wekufamba naye.**

**"Andisati ndava nechokwadi
chakakwana asi ndanzwa sekudaro"**

Munin'ina wangu ndaivimba naye

saka chese chaaitaura
ndaichiteerera.

"Zvawandiruma nzeve zvanaka ini
ndichazvitsvaga ndega"

Ndakabva ndatanga kufamba
kuenda kwaiva nevasikana vaibatsira
basa pamuzinda wedu.

Nguva iyoyo ndakabva ndasangana
na mai vangu.

"Nhai Mambo ko zvamurikuratidza

kusafara kwakanaka here imi
murikuda kugadzwa chigaro mwedzi
urikutevera uyo"

Ndakavanzwa mai vangu vachidaro.
Mumoyo mangu ndakambonzwa
kunyevenuka asi chaindinetsa ko sei
baba vangu vaininge vasina kundiudza.

"Amai ndanzwa kuti Kundai arikuda
kupihwa jinda rekufamba naro pese
paari"

"Aaah kuti zvadii? "

Vakadaro vachishamisika. Ndakabva ndafamba kuswedera pedyo navo.

"Manje vakada kutamba neni ivo namai vake vanotama muzinda uno"

Nemashoko iwayo ndakabva ndambobuda kupinda musango. Ndaida kumboona dunhu rababa vangu.

"Ko imi murikutsvagei kuno? "

Ndakadaro ndaona twumwe
twuvafanha twuri musango redu.

"Ti--tine hurombo mambo tanga
tirikutarisa misungu yedu"

"Makapihwa mvumo nani yekuteya
mhuka musango ra Ishe Chitengu? "

"Tiri vagari vemuno changamire tiri
vana va----"

"Hazvina basa neni izvozvo ndati

handidi vanhu vanongomberereka
semasvosve mudunhu rangu huyai
pano mese"

Ndakadaro ndichityora shamhu
yemuti wemupangara.

Nguva iyoyo ndakaona Kundai
nejinda rababa vangu vachisvika
pandaiva apa ndainge ndakabata
shamhu muruoko.

"Kwete mukoma lityai siyai vana ava
vaite zvavanoda vana vemudunhu
redu rino"

Ndakanzwa hasha dzichiuya mandiri.

"Hoo nhai saka zvandanzwa
ichokwadi wakatanga rinhi kufamba
nejinda iwewe ini mambo
ndichifamba ndega? "

"Ityai haisi nguva yekuvhunzana
zvakanwanda, imi vana endai henyu
kumba kwenyu musatya chero
kuteya mariva idunhu redu rino"

"Maita basa mukoma"

Twakadaro twuvana twuye
twuchibva twaenda.

"Kundai tirikunopedzerana
kumuzinda"

Ndakabva ndangotendeuka
kwakunanga kumuzinda.

Ndichisvika ndakaona baba vangu
vakagara nemamwe machinda
vachiita nyaya.

"Baba nemhaka yei Kundai
arikufamba nejinda renyu? "

Ndakaona machinda aivepo
vachitarisana.

"Ityai mwanangu gara pasi titaure"

Machinda aivepo aichinzwa izvi
vakabva vasimuka kwakusara tega
nababa vangu.

"Kundai arikutoripa mhosva
dzaakaita pakuuraya mbada saka

jinda iro ndariisira kuti ringe
richindiudza kuti arikuita zvinhu
zvakataurwa nemazvo here kusvika
mazuva akataurwa akwana"

Vakadaro baba vangu apa vaitaura
vakaita kutsikitsira pasi.

"Arikuripa nemuripo upi ko madii
kungomudzinga pano"

"Kwete mwanangu mese murivana
vangu saka ndokudai pano"

"Saka chero neniwo ndavakufamba
nemajinda andinoda"

"Hazvina kuipa mwanangu"

Ndakambotora nguva ndisina
chandataura. Ndichifemera padenga
nehasha.

"Saka muchandigadza rinhi chigaro?
"

"Kupera kwemwedzi uno tofanirwa
kuita chivanhu chacho"

Ndakatanga kunyemwerera nguva iyi.
Ndaingoda kuti ndikagadzwa chigaro
chete mhuri yekwana Kundai ndaida
kuvadzinga.

End of chapter 11

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 13

PAIDA

Ndakatanga kutya nekudedera.Ityai

aisareva ku--ku--.

Ndaizvifunga hana yangu ichiita
kurova.Ndaive ndaudzwa kuti naityai
taizofanirwa kuzivana musi
wandichamupihwa zviripamutemo .

Ndisingafungire akabva andibata
ruoko ndikavhunduka nekuti
pfungwa dzangu dzaive
kure.Pandakada kuzama kupunyuka
ndakabatwa zvine simba ndichibva
ndanodhuma pachipfuva chake.

"Paida zvose zvirikunonoka uye

ndikuona kunge unekakushanduka
mauri zviri nani ndiite
zvandirikufunga."

"Ha--haurevi kuti--kuti unoda kundi--."

"Zvine basa rei handiti urimusikana
wangu here chashanduka chii ipapa."

"Kwete lityai taifanirwa kumirira
zvatakaudzwa nevakuru vedu."

Pandakadaro ndakanzwa
anyatsondibata zvine simba

ndichibva ndatopererwa.Akatanga
kufambisa maoko ake akutoda
kubata zamu ndokubva ndafunga
Kundai.Ndakabva ndashandisa
simba rangu kumuvhizura.

Paakadzedzereka ndakaona
urimukana wekutiza ndichibva
ndananga kumuzinda

"Iwe Paida mira kurumidza
.Ndikakutevera ikoko unondiona
wanzwa."

Handina kumirira izvozvo ndakabva

ndananga kumba ndokusvika
kupinda muimba yangu yekurara
ndichibva ndaita kuzvikandira
pandinorara.

"Ndofanirwa kutaura nababa vangu
nekuti handichazive ini kuti
ndodii."ndakaerekana ndataura
ndega.

Musi uyu handina kana kubuda
panze nekuti ndaisaziva kuti lityai
ndikasangana naye achaita
sei?.Ndakabva ndaona Chennai
achipinda nesadza .

"Chenai nda---nda---."

"Paida idya chikafu ndoda
kudzokera."

Aisanditarisa kumeso nguva iyoyo
ndichibva ndanzwa hana kurova
.Nemhaka yei aiita kunge pane
zvaaive anzwa.

Pandakapedza akabva abuda
kuenda ndikasara ndega.

Ndakaita nguva ndakamiriraTionei
asi haana kuuya ndichibva
ndatobatwa nehope.

Ndakazoita kuvhunduka nekuti
ndaiita kunge ndainzwa mune
munhu mumba.

Ndakaita kuvhunduka kumuka
.Sezvo kwaive nemwedzi.Pekutanga
handina kunyatsotarisa asi
ndakazoona ari Kundai.

Ndakanzwa hana kurova ndichibva
ndakanganwa kuti ndaive ndabvisa

nhumbi dzose. Ndakabva
ndazvivhara pachu pakakosha
ndichibva ndasiya mazamu. Asi
chakandinetsa akaramba
akanditarisa kumeso.

"Ku--Kundai wapinda sei?."

"Chii chaitika kwawanga
washevedzwa naltyai."

Aitaura akaita kuruma mazino nguva
yacho.

"Aa--nda."

"Paida waita sei natyai??"

"Anga achida ku--ku---asi ndatiza."

Akaratidza kutura mafemo nguva
iyoyo.

Achibva aswedera pedyo pedyo neni.

Ndakaita kunge ndirikuda kudzokera
kumashure achibva andibata
kundiisa pachipfuva chake.

"Paida ndakamirira mhinduro yako
ndapota usaite chimwe chinhu
naltyai nekuti ndodeura ropa."

Ndakaramba ndiripachipfuva chake
hameno kuti sei. Asi pana lityai
ndaive ndisisadi izvozvo.

Ndakazoerekana ndaita kutakurwa
ndisingafungire ndichibva
ndaradzikwa pasi. Iyewo achibva
auya kuzorarawo achibva
andisimudza ndokundiisa

pachipfuva chake apa aive asina
kupfeka chinhu kumusoro apa ini
ndaive ndisina kana chinhu zvacho.

Ndakazonzwa akufambisa maoko
ake ndichibva ndamubata nekuti
ndaisada izvozvo.

"Paida ndokuda "

Ndomashoko aakataura iwayo apa
ndaive ndabata ruoko rwake.

Kundai kwete nhasi."handizive kuti

mashoko aya akabva kupi achibva
andibata kumusana kwangu kuita
kunge kundichengetedza.

Takabatwa nehope takadaro asi
ndakazopepuka nekugogodzwa
kwegonhi asi izwi randakanzwa
rakandityisa raive ramambo
Chitengu---

Ityai

**Ndainge ndakuchida kutonga.
Pfungwa dzangu dzaiinge dzava kure
kwazvo.**

**Ndaida kuti ndichingogadzwa
humambo chete. Kundai
kusanganisira amai vake ndaida kuti
vatame pamuzinda. Sezvo vaigona
kana kuzondiisira muchetura
muchikafu vachida kuti mwana wavo
asare nechigaro.**

"Pomerai ndiperekedze kurwizi"

Ndakadaro hangu ndainge ndafunga
parefu. Uyu Paidamoyo ndaiona kuti
ndikada kuita zvekurivara
zvaisafamba zvakanaka sezvo
painge pane kakumufungira
ngandaimuita.

"Mukoma kwasara mazuva
mashoma kuti mugadzwe chigaro"

Akadaro Pomerai pataifamba
takananga kurwizi.

"Hongu munin'ina ndinenge ndava
mambo vavengi vangu vese
vachandiona"

"Kkk ana Kundai? "

"Inga urikuziva kkk vachapatama
chete pamuzinda ndonzi ltyai ini"

Taitaura hedu tichiseka nemunin'ina

wangu. Hongu ndaiseka hangu asi
mumoyo ndairevesa pane zvese.

"Honaka Pomerai iwe enda
kumuzinda unoshevedza Paidamoyo
auye kuno"

Haana kutora nguva akabva
adzokera kumuzinda.

Ndakasara ndichiita kunyemwerera.
Ndaida kuchimubvisa humhandara
nguva ichiripo. Hapana kuramba
kwaaiita sezvo ndainge
ndakamupihwa kuti ndiye achave

mudzimai wangu.

Pasina nguva ainge auya pandaiva.
Ndakabva ndadzinga vamwe vose
tichibva tasara tiri vaviri.

Pandakamuudza zvaivepo ndakaona
kutsika tsika maari. Ndakanzwa
hasha zvekuti ndakafunga kuda
kushandisa chisimba. Asi iye akabva
apunyuka kwakutanga kutiza.

"Uyu munhu ane mamhepo chete

uyu manje ndoda kuzvipedza"

Ndakatanga kutevera kuenda
kumuzinda. Ndichisvika ndakaona
baba vangu vakamira. Vaitoratidza
kuti vane zvavaona.

"Ityai huya pano"

Ndakavanzwa vachidaro.
Ndakamboda kuramba ndichifamba
asi ndakazongozvidzora.

"Kwakanaka here mwanangu ndaona

muroora Paidamoyo auya
achimhanya uku achichema"

"Hongu baba kwakanaka asi kuti
pano pane nharadada
dzirikumufurira manje ndoda
kumbomudzidzisa azive"

Ndakadaro kwakuda kufamba
kuenda.

"Kwete mwanangu hazvinzwaro
hona pasara mazuva mashoma kuti
ugadzwe humambo panoda
kudzikama kuti varikumhepo vafare"

Pavakadaro ndakatanga kunzwa
moyo wangu kunyevenuka.

"Pakanaka baba"

Ndakadaro kwakuenda kuimba
yangu. Uyu Paidi ndakangozviudza
kuti ndaizomuona.

Mazuva paainge aswedera ndine
imwe pfungwa yakauya mandiri.

"Ndoda kuratidza baba vangu kuti
ndiri mukono chaiwo"

Ndakadaro uku ndakabata bakatwa
rangu muruoko.

Ndakatanga kunyemwerera sezvo
ndainge ndaona ndichibudirira.

Ndakazoti zuva parainge
rakunopinda kuna mai varo.
Ndakabuda pamuzinda ndisina
wandataura naye kwakunanga
musango.

"Ndotoiurayawo mbada chete
handikundwe na Kundai ini"

Ndainge ndazvipira ndaida kuti
ndikaiuraya ndaiuya nayo
ndakaitakura pamuzinda.

Ndakanopinda kwacho kwaityisa
kwadzaitambira.

Pasina nguva ndakanzwa ku hon'a
kwakutarisa mumuti ndikaona rino
zimutumba rembada riri pamhandi

yemuti.

"Ndoitwa lityai ini mwanakomana
wamambo Chitengu"

Ndakamataura mashoko aya pasi
pasi uku ndavhomora bakatwa rangu
paraigara. Asi ndainge ndakunzwa
kudedera.

Mbada iye yakabva yahon'a zvekare
uku ichibuditsa mazino ayo
akandirovesa hana.

Ndakatanga kudzoka shure nekutya.
Mheni chakandipingirisha
kwakudonhera pasi. Ndakaona
mbada iye ichiita kusvetuka kuuya
pandaiva.

Andizive kuti chii chakaitika
ndakazongoona ndambundirana
nembada uku yaita kundinyudza
nzwara kumusana.

"Maihweeeee ndofira musango
nezvikara here nhai varikumhepo? "

Ndakatoona kuti zvainge zvaipa.

Chandaingokwanisa chete panguva
iyi kunzvengesa musoro. Takatanga
kurwisana asi changu painge pasina.

Ndakangokwanisa kubaya mbada
iye pagumbo nebakatwa. Ipapo
ndipo pandakawedzera hashu dzayo.

Ndainyatsonzwa kuti
ndakuparadzwa pano.

"Vadzimu ndofa here makatarisa
maiwee kani"

Ndairidza mhere musango imomo
asi wekuchemera painge pasina.

Ndakatanga kuumburudzwa
ndichibva ndawira muchigomba
chaivepo.

Mbada iye ichibva yatanga kuhon'a
yakatarisa mugomba riye apa
ichitenderera tenderera kutsvaga
pekupinda napo.

Ini ndakaramba ndakarara
muzigomba riye uku ndichibvunda.

Ndakaramba ndiri muzigomba riye
kusvika mbada iye yaenda. Asi
chainge chakunetsa ndaisaziva kuti
iripo here kana kuti yaenda.

Ndakazongoita zvivindi kwakubuda
mugomba riye uku ndichigomera.

Ndichingobuda chete ndakatanga
kudzedzereka ndakananga
kumuzinda apa muviri wese ainge ari
maronda.

"Ndichavaudza kuti kudii baba vangu?
"

Ndakadaro uku misodzi ichiyerera
pamwechete nehasha apa ndainge
ndakusvika kumuzinda.

End of chapter 13

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 12

PAIDA

Ndakasara ndichitura mafemo
moziva ndaifunga zvainge zvaitika
husiku uhwu naKundai.

Ndainge ndakupinda nemwenje
mudziva zvino nekuti kurara kwaive
kwaita Kundai mumba kwaive kusina
kunaka.

Kuchingoedza ndakabva ndamuka
kuenda kunobikirwa ndokuona amai
vaKundai vachinditarisa asi
vainyemwerera .Ndakabva
ndangonyemwerera ndakatarisa pasi

nekuti ndaisada kuonekwa naamai
valtyai.

Ndainge ndakubatsira mabasa
ekubika ndichibva ndaona Shorai
hanzvadzi yaltyai yauya pandaive
ndiri.

Akatora nguva akanditarisa pasina
chaataura zvekuti hana yangu yaive
yakurova.

"Chandinoziva ndechekuti ltyai
mazuvano haasi kurara mumba
nekuti akanzi anofanirwa kuuraya

mbada Asi chakandinetsa husiku
hwanezuro pandakamuka ndichida
kunorasa mvura ndakaona kunge
muimba yako makabuda
munhurume."

Ndakanzwa hana kurova.Ndakabva
ndangobuditsa ziso nguva iyoyo
ndichishaya kuti ndotii.

"Ndazoita munhurume nguva nhai?."

Uyu aive Chennai akadaro ..

"Ndichazvibata hangu zvose
zvirikutika pamuzinda uno?"

Paakataura mashoko aya akabva
afamba kuenda.Ndakaona Chenai
achiuya pedyo pedyo neni
ndokundibata maoko angu ose
achibva anyemwerera

"Kkk Paida handina chekutura ini
asi chandinoziva Kundai anokuda."

"Asi---Asi hazviite nekuti ndofanirwa

kuroorwa na---."handina kupedza
kutura nekuti akabva atopindura.

"Kundai haumuzive iwewe
chaanenge ada anenge atoda zvave
kwauri iwewe kuti uchaita sei."

Akabva afamba kubva pandaive ndiri
ndichibva ndatura mafemo.

"Umm zviri nani ndidzokere kumba
kwedu kana zvadai nekuti
ndinopabuda here kana zvadai?."

Ndaive ndakubatsira vamwe asi
moyo wangu waive usiri panzvimbo
Ndainge ndakunzwa kupiswa
ndichibva ndambofunga zvekubuda
panze kuti ndifurwe nemhepo.

Ndichingobuda chete ndakaona
Kundai akamira nejinda rake rainzi
Jangano .

Paakandiona akabva aramba
akanditarisa kunge aiona
zvandaifunga zvose nemuviri wangu.

Akabva atanga kufamba kuuya

kwandaive ndiri.

Zvino ndaisada izvozvo nekuti
ndaiziva kuti Ityai anogona
kubudikira chero nguva .

Ndakakurumidza kufamba kuti
ndidzokere mumba asi akanditangira
ndokundibata ruoko rwangu.

"Paida ---?."

Akadaro andibata zvekuti
ndakatadza kumubvisa.

"Kundai hausikuona here kuti vanhu variku--."

"Handina basa navo ini nhasi izuva ratobuda iri Paida kureva kuti takuti kwasara mazuva maviri handidi kuzoudzwa zvisizvo."

Ainge atoshanduka chiso zvekuti ndaive ndazongotarisa pasi nekutya.

Akabva andisiya ndokufamba kunopinda muimba yake.

Pandakasimudza chiso ndakaona
mambo Chitengu vakatarisa
kwandiri.Ndakatanga kudedera
nekuti vainge vaona zvose.

Ndakafamba ndokunopfugama
pamberi pavo senzira
yekuremekedza nekuti ndaida
kuvamhoresa.

"Vadzimu ngavakuitire zvakanaka
muroora pane zvose zvaukushuvira."

Nemashoko iwayo vakabva vafamba
kuenda ndokusara ndichisimuka
ndichida kuenda kwaive nevamwe
asi ndakabva ndasangana
naPomerai.

"Paida zvanzi namukoma huya kuya
kwemazuva ose kwamaimboonana
varikuda kukuona.

"Pa---pakanaka."ndakadaira ndiine
kakutya nekuti ndaive ndakugara
pamuzinda Sei ainge arikuda kutaura
neni kusango.

Ndakabva ndashevedza Tionei
nekuti ndaisaziva zvaida kuitika
ikoko.

Ndichisvika ndakaona akafuratira
kwandaibva asi ndofunga akanzwa
mutsindo akaziva kuti ndauya.

"Paida ndoda kuti undiratidze kuti
unondida nhasi chaiye---?"

"Wati chii--?"ndakabvunza hana
yangu ichiita kurova.

"Wazvinzwa ----iwe musikana dzoka
kumuzinda ndoda nguva yangu
naPaida "

Paakadaro Tionei akabva atofamba
ndokusara ndaku----

Kundai

**Ndakaita kunzwa ruzha lityai
achipopota. Andina kuda kuita hanya
nazvo ndaizviziva kuti yaive nyaya
yekuti ndainge ndakufamba nejinda
repamuzinda.**

**Ndakazonzwa baba vachishevedzera
nguva iyoyo.**

**"lityai usaite hondo pano pamuzinda
tinoda runyararo"**

Vaingotaura havo asi pfungwa dza
Ityai ndainge ndadziziva.

Handina kumira ndakabva ndatanga
kufamba kwakuenda kwaiva na mai
vangu.

"Kundai mwanangu zvazvadai
zvashata iwe chirega kuvarairwa
ndaona waitwa zvisirizvo pano
nekuti pfungwa ina Ityai haina
kujeka"

Ndakamboramba ndakatsikitsira
pasi kwakuzotaura.

"Kwete amai musandityira ndega
ndozvimiririra chandisingade chete
kuona imimi muchishungurudzwa
pano izvozvo kwete ndaramba"

Amai vangu pavakashungurudzwa
pakakwana iyi yainge yava nguva
yangu yekuvachengetedza.

Andina kuzomira ndakabva ndabuda
nejinda rangu kwakupinda musango.

"Mambo saka mbada makaikurira
sei chikara chinotyisa kudaro? "

Akadaro Jangano patainge tiri
musango.

"Munhu wemurume unofanirwa
kutoshinga ukangobatwa nekutya
chete kazhinji chero pahondo
unokurirwa"

Ndakamuona achigutsurira musoro
kuratidza kuti ainge anzwa

zvandareva.

Takatanga kutenderera hedu
musango. Ndipo patakabva taita
mahwekwe na Ityai. Achida kurova
twuvana twemudunhu redu.

Ndakanzwa hashu dzichiuya mandiri
ko sei Ityai aine moyo mukukutu
kudaro?

Ndakazoenda ipapo ndikavadzivirira.
Asi iye akaratidza kurwadziwa
kunyanya achiona Jangano jinda
rababa vangu randainge
ndakufamba naro.

Tichibva apa takazoenda kumuzinda
asi pfungwa dzainge dziri kuna
Paida. Ndainge ndakuchida kunzwa
mhinduro yangu.

Ndakazomuona Paida kwakurovera
moyo kudombo kuenda paaiva
kwakumuudza kuti kwainge kwasara
mazuva maviri kuti andiudze
zvaainge afunga.

Ndaiona kunetseka maari asi ini
ndaisazvitarisa.

Dzakazoti nguva dzafamba
ndakagara hangu padare ndakaona
kamusikana kaibatsira pamuzinda
kainzi Tionei kachiuya kubva
kusango.

"Ko iwe urikubva kupi uri wega? "

Kakabva kauya kuzopfugama mberi
kwangu.

"Maswera sei mambo, ndanga
ndabuda na Paidamoyo"

Ndakanzwa hana yangu kurova
panguva iyi.

"Saka iye aripi zvawadzoka wega? "

"Asara na mambo lityai"

"Ku--kupi uye vachiitei? "

Mashoko aya akangoerekana abuda
mandiri.

"Andizive ndangonzi ndidzoke kuno"

Ndakabva ndada kusimuka kuda
kutevera asi ndakanzwa baba vangu
vachitaura.

"Kwete mwanangu usatevera"

Ndakatadza kuziva kuti vainge vauya
nguvai padare.

Ndakatadza kugarisika nehasha.
Ndaisada kuti Paida abatwe

nemumwe munhu hongu ainge asati
andibudira pachena panyaya yangu
asi ndaisada munhu paari.

Pasina nguva ndakaona Paida
achibudikira uku achifambisa
misodzi ichiyerera.

"Paida ko waitwei uye uri kuchemei?
"

Ndakabvunza apa vanhu vese vainge
vazotarisa Paida achisvika
pamuzinda.

Haana kudaira asi kuti airatidza kuti
ane nyaya hombe.

"Dai zvikasave zvandiri kufungira"

Ndakamataura mashoko aya
nechemumoyo.

Pasina nguva lityai akabva
abudikirawo. Uku akabuditsa ziso
handizive kuti dzaive hashu here
kana kuti.

Ini chandaida apa kuziva kuti
Paidamoyo ainge aitwei kusango
ikoko.

End of chapter 12

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 14

Kundai

Ndakatanga kutenderera nehasha

ndaida kuziva kuti Paida ainge aitwei
kusango ikoko na Ityai.

"Kana amubvisa humhandara chete
hapagarike pano"

Ndakamataura mashoko aya pasi
pasi uku ndichiita kututuma nehasha.

Ava manheru ndakazoenda kuimba
yairara Paida kwakusvika akaita kufa
hake nehope. Andina kuda kupedza
nguva ndakabva ndapindawo
mumachira.

Ndakanzwa munhu achiita
kuvhunduka paakandiona. Panguva
iyi ndaida kunzwa kuti chii chainge
chaitika na lityai kusango.

Ndakazotura mafemo ndanzwa
achiti anga achida kumubata iye
achibva atiza.

Ndakanzwa moyo wangu kufara
sezvo mwana uyu aifanirwa kuita
wangu uye hapana aizokodzera
kuswedera pedyo naye.

Ndakarara pungwe ndiinaye.
Kuchingoedza chete ndakavhunduka
kunzwa baba vangu
vachishevedzera.

"Gogogo mumba umo"

Takabva tatarisana na Paida uyo
wandakaona akaita kuvhura ziso
nekutya. Ndega ndakabva ndaziva
kuti baba vangu vaziva kuti ndaiva
mumba umu.

"Ku--kundai hona manje
ndichatarisana navo sei baba"

"Usatya handiti ndagara ndiri
murume wako here Paidamoyo?"

Haana kupindura akaramba
akanditarisa. Ndakabva ndasimuka
kuda kubuda iye achibva andibata
ruoko.

Paive nepfungwa dzake ndakapaziva
aisada kuti ndionekwe nababa vangu
ndichibuda mumba umu.

Ndakafamba kwakunomira pagonhi

ndichibva ndadongorera.

Ndakavaona baba vangu vachifamba
zvinyoro nyoro vakananga kudare
apa kunze kwainge kwakutochena.

Ndisina kufunga zvakawanda
ndakabva ndangoverera ndichibuda.
Ndisina kure kwandaenda baba
vangu vakabva vacheuka tichibva
tatarisana.

Vakangozunza musoro
kwakundishevedza neruoko.

Andina kuita nharo ndakabva
ndafamba kuenda ikoko.

"Kundai mwanangu hapana
chekundivanzira apa sezvo zvese
ndirikuziva"

Vakadaro vachitaura nezwi raiva
pasi pasi kusada kunzwikwa.

"Baba----?"

"Hongu mwanangu ndosaka ndauya
kuimba ya Paida iyo kukushevedza

andidi kuti paite hondo pano mava
kunetsana na lityai"

Ndakaramba ndakanyarara ndichida
kunzwa paive nenyaya.

"Hona iwewe ndiwe wakasarudzwa
kuita mambo saka ndoda
kukutsvagira wako musikana
wekuroora kana kuti uzvitsvagire
wega waunoda asi asiri Paidamoyo"

Ndakaita kunge ndabaiwa pamoyo.
Nemashoko ababa vangu.

"Kwe--kwete baba. wangu moyo
wakatomera paari"

Vakamboramba vakanyarara
vachibva vatanga kunyemwerera.

"Wakamera kunani? "

"Kuna Paidamoyo ndiye wandinoda"

"Ndirikukunzwisisa mwanangu asi
chimiro ichocho hachibude
zvakanaka unofanirwa kutsvaga

umwe asiri Paída"

Nemashoko iwayo vakabva vatanga
kufamba kuenda kuimba yavo.

Ndakasara ndakamira asi ndega
ndakazviudza kuti pana Paída
ndatodzika midzi.

Mazuva aifamba ini na Paída
taingoche kana neziso. Nyadzi
ndidzo dzandaiona kunyanya maari.

"Mambo ndaona lityai achibuda
akabata pfumo ne bakatwa mukati
kwakanaka here kwaendwa? "

Rakadaro jinda randainge
ndakufamba naro mazuva aya.

"Afamba sei? "

"Abuda akananga nekuchikomo
Chenungu"

"Kkk ndofunga aenda kundovhima"

Ndakadaro ndichiseka hangu. Musi
uyu ndakaswera ndiripo pamuzinda
uyu lityai akaswerawo asipo.

Ava manheru kuchangotanga
kusviba

ndakavarairwa ndakaona Paida
achifamba kuenda seri kweimba
yake.

Ndakangosimukawo kwakunanga
ikoko. Achindiona akaratidza
kuvhunduka.

"Kundai---"

"Paida handina nguva ndiudze kuti
nyaya yedu yava papi? "

"Kundai tozotaura tingaonekwe"

"Handisi kuzokusiya Paida dai
wangondiudzawo zviri pamoyo wako
ndifare"

Akabva amboramba akanyarara
akanditarisa.

"Unondida here kana kuti kwete? "

"Kundai ndokuda asikuti-----"

Asati apedza kutaura ndainge
ndakuto svetuka svetuka nemufaro.

"Watopedza andichada kunzwa
zvakawanda Paid"

Ndakadaro ndichinyemwerera
kwakutanga kufamba kuenda padare.

Ndati fambei pane munhu
wandakaona achisvika pamuzinda
uku achiita kakudzedzereka.

Ndakabva ndaramba ndakamira
ndakatarisa kuda kuziva kuti aive ani.

Paida

Hana yangu yakatanga kurova
pandakaziva kuti vaive mambo
vaishevedzera.

Kundai akazobuda hake asi ini
nyadzi dzainge dzondikurira.

"Ndichatarisana navo sei mambo,

ndavakuita kunge munhu asina
kurairwa"

Ndakamataura mashoko aya
misodzi yajenga mumaziso. Hongu
painge pasina chandaita na Kundai
asi zvaingorema. Vaigona kutadza
kunzwisisa zvaivepo.

Mazuva aifamba asi na mambo
ndaisada kusangana navo
ndaingotiza tiza. Uyu Ityai kubva
zvandainge ndamutiza kurwizi ainge
asingade kutaura neni asi

ndaizviziva hangu kuti kwaive
kutsamwa.

"Muroora urikuratidza kuti pfungwa
dzako hadzisi panzvimbo chii
chaizvo chirikunetsa? "

Ndakavanzwa mai va Kundai
vachidaro. Kubvira kare vaingonditi
muroora vaisa sarudza vanhu
sezvinoitwa namai va ltyai.

"Ndasuwa amai kumba"

Ndakadaro ndichinyaririra. Uyewo
chaive chokwadi ndaidawo
kumbobva pamuzinda kuenda
kumba kwedu sezvo zvainge
zvakuitika zvacho painge pakaoma.

"Usazvidye moyo hako kufunga
zvakaenda kana vari mai
uchanovaona hako"

Ndakango nyemwerera hangu
ndichibva ndazoenda kuimba yangu.

Akazoti ava manheru ndakabva
ndasangana na Kundai seri kwemba.
Ndakamboda kutiza asi zvakaramba.

Kutura chokwadi ndaiti ndikaona
Kundai ndaingonzwa mufaro mandiri.

Akandibvunza mubvunzo panguva iyi
ndichibva ndamuudza zvaive
pamoyo. Hongu Kundai ndaimuda
asi ndaitya Uyu wangu Ityai ainzi
ndiye aifanirwa kuita murume wangu.

Chandaisada apa kupesanisa vana
vanyamunhu. Ndainge ndavepakati

uku Kundai uku Ityai.

Ndichipedza kutaura na Kundai
ndakabva ndadzokera kuda
kunopinda mumba ndipo
pandakanzwa vanhu vepamuzinda
vachiratidza kukanuka.

"Ityai ko chii chaitika? "

Ndakabva ndamira kwakutarisa
kwainge kwakusviba hako asi
kwaioneka. Ndakaona Ityai achisvika

pamuzinda achifamba zvishoma
nezvishoma.

Nguva iyoyo svikiro remumuzinda
rakabva rabudikirawo uku
rakasimudza tsvimbo yaro mudenga.

Tese pamuzinda takabva tamira
takatarisa kuda kunzwa zvaida
kutaurwa panguva iyi uye nekuti chii
chaininge chaitika kuna Ityai.

End of chapter 14

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 15

ITYAI

Ndaiita kudzedzereka ndakananga
kumuzinda .Chandaida rubatsiro
nguva yacho nekuti ndainge
ndakutonzwa kupindwa nechando
uye ropa raingobuda mandaive
ndanyudzwa nzwara nembada.
Ndakasvika mumuzinda ndichibva

ndashevedzera .

"Ndibatsirei ndakufa".ndakabva
ndadonhera pasi nguva iyoyo.

Ukuwo ndakanzwa svikiro richiita
kuhon'era nguva iyoyo.

"Chikomana ukaita zvekutamba
unofa .Ukudirei kuteya nzou neriva."

Ndaive ndiripasi zvangu
nemarwadzo asi shona iyi

yakandinetsa .Nekuti svikiro kare
raive rakanditi ririkuda kuti ndiuraye
mbada ko apa raitii??

Ndakabva ndatanga kuiswa
mushonga muviri wese nesvikiro
ukuwo Kundai aive akamira parutivi.

Rapedza rakabva ratarisa baba
vangu ndokutaura zvekare.

"Chitengu mazuva ekutanga kwazvo
akusvika wotogwinya nekuti

zvinenge zvakaoma."

Baba vangu vakabva vatsikitsira
kutarisa pasi kuita kunge pane
zvavaihwandisa zvavaisada kuti
ndizive.

Ndakabva ndabatsirwa kusimudzwa
naKundai kuendeswa kuimba
yangu.Tichipinda imomo
ndakamubvisa nesimba shoma
randaive ndasara naro nekuti
ndaisada kubatwa naye.

"Kkkkk Ityai ---Ityai mwana wababa

vangu "

"Buda muno wanzwa ndikapora
ndoda kuzokuonesa nhamo nekuti
unekamwe kahunhu
kandisingafarire."

Akabva aswedera pedyo pedyo neni
ndokubva aisa huma yake pane
yangu.

"Ityai chose chinoti iwewe dai
waiziva kuti chave changu
waisataura zvaurikutaura izvi."

Ndakanzwa hasha ndichibva
ndasimudza ruoko ndichida
kumurova.Ndaifunga kuti haasi
kuzviona achibva arwubata zvine
simba apa paive nechironda
ndokudzvanya ndichibva ndatanga
kuyuwira.

"Kkkkkk waita mwana pakurwa iwe
ltyai uye ukaita zvekutamba
ndichakuuraya pamberi pevanhu
vose."

Nemashoko iwayo akabva atobuda
kuenda ndokusara ndichiyuwira
nekurwadziwa.

Abuda ndakasara ndichitura
mafemo. Asi simba raKundai
raindinetsa kubva tichiri vana ndaiti
ndamisisdzana naye
ndaisamukwanisa .

Ndakaita mazuva ndirimumba
ndakarara ndichiteerera marwadzo.

Ndaive ndapedza vhiki ndakarara
ndichibva ndanzwa gonhi kuvhurwa
zvine simba apa ndaive ndakaita
kubiwa nehope asi ndakaita
kuvhunduka.

"Mukoma makarara ummm maonero
angu baba vave kuwirirana naKundai
zvandisirikunzwisisa."

"Wa--watii chii?."Ndakabvunza nekuti
chandaiziva baba vaisanyatsoda
Kundai ko apa zvainzi kudii?.

Ndakabva ndanzwa simba
kuuya.Ndofunga neniwo ndaive
ndanyanya kurarawo muimba
kuteerera muviri.Ndakabva ndabuda
kuenda panze Ndiriparefu kuenda
kudare ndakaona baba vakagara
naKundai vakatsikira vachitaura
nyaya vachitoseka.Zvakabva
zvatanga kundinetsa nguva iyoyo
nekuti baba vangu kashoma kuseka.

Ndakabva ndamira kuvatarisa nguva
yacho.Baba vangu vakabva
vazosimudza musoro tichibva

tasanganidzana maziso .Ndakabva
ndaenda kune jinda rangu .

"Mambo ndakakuudzai kuti Kundai
naMambo Chitengu pane zvirikuitika
chete imi mukaramba."

Ndakaita kuruma mazino nehasha.

Ndakabva ndafamba kuenda padare.

"Mambo ndokumbirawo kutaura
nemi chete."

"Taura ndiripo nekuti handisi
kuzosimuka "

Ndakamunzwa achidaro Kundai .

"Kwete Kundai simuka utipe
mukana."

Ava vaive baba vangu vaidaro nguva
iyoyo.

Paakasimuka ndakabva ndatarisa
kuna baba vangu nehasha ndichibva
ndataura zvaive kumoyo.

"Udzai vanhu vose kuti vhiki rino
ndirikugadzwa pahumambo."

"Wa---tainge takati kupera kwe---."

Handina kuvapa mukana
ndakavadimbura vasati vapedza
kutura.

"Hazvina kusiyana baba ndati vhiki
rino."

Nemashoko iwayo ndakabva
ndatotanga kufamba kubva pavaive
vari--- ndokunanga kuimba yaPaida.

Ndakasvika nekuvhura gonhi ndisina
kugogodza.Aive asina kupfeka
kuratidza kuti aibva
kunogeza.Patakasanganidzana
maziso akabva atora jira ndokuvhara
padumbu.Ndakaramba
ndakamutarisa ndichishaya kuti aida
kuzama kudii---

Kundai

**Ndakaramba ndakatarisa munhu
aidzedzereka achisvika pamuzinda.**

**Ndakazo shamisika kuona ari lityai.
Ko ainge aitwa sei nhai?
Ndakaswedera pedyo naye
kwakuona akakuvadzwa kuvadzwa
muviri wese.**

**Pandakanyatso tarisisa ndakabva
ndaona kuti haasi mavanga
ekurwisana nemunhu asi kuti ainge
avhiringwa nezvikara.**

Svikiro rakazouya rikaita zvarakaita.
Ndichibva ndanomuisa muimba yake.

"Ityai atambira kusiririko ikozvino
ngaachirega kuedza kuuraya mbada
zvakaitswa nemwana wako uyu
Kundai zvakatodarika pakaita
mumwe anoedza kuda kuuraya
mbada anouraiwa nayo"

Rakadaro svikiro richiudza baba
vangu.

"Parikunzwikwa changamire"

Ini ndaive ndakagara zvangu
ndakateerera. Nguva iyoyo svikiro
rakabva raenda.

Mangwana acho kuseneni ndakaona
baba va Paida vachisvika pamuzinda.

"Chiizve chakaitika kumukuwasha
wangu nhai? "

Vakadaro vachibvunza baba vangu.

"Akavhiringana ne mbada saka

yakamukuvadza zvakanyanya"

"Ko yakazomukurira sei inga
ndakavadzidzisa kurwisa zvikara "

"Zvine chekuita nevadzimu zviye
saka ini ndakungotevedza
zvinodiwa"

Ndakaona baba va Paida vangovhura
ziso vakatarisa baba vangu.
Vairatidza kuti vane mibvunzo
yakawanda mumoyo mavo.

Takaita mazuva uyu lityai asiri
kubuda panze aingoswera akarara
mumba.

"Kundai mwanangu ndarota hope
dzakaipisisa kwazvo"

Ndakavanzwa baba vangu vachidaro
apa vaininge vakasuwa suwa pachiso.

"Marotei baba? "

"Kurota pfumo dzvuku
rakandinongedza padumbu asi
munhu anga akaribata andina kuona
chiso chake anga akachihwandisa"

Hope idzi dzaive dzisina kujeka.
Pane zvaive mberi chete saka
ndaifanirwa kungogara
ndakagadzirira. Kana paine vavenge
vaida kupindira ndaizorwisana
nemuvengi iyeye kusvika zvanaka.

"Hope idzi hadzina kunaka baba
tichabvunza kusvikiro"

Takazotanga hedu kutaura dzimwe
nyaya asi baba vangu vairatidza kuti
vainetseka.

Ndakagara kudaro ndakaona Paida
achifamba takangotarisa achibva
atarisa pasi.

Uyu mwana ndaimuda zvekuti ndega
ndakatanga kunzwa hana yangu
kurova nemufaro.

Ndakamuona achinopinda muimba
yake. Ini kwakusimukawo musi uyu
muzinda wainge usina vanhu

**vakawanda sezvo vazhinji vainge
vane zvekuita zvakawanda.**

**Ndakangoverera nemadziro
kwakunopinda mumba imomo.**

"Aaah Kundai? "

Akadaro achiratidza kushamisika.

**"Paidamoyo ndakakuudza kare kuti
uri wangu iwewe usatye"**

Ndakabva ndaswedera pedyo naye.

"Kundai buda ko ukaonekwa nhai? "

"Nhasi muzinda wakafura mhengo
vanhu vazhinji varikupura zviyo saka
ndiwo mukana wekumbotaurawo
newe"

Pandakadaro ndakaona
angotsikitsira kutarisa pasi.

"Uri kundiomesera Kundai"

"Paida ini newe hapachina shanduko
zvava kwandiri kuita zvandinoda
newe sezvo ndiwe wandakada"

"Ko ndika----"

Andina kuda kumupa mukana
ndakabva ndamudhonzera pandiri.
Kwakumugumbatira kunge mwana
mucheche.

Ndaimunzwa hana ichirova andizive
kuti kwaive kutya here kana kuti
mufaro.

Zvinyoro nyoro ndakatanga kubata mazamu ake. Ndikamunzwa achitura mafemo.

"Ku--kundai"

Andina kudaira ndakaramba ndichiita zvandaiita ndikanzwa ava kufemeruka.

Pandakada kubvisa maoko angu pamazamu ake. Akabva amabata kuratidza kuti ainge achinakidzwa

nezvandaiita.

Ndakaramba ndichitamba naye
ndikaona achiratidza kurukutika. Ini
wacho ndainge ndisisakwanise.

Ndakazomusimudza
kwakumuradzika pasi.
Pandakamutarisa ndakaona akaita
kuvhara maziso. Apa zvidya zvese
zvainge zvava pachena.

Ndakamboramba ndakamuyeva

ndikanzwa muviri wangu kumerera.

Ndakaenda pedyo naye ndichibva
ndaite ku-----

End of chapter 15

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 16

PAIDA

Takamira kunzwa zvaida kutaurwa nesvikiro. Ndakanzwa ravekutura zvekuti Ityai adakuzama kuteya nzou neriva.

Akazotakurwa naKundai ndokuendeswa muimba yake.

Mazuva akafamba handina kubvira ndaenda kunomuona muimba yaiirara hameno kuti sei?.

Ukuwo Kundai ainge akuti akawana

mukana wouya kuzorara muimba
yangu pasina chaitika.

Asi apa kwainge kwapera mazuva
maviri asina kuuya kuzorara Kundai
zvinova zvakandinetsa.

"Umm kuti haachadi nezvangu here?
"Ndakazvibvunza nekuti pana Kundai
hana yangu yainge yakurova
ndikamuona.

Ndakazoona Chenai hanzvadzi
yacho yakupinda mandaive ndiri ari
masikati.

"Muroora wangu "

Ndakanzwa kunyara ndichibva
ndatanga kutambisa zvigunwe.

"Kkk handisi mwana mudiki ini zvose
ndirikuzviona zvirikuitika pano uye
mukoma vakandiudza kuti
ndikuchengetedze."

Ndakabva ndasimuka nekuti ndine
zvandaifunga.

"Asi---asi ndirikuona kunge Kundai haachadi nezvangu."Ndakaerekana ndataura zvaive pamoyo wangu.

"Inyaya yekuti Kundai ane zvimwe zvaarikuita semunhu---chete uchazoziva hako."

Ndakambonyevenuka moyo wangu nguva yacho.

Ave masikati ndakabuda panze ndikaona Kundai akagara nababa vake Zvakandinetsa nekuti maonero angu mambo vaininge vakunyanya

kuisa Kundai pedyo navo zvavaisaita kare.

Ndakanopinda muimba yangu---asi
ndakavarairwa

Ndakazooka munhu apinda muimba
yangu hana ikatanga kurova

.Ndakazongoona ndave mumaoko
ake Kundai zvekuti kana simba
rekubvisa ndakarishaya.Ndakanzwa
munhu atove kumazamu.Ndaizama
kuda kuti asandibate asi ndainzwa
kakupera simba uye nekutonakidzwa
nekubatwa naye.

Ndakazoerekana ndaradzikwa pasi
ndokubva ndaita kuvhara maziso
uku ndakaruma muromo nekuti
ndine kakushinyira kandaiita
kandaisada kuti kanzwikwe.

Ndakaona munhu achiuya pamusoro
pangu asi ndaiziva kuti akanditarisa.

Maoko ake ndakamanzwa
achifamba muzvidya apa chipfeko
chandaive ndakapfeka chaive
chazokwira mudenga.

"Vhura maziso ako unditarise Paida."

Ndakamunzwa achidaro ndichibva
ndamboramba ndakavhara
ndichidzungudza musoro wangu.

"Paida--?."

Nguva iyoyo ndakavhura ndokubva
tasanganidzana maziso.Ndakaona
munhu maziso ake aita madiki diki
ndikaziva kuti zvaive zvashata.

Ndakabva ndafunga mashoko ababa
vangu ndokubva ndaita kunge
kudzokedzana pfungwa ndichida
kumubvisa paaive ari---

"Paida--ndokuda."

Nemashoko iwayo ndakabva
ndanzwa kunyungudika ndichibva
ndatizisa chiso iye ndokudzosa
tichibva tatarisana kumeso.

Ndakanzwa akufambisa maoko ake

ikoko chaiko ndichibva ndamubata.

"Ndinodawo kuita rudo newe."

"Ku--nda--- nda---."ndaitadza kutaura
nekuti ainge ataura pachirume
pasina kutenderera

Ndisina kudaira uye pasina mukana
akabva abvisa zvaaive akapfeka
ndokusara asina kana chinhu
.Ndakanzwa hana kurova nekuti
kaive kekutanga kuona munhurume
asina kupfeka.

"Paida ndokuda uye zuva ranhasi
ndiro richandipa kuti ndikude
zvakananyanya uye ndicharamba
ndichirirangarira."

"A--Asi--ko---."

"Shhh ndokuda uye ndichauraya
nekuda kwako."

Ndakatadza kana kupindura nekuti
zvinyoro nyoro ndakanzwa akupinda
mandiri .

Ndichibva ndanzwa kamwe
kakurwadziwa kandaisafungira.

Ndakabva ndada kumubvisa asi
nesimba raaive naro ndakatadza.

Pakaita kanguva ndichinzwa
kurwadziwa ndichibva ndanzwa
munhu ave mandiri .Akatora nguva
achiita kufemereka asati atanga
kushanda basa apa ave mandiri.

Ndakazonzwa kupukutwa

misodzi.Ndaisaziva kuti ndaichema
ini.

"Uchajaira hako Paida usacheme "

Ndakangogutsurira musoro munhu
ndokutanga kushanda basa-----

Ityai

**Ndakaramba ndakamira ndakayeva
Paida uyo airatidza kakunditya apa
ainge azozvivhara nejira.**

Andina chandakataura ndakaramba
ndakangomutarisa chete.

"Ityai--"

Ndakamunzwa achidaro. Apa ainge
akavhura ziso kunditarisa.

"Uri munhu rudzii iwewe kutadza
kuuya kuzondiona kuti ndavakunzwa
sei nemarwado? "

"Nda--ndaيدا kuuya asi ndakatya
sezvo wainge usiri kutaura neni

kubva musi uye wekurwizi"

Paakadaro akabva atarisa pasi.
Ainge akutokwidza hasha dzangu.
Asi nekuda kwezvandaiona
ndakatanga kunzwa kumuda.

"Nemhaka yei wakaramba zvandaida?
"

"Nguva Ityai haisati yakwana"

Aitofarisa munhu uyu ndakabva
ndaswedera pedyo naye ipapo.

"Ini ndoita zvandinoda newe nekuti
ndakakupihwa"

Ndakabva ndabata jira iroro kuda
kubvisa.

"Kwete Ityai ukaramba uchidaro
ndinoshevedzera rudo harunzwarwo"

"Haundiudzire zverudo ini, manje
nhasi ndokubvisa humhandara chete
rara pasi"

Ndainge ndavhura ziso uku dikita
rava kuyerera. Ndakamuona iye
achishatisa chiso kuratidza kuti
aisada. Manje ndaida kuzvipedza.

"Ityai--"

Ndakanzwa munhu aishevedzera.
Ndichibva ndasiya zvandaida kuita
kwakuvhura gonhi kuti nditarise.

Ndichingovhura chete ndakaona ari
Kundai aive akamira.

"Urikudei? "

Ndakadaro ndakaita kushatisa chiso.

"Ndanzwa ruzha chii chirikuitika? "

"Kundai usade kundidenha wanzwa.
Ndisiye ndipedzerane nemkadzi
wangu"

Ndichingopedza kutaura muromo
iwowo ndakaona Paida achibuda
mumba apa achifamba zvinyoro
nyoro kunge munhu airwadziwa

nemakumbo.

"Iwe dzokera mumba handisati
ndapedza newe"

Ndakadaro ndakayeva Paida. Iye
haana kucheuka akaramba
achifamba chete.

"Kundai handina mashoko newe asi
gara uchiziva kuti nerimwe
ramazuva ndicha----"

Andina kupedzisa ndakabva

ndatanga kufamba kuenda muimba
yangu.

Ndichipinda imomo ndakatora
bakatwa rangu kwakubuda nejinda
rangu randainge ndakufamba naro
takananga kumba kwesvikiro.

Ndine mibvunzo yandaida kubvunza
uye ndaida mhinduro nekukasika.

Tichisvika ndakariona Svikiro
rakamira pachivanze rakanditarisa.

"Ityai haisi nguva yekuuya
kuzondigadza dare kana
kundibvunza mibvunzo"

Rainge ratoziva kare kuti ndaiva
nenyaya.

"Parikunzwikwa changamire asi ini
ndiri mwana wamambo kureva kuti
ndinoita zvandinoda
handirambidzwe kufamba nzvimbo
dzandinoda kuuya pano kureva kuti
ndine zvakandiremera"

Svikiro harina kudaira rakaramba
rakanyarara rakatarisa mudenga.

"Mambo ndoona sekuti tinenge
tavakurasika kupikisana nevari
kumhepo"

"Varikumhepo vacho idzinza
rekwangu saka ndinoda kuvabvunza
zvirikumoyo kwangu"

Ndakadaro ndakutotutuma nehasha.
Ndakabva ndangotendeuka
kwakudzokera.

Tichibva pamba pesvikiro takapinda
nemusango ndichida kumbotarisa
misungu yangu asi hana yairova
nekuvhiringwa kwandainge
ndakaitwa nembada.

"Ndimirire ndoda kumbozvibatsira"

"Pakanaka mambo"

Ndakatanga kufamba kupinda
muzvikwenzi. Apa bakatwa rangu

raive mumaoko.

Ndichangoti tangei kuzvibatsira
ndakanzwa chinhu chakamhanya
andina kuda kucheuka
ndakangokwanyanuka ndiye
chitsoka ndibereke.

"Maihweeee ndofa nezvikara
zvedunhu rino---zvatanga zvekare
yoweeee"

"Chiiko changamire"

Ndakarinzwa jinda rangu richidaro.

Andina kudaira ndakangonongedza kwandaibva.

"Mambo imhembwe yamuri kutiza iyo"

"Mhembwe? "

"Kkk hongu mambo murikutiza usavi"

Ndakatanga kunzwa kunyara.

Takazobuda hedu musango
kwakudzokera kumuzinda.

Mangwana acho ndakamukira
kunogara padare. Ndaida kutaura
nababa vangu nenyaya yechigaro.

"Baba nyaya yangu iya handisi
kuzodzokera shure"

Ndakadaro ndisingaratidze kuseka.

"Ityai ndakataura kuti kupera
kwemwedzi uno"

"Kwete izvozvo ndaramba nhasi
chaiye ndichaswera ndichizivisa
vanhu nezvenyaya iyi vhiki rino ndiri
kufanirwa kugadzwa humambo"

"Ityai sei uchipikisa zvandinenge
ndataura inini baba vako? "

"Zviri kunonoka baba ndavakuda
kutonga imimi yava nguva yenyu

yekuzorora "

Ndaisada kuvapa mukana nguva iyi.

"Ityaii-"

Vakadaro nezwii raiva nehukasha.

"Baba murikuda kundigadza
humambo here hongu kana kuti
kwete? "

Ndakavaona vatsikitsira kutarisa
pasi. Manje ini ndaida mhinduro

yavo.

End of chapter 16

Stay tuned

**[8/26, 06:44] Mwanyali: *MUZINDA
WAISHE CHITENGU***

STORY WRITTEN BY

L MWANYALI

0777873043

AND

TREY

0777350020

CHAPTER 18

ITYAI

Ndakavavhunza ndakaita kuvhura ziso.Ndaida mhinduro nguva yacho nekuti zvaitika pamuzinda ndaisazvinzwisisa.

"Imbomira ndoda ku--."

Handina kuvapa mukana nekuti
ndine zvandaive ndafunga.

"Moda kutanga mabvunza Kundai
here --nekuti mune kamwe
kakuwirirana handizive kuti
zvirikubva nekupi?."

"Hmmm Ityai ziva kuti ndiribaba va-
—."

"Zvino mukaita zvekutamba kaaa
muchiona henyu.Kana mashandura

mafungiro maererano nekugadzwa kwangu pahumambo baba--- kana ini ndogona kuzoita chero kwamuri."

Pandaitaura mashoko aya ndaive ndaita kuswedera pedyo pedyo navo tichinzwana kufema.

Ndakabva ndabva ndokufamba kuenda kudare kwaive nevamwe varume.Ndakavaona vachitevera ndokubva tangopana maziso.Ini wacho ndokutanga kuseka nyaya dzaitaurwa padare kunge paive pasina zvabva kuitika.

Ndakazotuma jinda randaifamba
naro kuti rindishevedzere Paida
nekuti ndaida kumboenda naye
kwedu tega.

Ndaive ndafunga kudambura
husikana hwake.Ndakazoudzwa kuti
arikuramba ndikanzwa hashu
dzangu kukwira.

Ndakabva ndaenda ikoko ndichibva
ndafunga zano rekuti anofanirwa
kutariswa chete nekuti marambiro
acho ndaisamanzwisisa.

"Ityai urikudiwa nababa zvanzi huya kudare."

Uyu aive Pomerai aidaro ndichibva ndambokanda ziso kuna Paida riya rekumuudza kuti ndichakubata chete.

Pandakasvika padare ndakaona pakagara makurukota avo zvinova zvakandishamisa nekuti kashoma vanhu ava kuona vaunagana vese

"Mwanangu ndini ndakushevedza

nekuti tinoda kutaura ava
vanochengeta musha vachinzwa."

"Ko Kundai arikudei pano ndoda kuti
asimuke nekuti zvatirikuda kutaura
pano hazvinei naye."

"Kwete anofanirwa kuvapo ----nyaya
iripo ndeyekuti Ityai urikuti wakuda
kugadzwa --hongu handisi kuramba
asi nyaya iripo ndeyekuti ndomirira
kuuudzwa nesvikiro."

Pavakadaro ndakaviruka nehasha
ndichibva ndasimuka pandaive
ndakagara.

Ndakabva ndanzwa kutoda kubaya
munhu ne pfumo. Asi
ndakazodzokedzana pfungwa
dzangu ndokufamba kubvapo.

Ndichisvika kuimba yangu ndakaona
hanzvadzi yangu yakamira
pamusuwo.

"Kwakanaka here nhai Shorai?."

"Umm mukoma ndanzwa
runyerekupe rwekuti Kundai
arikubuda muimba yaPaida
kuchingoedza mazuva ose."

Ndakaita kunge ndarohwa
chibhakera ndichibva ndagadzira
chibhakera.

"Zvino kana chiri chokwadi

ndikavabata ndosiya Kundai ave kuvadzimu."

"Mukoma musamhanye nekuti aya makuhwa ."

"Ndichavabata usatye hako nekuti kana zvirizvo handina kupusa."

Ndakadaro ndichibva ndatanga kufamba kuenda kuimba yaPaida.Ndichisvika ndakaona akarara akatarisa mudenga asi

parutivi pake paive naChennai
hanzvadzi yaKundai.Aisatarisira kuti
ndichapinda nekuti akabva
avhunduka.

Ukuwo Chennai akabva abuda
ndokusara iye neni.

Ndaida kugara pasi asi ndakaona
paine uta waive urimo parutivi
paairara Paida .Ndakanzwa hana
kurova ----waive uta waani uyu--?
.Ndakabva ndatanga ku----

Kundai

**Ndainge ndabatikana nemashoko
akataurwa na baba vangu.**

Mupfungwa dzangu ndakaona kunge
vavapedyo nekufa. Zvinova
zvandaisada kunzwa izvozvo. Hongu
kana vadzimu vafunga kutora munhu
wavo handina simba rekupikisa asi
kana ari munhu anenge achida kuita
izvii. Haaa ipapo taipedzerana.

Baba vangu ndainge ndichirikuvada
pedyo neni uye ndaifanirwa
kuvachengetedza nyangwe zvidii.

"Jangano ino yava nguva
yekuchitosimba nekuti ndaona

kumberi uko kwaita makakatanwa
uye chimwe chinhu unofanirwa
kuchengetedza zvekare baba vangu"

Ndakadaro kune jinda iro
randaifamba naro.

"Pakanaka changamire mashoko
enyu ndirikumanzwa uye ndamaisa
pakadzika dzika"

"Vavengi tinavo Jangano saka
chirikudiwa kuvhura meso
hatifanirwe kurivara"

"Ichokwadi ichocho"

Mangwana acho ndakazoona
pamuzinda pachisvika varume
vechikuru avo vaigadzirisa nyaya
dzinenge dzichinetsa padare.

Ndakaendawo kwakugara ipapo.
Semunhu aida kuzoita mambo
ndaifanirwa kugara ndichiziva
zvakanwanda.

Ityai akazouyawo asi ndaiona kuti
ane ruvengo neni. Pakataurwa
zvekuti vadzimu ndivo vanotaura
zvekugadzwa kwehushe ndakaona
Ityai aita kuvhura ziso. Nguva iyoyo
achibva asimuka nehasha.

"Mambo Chitengu hatife takarasa
chivanhu chedu nekuda kwezvido
zvemwana kwete, isu tinotevedza
zvirikudiwa nevadzimu"

"Ichokwadi ichocho"

Ndakavanzwa baba vangu
vachibvumira uku vachigutsurira
musoro.

"Chero vadzimu vakati humambo
huchapihwa kukamwana kadiki
tinoita saizvozvo ukapikisana nevari
kumhepo kureva kuti hushe hwekwa
Chitengu hwaparara"

Varume ava vaitaura mashoko ane
hudzamu. Ndega ndakazviona kuti
vanoziva chivanhu chedu chaicho.
Chero neniwo ndaitodzidza
zvakanwanda pamashoko avo.

Vachizopedza hurukuro dzavo
varume vaye vakabva vaenda zvavo.
Vakapihwa huku mbiri iri nzira
yekutenda sechivanhu chedu.

Mangwana acho ndakaona
pamuzinda pachisvika imwe
chembere yemudunhu redu.
Chembere iyi yaisa uya uya
pamuzinda asi apa ndakatadza
kuziva kuti yaidei.

"Jangano enda unoona chembere iyo
unzwe kuti irikuda rubatsiro rwei"

Jangano akabva aenda pasina nguva
akabva adzoka.

"Mambo anzi vadanwa na Ityai"

"Aaah hoo"

Ndakadaro ndichiratidza
kushamisika.

Pasina nguva ndakaona Ityai amira
nechembere iye. Vakatora nguva
vakamira ndichibva ndazoona
Paidamoyo achishevedzwa ipapo.

Ndakanzwa hana kurova chii
chaiitwa pamudiwa wangu
ndisingazive.

Ndakabva ndatanga kufamba
kuenda ikoko.

"Kwete handikwanise kuita izvozvo
kana zvakadaro ndodzokera kumba
kwedu"

Ndakamunzwa Paida achidaro.
Ndakanzwa hana kurova.

"Paida kana uchiramba une
zvaurikuziva uchandiudza nhasi"

Ainge akutoviruka nehasha kunge
rovambira lityai.

"Chii chirikuitika pano uye idare rei iri
pano pamuzinda"

Ndakadaro ndisingaratidze kutya.

"Iwe Kundai sei uchida kupindira
nyaya dzausingazive"

Ndakaramba ndakamira ndisina
chandapindura. Apa ndakamutarisa
Ityai.

"Mubate tiende naye anotariswa"

Ndakamunzwa Ityai achidaro kune
jinda rake iro rakabva raita nhanho
mbiri kwakubata Paida ruoko.

Ndakaita kusvetuka kunge mbada
ndichibva ndarirova chematsenga
nzungu jinda riye.

"Yohweeee ndofireiko ini"

Rakadaro jinda riye richinowira
kwakadaro uko.

"Ndiwe ani iwewe une mvumo
yekuisa maoko ako pana Paidia"

Ndakadaro ndichiita kuhuta nehasha.
Apa vanhu pamuzinda vainge

vakuungana.

"Kundai---"

Akadaro Ityai akandivhurira ziso.

Ini wacho ndakabva ndatendeuka
kwakuswedera pedyo naye.

"Sei uchida kungoitira munhu
hutsinye tarisa Paidi wacho misodzi
irikungoyerera nekuda kwako iwewe"

Ndakabva ndatanga kufamba

ndichida kutaura nechembere iye.

"Mambo ndango shevedzwawo pano
apana chandanga ndichiziva regai
ndiende zvichakanaka"

Yakadaro chembere iye uku
ichigwagwadza kutya. Andina
kudaira kusvika yatanga kufamba
ichibuda mumuzinda.

Nguva iyoyo ndakaona baba va
Paيدا vachisvikawo mumuzinda.

Vakaratidza kushamisika vachiona
mwana wavo Paida achichema.

Vakabva vatanga kufamba kuuya
patainge tiri.

End of chapter 18

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 17

KUNDAI

Pandakaona zvidya ndakabva
ndapererwa. Hongu ndaida kuti
ndikambotamba naye ndobva
ndamusiya asi
ndakakurirwa. Ndakazoerekana
ndatobvisa nhumbi dzandaive
ndakapfeka ndokuzoshanda basa .

Ndakambonzwa tsitsi ndichiona
twumisodzi twekurwadziwa .Asi
ndakaita zvandaida nekuti ndaida
kuti kana ndakuzosangana naye
zvekare ndotangira pane chimwe
chidanho.

Ndapedza ndakanorara pasi
ndichibva ndaita wekusimudzira
ndokuisa musoro wake pachipfuva
changu ndichibva ndatanga
kutambisa matama ake.

"Paida ndokuda."Ndakadzokorodza
zvekare mashoko aya nekuti
ndairevesa nguva yacho.Iye haana
kupindura ndaiziva kuti pfungwa
dzake aifunga zvakawanda.

"Ndakabva ndamubvisa ndokumuka

pandaive ndakarara ndichibva
ndapfeka .

Ndakanobata maoko ake ose maviri
tichibva tatarisana apa maziso ake
aive akaita kujenga misodzi.

"Paida usafunge zvakawanda
.Zvandinogara ndichitaura
ndizvozvo hazvifi zvakachinja uye
ndokuda."

"Ndirikutya ini Kundai."

"Hapana chinoitika kwauri ---
chandirikuda chete kuzvibata kwako
iwewe uye chimwe chinhu
unofanirwa kuzoudza Ityai kuti
hauchadi nezvake."

Ndaiziva kuti ndamuomesera asi
ndizvo zvandainge ndakuda izvozvo .

"Kundai urikundiomesera."

Paakadaro ndakabva ndasimuka
pandaive ndiri ndokumira

ndakatarisa divi.

"Ndirikukupa nguva Paida asi
ukanonoka ndichaita kuti Ityai azive."

Ndakabva ndacheuka kumutarisa
sezvo ndaida kuchipfeka nhumbi
dzangu.

Ainge azogara pasi asina kana
chinhwa ndikanzwa kumuda zvekare
asi ndakazviudza kuti ndichamuona
zvekare nekuti apa taigona
kusvikirwa.

Pandakada kutora nhumbi ndakabva
ndaona twuropa pajira rataive
tararira ndokubva ndapfugama
kunobata ipapo.Ndakaona iye
akubata kumeso ndichibva
ndanyemwerera zvangu ndichibva
ndapfeka kubuda.

Pakadai ndaizouraya kana zvidii
nekuti Paida aive wangu uye ndini
ndaive ndatanga naye.

Ndichibuda ndakabva ndananga
kurwizi ndaida

kunogeza.Ndangobuda
ndakasangana nesvikiro.Rainge
rakamira pamharadzano ndikanzwa
hana kurova.

"Hongu zvainge zvakarongwa
sekudaro asi pachadeuka ropa
revasina mhaka."

Parakadaro rakabva ratarisa denga
ndokudzungudza musoro
ndokudzokera pasina chimwe
charakataura.

Ndakabva ndapera
simba.Ndakasvika kurwizi
ndokuzvidira mvura
nekubuda.Ndichisvika mumuzinda
ndakanzwa kupopota ndokubva
ndaenda ikoko ndokusangana
naltyai imomo.

Ndakanzwa hasha ndichiona Paida
achibuditsa misodzi.

Pandakasvika Paida akabva abuda
asi mafambiro ake aitoratidza kuti
pane zvainge zvaitika.

Ndaisada kuti Ityai akurumidze
kunyumwa saka ndakazonanga
kudare kwaive kuna baba vangu
ndichisvika vakabva vasimuka
ndokutaura.

"Kundai nditevere."

Ndakatevera zvinyoro nyoro
ndokubva vanomira kuseri kweimba
yamai vangu zvinova
zvakandishamisa.

"Mwanangu madziro ane nzeve aya
asi ndinoda kuti ukanzwa kuti
ndamuka ndakafa usasiye muzinda
uchiitwa zvole zvole nevanhu."

Ndakarohwa nehana ndakaona
vakufamba kudzokera
kudare.Ndakaramba ndakamira
kushaya kuti vaida kuzama kutii---

Paída

Kurara kwandakaita na Kundai
ndainge ndakutya kuita pamuviri.
Ndaizo zvitsanangura kuti kudii
kuvabereki vangu.

Ndainzwa kutya mandiri asi umwe
moyo ndainge ndakuda kugara

ndichimuona pedyo neni Kundai.

Ndainge ndakatovarairwa
ndichifunga Kundai nebasa raainge
aita ndipo pandakaona Ityai
achipinda mandaiva. Kuta
chokwadi ndakangonzwa kusvotwa.
Akabva atanga kuda kunditongesa
tongesa apa achiti aida kurara neni.

Ndakangoti nechemumoyo handife
ndakarara newe Ityai. Pakazouya
Kundai achitaura naye pagonhi
ndakabva ndangopfeka nekutobuda

asi marwadzo ndiwo andainge
ndichinawo.

"Ko waita sei nhai muroora zvauri
kukamhinha? "

Ndakavanzwa amai va Kundai
vachidaro.

Ndakatanga kunzwa kunyara.
Mwana wavo ndiye ainge aita
izvozvo.

"Ndatadza kutsika saka ndaminyuka"

Pandakadaro vakabva vanditarisisa ini ndichibva ndatarisa pasi. Vaiita kungevaiziva zvandainge ndaita.

"Chirega kunyanya kufamba famba muroora huya undibatsire kusarudza nyemba tichitaura hedu nyaya"

Vakadaro vachinyemwerera.
Ndakacheuka cheuka kuda kutarisa kuti Ityai kana mai vake varipi sezvo vaisada kuti ndiwirirane nemhuri iyi.

Ndakazoenda hangu kwakutanga
kuvabatsira. Vaitaura havo nyaya asi
ini mupfungwa ndainetseka.

Kunyanya pana Ityai uyo wandainge
ndanzi ndimurambe na Kundai.

Ndaimuudza sei nyaya iyi ndipo
paimuka hondo ipapo.

Mangwana acho pandaيدا kuenda
kwaiva nevasikana vepamuzinda

ndakabva ndasangana na Kundai.

Ndakanzwa moyo wangu kufara
nekungomuona Chete.

"Paidamoyo usakanganwe nyaya iye
mudiwa"

Akadaro achinyemwerera hake kuita
kunge zvose zvaiva zvakanaka apa
ini ndaive panguva yakaoma.

"Nyaya ipi Kundai? "

"Nhasi chaiye unofanirwa kuudza
Ityai kuti hauchamude"

Akabva atosunga chiso
kwakutotanga kufamba.

"Kundai--"

Ndakadaro nezwi raive pamusoro.

"Wandiomesera Kundai ko ndika----"

"Kuitwa sei Paida kwauri hapana
chinoitika ndiri mupenyu. Ndiripo

pakukuchengetedza ita zvandataura"

Akabva afamba kuenda ini
kwakusara ndakangotarisa
nekupererwa.

"Ndomuudza sei nhai Ityai"

Ndakabva ndatotanga kufamba
kuenda kuimba yangu.
Ndakavarairwa ndakanzwa munhu
kushevedzera.

"Mambokadzi---mambokadzi anzi na

mambo Ityai huyai mundiperekedze
kurwizi"

Ndakarinzwa jinda raifamba na Ityai
richidaro.

"Muudzei kuti gumbo rangu
ririkurwadza ndakatadza kutsika
zvakanaka"

Ndakadaro hangu ndainge ndakuda
Kundai chete uyu Ityai ainge asisiri
mumoyo mangu.

"Iwe Paida ndamirira buda tiende
kana ririgumbo ririkurwadza
ndoenda ndakakubereka"

Ndakamunzwa Ityai achiita
kushevedzera. Ndakabva
ndafinyamisa chiso ndichibuda
panze.

Ndakamuona Ityai akaita kuvhura
ziso apa nezvivanga zvaive kumeso
kwake zvekumarwa nembada ainge
akuita kunge chimwe chinhu.

"Ityai andisi kukwanisa kuenda
kurwizi"

"Iwewe wakurasa hunhu, ukada
kudaro baba vako ndovaudza"

Ainge akuita kubvunda nehasha. Ini
ndakaramba ndakamira
ndakamutarisa. Ndakamuona ava
kuswedera pedyo neni.

"Unorambirei kurara neni, ndofunga
wakauya usiri mhandara ndoda
kunotsvaga chembere ikutarise"

Akadaro achitaurira pasi pasi
achibva atendeuka kwakutanga
kufamba achienda.

End of chapter 17

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 19

PAIDA

Ndakapukutwa misodzi ndichibva

ndazoiswa pachipfuva naKundai.

Ndakazonzwa akutaura zvekuti
anondida asi pfungwa dzangu
dzaifunga kure kure.Pava paya
akazomuka ndokupfeka achiratidza
kana kusandinyara.

Paakataura zvekuti ndaifanirwa
kuudza lityai kuti ndainge ndakusada
nezvake--Ipapo aive andiomesera
zvino.

Ndakazoonamunhu akubata
twuropa twaive pajira ndikaziva
zvazvaireva ---kureva kuti ndainge
ndatove munhukadzi zvino.

Paakabuda ndakasara ndirimo
muimba ndichitadza kana kubuda.
Ndakazoonachenai achiuya
nemvura ndokubva angoisiya
ndokubuda kuenda.

Ndakanetseka kuti ainge atumwa
here kana kuti---

Ndakageza nekukurumidza asi
ndakuda kuti ndichipfeka ndipo
pakabva papinda Ityai ndikarohwa
nehana ndichibva ndazvivhara nejira.

Ainge akunditongesa iniwo ndaityira
kuti anozonyumwa kuti pane zvaive
zvabva kuitika.Zvisinei Kundai
akabva auya ndokundinunura nguva
iyoyo ndichibva ndabuda.

Painge pashata ndepekuti ainge
akutaura zvekuti nditariswe ipapo
ndaive ndakutya.

Ndaifunga kuti arikutamba asi
ndakazoona pamuzinda pasvika
chembere yandakaziva yaiita izvozvo
ndikaziva kuti ndapinda pakashata.

Asi semazuva ose ndakabva
ndanunurwa naKundai.

Ndaive ndakuchema baba vangu
vachibva vabudikira
mumuzinda. Pavakaona ndichema
vakaramba. Vakanditarisa ndichibva
ndaenda kunopfugama pamberi
pavo misodzi yakazara mumaziso.

"Baba zvaltyai ndazvitadza ini kana
zvichibvira ndoda zvangu kudzokera
kumba nekuti zvaarikundiita
handichanzwisise."

Vakabva vasimudza chiso
ndokutarisa kwaive naltyai nguva
iyoyo.Ndakaona vashatisa chiso
chavo ndokubva vafamba kuenda
paaive ari--

"Ityai inyaya yei?."

"Baba nda---inyaya yekuti ndi---nda--
-."

Aitadza kana kutaura baba vangu
vachibva vatendeuka kufamba
kuenda kudare.Ndakaona iye Ityai
akufamba zvinyoro nyoro kuratidza
kuti ainge akutya.

Ndakazoona vamira namambo baba

vangu asi zvaive pachena kuti
vaitaura nezvangu. Ukuwo kundai
akabva aswedera pedyo pedyo neni
ndokuramba akanditarisa .

"Unoreva here kuti urikuda kuenda
kumba kwenyu?."

"Hongu nekuti nekuti---."

Haana kundipa mukana akabva
afamba kubva pandaive ndiri---.

Pandakadzokera muimba yangu
ndakanogara naTionei tichitaura
nyaya.Kwati svibei ndakanzwa
kugogodzwa kwegonhi ndokubva
mapinda munhukadzi aichengeta
amai vaKundai.

"Paida ndatumwa naamai vaKundai
zvanzi varikuda kutaura newe."

Ndakanzwa hana kurova nekuti
ndaisaziva
zvaiveko.Takatungamidzana tichibva
tanopinda muimba yavaishandisa

.Kaive kekutanga kupinda muimba
iyi ndichipinda vakabva vandigadzika
pasi kunge mwana kudiki .Uya
wandaive ndauya naye
ndokubuda.Vainge vaita kubata
maoko angu ose vakatarisa chiso
changu vachibva vanyemwerera
nguva iyoyo.

"Paida ndoda undiudze chokwadi
pane zvandichabvunza nhasi .Nekuti
Kundai ndomuziva zvandaona ari
nguva yapera iyi handina kufara
nazvo--"

Ndaive ndamirira kubvunzwa
ndakaita kutsikitsira pasi--

Ityai

Ndainge ndakufunga zvakawanda
pandakaona uta waive muimba ya
Paida.

Ndakaswedera pedyo kwakuubata
muruoko.

"Paida wakatanga rinhi kushandisa
izvi?"

Ndakamuona achivhura ziso
kunditarisa.

"Andizive ini unofanirwa wauya

nehanzvadzi ya Kundai"

Ndakanzwa hana yangu kurova.

"Hanzvadzi yakundai ichidei muno? "

"Vagara vanongopinda muno"

Ndaizoda kuongorora nyaya iyi.
Nekuti ndainge ndakufungira
zvakanwanda.

Ndakazoshevedza chembere
yandaida kuti iende na Paidi kuti

atariswe kuti ainge achiri mhandara here.

Pandakamuti aende akabva atanga kuramba. Ndakanzwa hana yangu kurova. Nguva iyoyo Kundai akabva auyawo kwakusviko rova jinda rangu iro randainge ndati ribate Paida riende naye nechembere iye.

"Mambo ndokuvadzwa pano makatarisa"

Rakadaro jinda rangu richibata muromo uyo wainge wakubuda ropa.

Ndakanzwa hasha kwakutarisa
Kundai umwe moyo ndakamboda
kumukanda chibhakerwa asi ndakatya
sezvo kurwa ndiko kwaive kudya
kwake.

Yainge yava nyonga nyonga
pamuzinda. Pasina nguva baba va
Paida vakabva vasvika uyu Paida
achibva aenda kwaiva na baba vake.

Ndakatanga kutenderera tenderera
pamuzinda kushaya zvekuita
nehasha.

"Ityai svika pano"

Ava vaive baba vangu
vaindishevedza. Ndakabva ndatanga
kufamba kuenda ikoko.

"Ityai chii chirikuitika nemwana
wevaridzi Paida? "

"Paida ane nharo ndipo pane nyaya
uye haaratidze kuti ndini murume
wake"

"Ipapo ndapanzwa asi inyaya yei
yapa kuti acheme uye ava kuti ndoda
kudzokera kumba kwedu"

Ndakanzwa hana yangu kurova .

"Kwete hakuna kwaanoenda Paid"

Ndakadaro nezwi raiva pamusoro.

"Baba ndigadzei chigaro kuti ndiite
chiremera pano. Ndikangoita
mambo chete zvese zvapera"

"Izvozvo tichaudzwa nevadzimu
hatina simba rekukugadza tisina
kuudzwa"

Andina kudaira ndakabva
ndatendeuka kudzokera kuimba
yangu. Baba sei vainge vakuita
kunge vakushanduka? Manje neni
vakada kudaro nyaya yacho haipere
zvakanaka.

Mwangwana acho kuseni
ndakashevedzwa na mai vangu va

chihera.

"Ityai zvimwe zvacho ukati vavava
hazviendeke ungashungurudzwe na
Kundai potse potse uchatorerwa
chigaro"

Ndakaita kunge ndarohwa
chibhakera nemashoko aya.

"Amai ndodii ndibatsireiwo"

"Kungotaurawo chete ndati
unofanirwa kuvhura ziso nenjere

uone zviri mberi kwete kukurirwa
nana Kundai avo"

Mashoko avo ndaimanzwa
chandaida chete apa ndikangowana
masimba ndaida kuzovadzinga
pamuzinda.

Ndakatanga kutenderera pamuzinda
kwakuzoenda kuimba yaPaidi.
Ndaida kutaura naye chete kusvika
tanzwanana.

"Saka iwewe wafunga kuda kubva
pano nemhaka yei? "

Ndakadaro ndakamutarisa kumeso
chaiko.

"Zvirinani kuenda kumba kwedu
panekugara ndichishungurudzika"

"Inyaya yekuti uri kupikisana neni
ukabvuma zvandinoda chete zvole
zvapera"

"Ini hangu handichada"

Ndakanzwa hana yangu kurova

airevei Paida. Kana zviri izvo
zvandaifungira paizofiwa chete.

"Hauchandida here kana kutii? "

Ndakadaro ndaita kuvhura ziso
ndakamutarisa.

Ndakamuona achinditarisisa achibva
agadzirisa pahuro kuda kutaura.

End of chapter 19

Stay tuned [8/26, 06:44] Mwanyali:
MUZINDA WAISHE CHITENGU

STORY WRITTEN BY

L MWANYALI

0777873043

AND

TREY

0777350020

CHAPTER 20

KUNDAI

**Zvese zvaitika mumuzinda zvainge
zvakundipa hashu.**

**Ndirimunhu aisada kunetsana
nevanhu asiwo kana ukauya zvisizvo
ndaikukanganwa.**

**Pandakanzwa Paidu akuti anoda
kudzokera kumba kwavo ndakanzwa
kudedera.**

**Ndakabva ndamubvunza zvekare
ndokunzwa ave kudaira asi haana**

kupedza ndichibva ndatanga
kufamba.

Ndaive ndatosvika pagonhi reimba
yangu ndiye dhuma dhuma namai
vangu vakamira hameno kuti vaidei.

"Kundai ndanga ndichida kuti u----."

"Amai ndichazouya kuimba yenyu
ikozvino chimbondisiyai ndakadaro."

Ndakavapindura ndichibva
ndanopinda muimba yangu vachibva

vasara vakamira.

"Kundai mwanangu taura neni??"

Ndainzwa vachishevedzera
ndichibva ndaita kuvhara maziso
angu kufunga zvaive zvataurwa
naPaida ndikashamisika
pandakavhara maziso --ziso rangu
rimwechete richidonhedza
kamusodzi.

Umm ini chaiye kuchema nenyaya
yemunhukadzi.

Ndakazvibvunza ndichibva
ndapukuta nguva yacho ndokurara
ndakatarisa mudenga ndichiita
kufunga.

"Nemhaka yei amai asirikuona rudo
rwangu kwaari."

Ndakashamisika ndichibuditsa
mashoko aya zvandaisafungira.Ivo
vacho havana kana kudaira asi
ndakazonzwa kufamba kwavo
kureva kuti vainge vabva pagonhi.

Ndakazoita kuvhunduka gonhi
richivhurwa ndokuona Chennai
achipinda akabata chekudya.

"Mukoma ndanzi naamai ndikupei
kudya uku."

Ndakabva ndamuka kugara ndisina
kana kupindira ndokugeza maoko
ndikatanga kudya.

Ndapedza panzvimbo pekuti

achibvise ndiro akaramba
akanditarisa kuita kunge aive
nemibvunzo.

"Chibuda Chenai ndapedza."

"Mashoko angu mukoma ndongoda
kuti musanete zvichaita."

Aive mudiki kwandiri Chenai zvekuti
ndaisatarisira mashoko akadaro
kwaari. Akabva asimuka ndisina
kupindura ndokubuda.

Ndakasara murima imomo
ndichifunga zvakanyanya ndofunga
ndakabva ndatobatwa nehope.

Ndakazopepuka muzinda wose wati
zii ndichibva ndaerekana ndamuka
ndokunaga kuimba yaPaيدا.

Ndakasvika nekuvhura gonhi
ndichibva ndapinda.

Ndakamuona akarara nedumbu
ndichibva ndamboyeverwa
ndakadaro.

Pava paya ndakabva ndatanga
kufambisa maoko angu muzvidya
zvandaive ndaona zviripachena
semunhu aive asina kufuga chinhu.

Akaita kuvhunduka achibva agara
pasi.

"Ku---Kundai?."

"Nemhaka yei urikuda kutamba
nemoyo wangu?."

"Nda---wa---handichazive ini."

"Watii?."

"Kundai imbomira kupinda muno
ndokumbirawo."

Ndainge ndazoita kuruma mazino
ose nguva yacho.

"Wati chii?."

"Pane kufungidzirwa kuti tirikudanana Kundai uye baba vangu vatoudzwa."

"Paida muno handisikubuda.Uye ziva kuti chinouya chinoona ini.Ndazvipira kuti nyangwe nhasi tikaonekwa ndinobvuma pamberi pevanhu vose kuti ndokuda uye ndakutokuziva."

"Haurevesi Kundai--inga unoziva wani kuti munhu wese anoziva kuti ndinofanirwa kuroorwa naltyai."

"Hazvina basa neni izvozvo
Paida.Kana uchinyara nerudo rwedu
ndezvako izvozvo .Uye ukatadza
kuudza lityai zvandakataura ndini
ndichamuudza,."

"Asi Kundai hauoni kuti---kuti--."

Ainge akuchema ndakamboda
kunzwa tsitsi asi ndakatoona kuti
ticharamba tiripachidanho
chimwechete.

"Paida unoda here kuti izvozvi ndinomutsa ityai ndomuudza zviripo."

Akabva aita kuvhura ziso kuratidza kuvhunduka.Nekuti ndaive ndazvipira.

"Kwe---te ukadaro pamuzinda panomuka hondo."

"Hondo--?kana zvirizvo zvaurikutya ndakagadzirira ini."

"Kundai ndipe nguva
ndokumbirawo."

"Nguva ndiyo pasisina Paida nekuti
kutambisirwa nguva handichadi."

Nemashoko iwayo ndakabva
ndabuda kunze.Ndiye dhuma dhuma
namai vangu vakamira panze kureva
kuti vanogona vanzwa zvose
zvataitaura

Ndakabva ndashatisa chiso changu
pandakasvika pavari.

"Amai mukutsvagei husiku huno?."

"Kundai mwanangu usanyanye
kumuitira hashu mhupe nguva nekuti
chokwadi ndechekuti Paida
aifanirwa kuroorwa naltyai."

Pavakadaro handina kudaira
ndakabva ndafamba kuenda kuimba
yangu nekuti zvose zvavaitaura
ndaisatoda kuzvinzwa---

Ityai

**Ndainge ndamirira mhinduro kubva
kuna Paida. Kutaura chokwadi
panguva iyi ndainzwa hana kurova.**

Ndakamunzwa achigadzirisa pahuro
kuda kutaura.

"Ityai kungoti chete vakuru vedu
havasi kuziva hondo iri mandiri dai
zvaibvira ndaienda hangu kumba
kwedu kana kuenda kune mamwe
matunhu"

Ndakavhunduka nemashoko aya
airevei Paida.

"Usati pamunhondo pamusasa ndati

unondida here? "

Akabva ambonyarara akadaro.
Kuratidza kuti aifunga parefu.

"Ini hangu handichada handidi
kukonzera nyonga nyonga
mumuzinda uno"

"Aaaah unechokwadi here nezvauri
kutaura manje ukuzvinyepera"

Ndakabva ndatanga kutenderera
tenderera nehasha.

"Ndakakupihwa kare Paidamoyo
hapana chichashanduka ipapo
,watova mukadzi wangu ndosaka
urikuramba kurara neni nhai? "

Nguva iyoyo akabva atanga
kuyeredza misodzi.

"Haisi mhosva yako pane
arikukufurira chete ndichazvitsvaga
asi gara uchiziva hako kuti uri wangu
uye pano haubve "

Ndakadaro kwakutanga kufamba
kubva paari. Ndainge ndakaita
kuzara nehasha.

"Mukoma ndamboona Paida aina
mai va Kundai mheni kuti vanga
vachitaura nezve"

Ndakamunzwa munin'ina wangu
Pomerai achidaro.

"Hooo nhai saka ndiko kwazviri
kubva manje vanondiona"

Ndakadaro kwakutofamba
ndichienda kuimba yamai va Kundai.

"Mu--mukoma--"

Ndakamunzwa Pomerai achidaro
asi ini ndakabva ndaisa zvimiti
munzeve.

Ndakafamba kwakusvika paimba ya
mai va Kundai.

"Iwe mukadzi iwe buda ndoda

kutaura newe mharadzi yemumusha"

Pasina nguva ndakavaona vachibuda
panze kubva mumba.

"Hezvo kwakana here nhai
mwanangu? "

"Andisi mwana wenyu ini vana venyu
munovaziva"

"Ityai une chokwadi here nemashoko
ako aya? "

"Hongu ndoda kupedza hunharadada
hwenyu pano, kubva nhasi andidi
kukuonai makamira kana kutaura
nemukadzi wangu Paida"

Ndakavaona vatsvukisa maziso kuda
kuchema asi ini handina kudzora
tsvimbo.

"Ndichingogadzwa humambo chete
mobva matama pano"

Ndakabva ndatanga kufamba

kuenda kuimba yangu.

Mangwana acho ndakabva
ndashevedza machinda ayo
andaiwirirana nawo.

"Varume ndoda kuti muchengetedze
Paida siku ne sikati haafanirwe
kubuda muzinda uno ndisingazive.
Uye mutarise Kundai pese paafamba
kuti haasi kutaura na Paida here"

"Pakanaka mambo panzwikwa"

Vakadaro vese kuratidza kubvumira.
Ndainge ndakuchida kuita hushingi.
Kana iri hondo ndaida kuzvimirira.

Ava masikati ndakaona svikiro
richisvika pamuzinda.

Rakangosviko nanga paiva nababa
vangu.

"Ishe Chitengu pamazuva mashoma
arikutevera ayo ndaona pauya
muenzi pano"

Ndakaona baba vangu vachiratidza
kushamisika. Nguva iyoyo ndakaona
Kundai achiuya patainge takamira.

"Muenzi?"

Vakadaro baba vangu vachiratidza
kushamisika.

"Hongu ndaona pauya muenzi pano
asi-----"

End of chapter 20

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 21

PAIDA

**Ndakamboramba ndakavatarisa
mumaziso ndichibva ndatsikitsira**

kutarisa pasi.

"Paida chii chirikutika pana Ityai naKundai?."

Ndaiziva zvaireva mubvunzo wavo asi kuti ndipindure ipapo ipapo ndakatadza.

"Paida Kundai na Ityai vana vemunhu mumwechete saka ndoda kuziva kuti zvirikufamba sei?."

"Amai nda---nda--."

"Ndirikuona urikutadza kutaura asi ndoda kuziva kuti iwewe naKundai zvakamira sei?."

Ndakabva ndatanga kutambisa zvigunwe pasina kupindura."

"Unomuda zvekurevesa here?."

"Ho---hongu."

"Chinzwa unzwe mwanangu handina chekupikisa nepfungwa dzenyu asi

maonero andaita kana uchimuda
zvemachokwadi zvipire kwaari
zvekurevesa nekuti kutanga kuona
mwana wangu achidaro kuperera
pamusikana ."

Ndakabva ndashaya mhinduro
ndokubva ndaramba ndakatsikitsira
kutarisa pasi.

"Chienda hako mwanangu asi tevera
zvirikuda moyo wako."

Ndakambonyemwerera nguva iyoyo
.Ndokubva ndaenda kuimba

yangu...ndakasvika nekurara
Ndakavhundutswa nekubatwa
naKundai asi aive achiratidza
hasha.Ainge akuti ndofanirwa
kuudza lityai zvaive
zviripo.Ndakamboda kutaura naye
asi musi uyu aive akasunga chiso.

Ukuwo pandakataura naltyai
ndaifunga kuti achandinzwa
pandakati tombomira
zvekudanana.Ndakatoona kuti
ndaisazvikwanisa nekuti akabva
atoramba zvachose kubvuma.

Kutanga zuva iri ndaiona Chokuda
jinda raltyai richinditarisisa
zvandaيسانزwisisa.

Kwaive kwapera mazuva maviri
ndakamboda kumbotenderera
mumuzinda kuti ndivarairwe.

"Tionei nhasi ndirikuda kumbofamba
famba newe ndanyanya kugara
panzvimbo imwechete."

Akabva atonyemwerera nguva iyoyo
ndokubvumira.

Takatungamidzana ndokunanga
mumisha.Asi ndati fambei fambei
ndakabva ndanzwa kuimba kurwizi
ndokubva ndatarisana naTionei
nguva iyoyo.

"Vasikana vemumuzinda
mambokadzi."

Ndakabva ndanyemwerera
ndokunzwa chidokwa dokwa
chekuda kuenda ikoko.Ndainge
ndakufunga mazuva edu ekare
ndokubva ndanzwa kuda kuenda

ikoko.

Ndichisvika ndakaona vasikana vose
vakaunganira musikana aive
pakati.Ndakabva ndanzwa chidokwa
dokwa chekuda kuziva kuti aive ani
aitamba pakati pevamwe.

Pandakatarisa musikana uyu
ndakaita kakurohwa nehana nekuti
akada kuita kunge mutsva kwandiri
sezvo vasikana vemumuzinda
ndaivaziva.

Vasikana vose vakabva vanyarara

nguva iyoyo nekusvika kwangu
iyewo tichibva tatarisana.

Paakanditarisa akabva aita
kufinyamisa chiso ndokubuda pakati
paaive ari achibva atanga kufamba
kuenda zvinova
zvakanetsa. Nemhaka yei aidaro
nhai----

Kundai

Paidamoyo ndiye munhu ainge
akugara ari mupfungwa dzangu izvo
zvekuzoti aive wa Ityai haaa ndaibva
ndanzwa hashu.

Amai vangu vaininge vakuziva
chokwadi chese. Chandainge
ndakuda apa kuchengetedza Paidamoyo

kuti pasawane chinomuwira.

"Mambo uyu munhu munofanirwa
kumuchenjerera pfungwa dzake
hadzina kunaka"

Ndakanzwa Jangano jinda rangu
richidaro.

"Unoreva munhu upi Jangano? "

"Uyu mumwe wenyu lityai"

Paakadaro ndakamboramba

ndakanyarara kuri kudzamisa
pfungwa.

"Haa uyo here ndipo pane ziso rangu
ipapo wagona hako wandi yeuchidza.
Chandiri kukumbirisa kwauri
Jangano utarisise Paidi ndiye
munhu wandirikuda kuti
achengetedzwe kupfuura
zvaunondiita"

"Pakanaka mambo"

Ndakazonzwa mai vangu
vachindishevedza. Ndakamboda
kuramba kuendako sezvo ndaiziva
kuti yaive nyaya ya Paida.

"Amai tichazotaura nezvazvo uyu
Paida ndiri kuda kuti-----"

"Kwete mwanangu handiyo nyaya
yandakushevedzera"

Vakabva vandigamha ndisati
ndatombodi. Ndakatarisa chiso

chavo ndikaona kuti vaisafara.

"Mwanangu ndaona kuti ndikaudza
baba vako ndinenge
ndichivaremedza mitoro uyu
mukoma wako lityai auya akandiudza
makukutu kunge ndine zera naye"

Pandakanzwa kudaro ndakabva
ndanzwa hashu.

"Anzii naye amai? "

"Chokwadi kuuya kuzondishura

nenyaya ya Paida"

"Ityai mukoma wangu zvake asi
ndoda kumbomupa tweekwake"

Ndakadaro ndichida kufamba
kuenda ikoko.

"Kwete mwanangu siya zvakadaro
ndangoda kuti uzive tiri kurarama ne
muvengi wedu pano"

Vakabva vatanga kufamba
kudzokera kuimba yavo. Mai vangu

vaive munhu akapfava ukavaona
votaura vanenge vabatikana.

Ndakatanga kuenda padare
pandakaona Ityai nababa vangu
vakamira.

Nguva iyoyo svikiro rakabva
rabudikira.

Ndakarinzwa richitaura nezvemuenzi
kana kuti vaenzi vaiuya pamuzinda
ndakatadza kuziva kuti vaive anaani

chaizvo.

Ndakaona baba vangu vachiratidza
kufungisisa.

"Vayeni vataurwa ava vangave
vedunhu ripi baba? "

Ndakadaro ndakayeva baba vangu.
Avo vairatidzawo kufungisisa.

"Andizive mwanangu ivo
varikumhepo ndivo varikuziva"

"Tichangoona kana vauya, asi
ndinoona kuti hapana chakashata
pavaenzi ava"

"Chakashata hachishaike pamunhu
mwanangu rega tione pavachasvika"

Baba vangu vaiita kunge vane
zvakaanda zvavaifunga.

Nguva padzainge dzati fambei
ndakaona Paida achisvika

pamuzinda nevasikana vaaifamba
navo. Ndakaramba ndakamutarisisa
ndikaona iye achitarisa pasi.

Ndakafamba nhanho mbiri
kwakunomisa Tionei musikana
waaifamba naye.

"Manga maenda kupi? "

"Kurwizi mambo"

"Hoo hapana kumwe kwamazoenda?
"

"Kwete mambo tabva tangodzoka
kuno "

Ndakatanga kunyemwerera hangu.

"Pakanaka chienda hako"

Ndakadaro ini ndichibva ndatanga
kufamba kuenda kuimba yangu.

Mazuva aifamba asi chandaiziva
ndechekuti ini na Paidamoyo
taidanana.

Takazoti takavarairwa hedu zuva
ravakuda kuenda kuna mai varo
takaona pamuzinda pachisvika
vanhu avo vairatidza kuti vabva
mutunhu uri kure.

Ndakanzwa hana yangu kurova
ndichibva ndatarisa baba vangu.

Nguva iyoyo ndakaona baba vangu
vachisimuka pavainge vakagara
vachiratidza kushamisika.

Vanhu vese pamuzinda vainge
vangomira vakatarisa.

"Baba--"

Ndakadaro ndichida kunzwa kuti
vainge vaziva here vanhu ava.

Nguva iyoyo baba vangu vakabva

vatanga ku-----

End of chapter 21

Stay tuned

**[8/26, 06:44] Mwanyali: *MUZINDA
WAISHE CHITENGU***

STORY WRITTEN BY

L MWANYALI

0777873043

AND

TREY

0777350020

CHAPTER 23

KUNDAI

Pakataura amai vangu kuti
ndofanirwa kusaitira hashu Paidha
ndakamboda kuzvitevedza asi
ndaiziva kuti ndikapfavira ngoma
Paidha aisazobuda pachena.

Ndainge ndazogara padare nababa
vangu ndokunzwa kuti muenzi ainge
auya aive ari munin'ina wababa
vangu .

Ndakaramba ndakavatarisa asi chiso
chavo chairatidza kamwe
kakusachena kwandiri.

Ndakabva ndakandira pfungwa idzi
kure ndokuona Danai achipinda
muimba yangu akandipa ziso.

Zvakandipa kuti ndisimuke nekuti
ndaiziva kuti aida kutaura neni."

Ndakabva ndatosimuka kumutevera
muimba yaaive ari.

Ndaksvika handina kana kugara.

"Kune nyaya yei nhai Danai?."

"Mukoma ndasangana naNyadzai."

Ndakabva ndavhura ziso ndokunzwa
tudikita twuchiyerera zvishoma.

"Wa--wati chii?."

"Hongu mukoma atoti anoda kutaura
nemi nekuti ane mashoko
akakosha."

Ndakabva ndanzwa kuita kupera
mweya zvishoma.

Makore ese aya aive arikupi nhai ?.

Ndakabva ndatora museve wangu
waive pasi ndokubuda ndakananga

kurwizi.

Ndainzwa kuneta mumakumbo angu
nekuti painge padarika makore
maviri tisati taonana uye
akangobuda mumuzinda asina
waaive aoneka.

Ndakati ndichisvika parwizi aive
akaita kufuratira kwandaibva nako
ndichibva ndafunga makare kare
zvaiita .

Ndakabva ndambomira kuyeva
chimiro chake Aive akati simbei
zvishoma kudarika Paida uye muviri
wake waive usina kushanduka.

Ndakabva ndafamba zvinyoro nyoro
kusvika paaive ari semazuva ose
aiita kunge anzwa hwema nekuti
akabva ataura asina kucheuka.

"Kundai---?."

"U--urikubvepi ---uye nemhaka yei wandishevedza?."

"Kundai zvakawanda tozotaura asi kuti ziva kuti ndadzoka."

"Wati chii---kudzoka kubva kupi ?."

"Kundai ndine hurombo handina kuda kukuudza zvaivepo asi kuti zvine chekuita na----?."

Handina kumupa mukana nekuti

ndakabva ndatotaura.

"Nyarara wanzwa nemhaka yei
uchida kutamba nemoyo wangu ?."

"Kundai zvose zvaurikuda kuziva
uchaziva hako uye
nezvandakazviitira nekuti ndine
chinhw chihombe chandichada kuti
uzoona nekufamba kwenguva."

"Chii ichocho taura?."

"Ndati uchaziva uye pane munhu

akaita kuti ndibude mumuzinda
nyangwe ndaisada."

Ndakambonyarara ndichifunga
hongu taive tisina kurambana asi
akangobuda pasina kana shoko.

Akabva atendeuka kutarisana neni
ndokuona akaita kuzara misodzi
mumaziso.

"Handina nguva newe nekuti nda-

-."handina kupedza kutaura nguva
iyoyo.

"Kundai ndokuda ndochokwadi."

Ndakamunzwa Nyadzai achidaro
apa ndaive ndakuda kufamba
kuenda.

Ndakabva ndanzwa kufamba kuti
tyaka tyaka mumasora ndichibva
ndaona ari Paida ainge akamira.

Ndakada kufamba kuenda paari asi

akabva amhanya.

"Paida----?."

Ndakadaro ndagumirwa.

Paida

Ndainge ndakunzwa kudedera
mumabvi ndakatarisa musikana uye
wandainge ndamboona kurwizi uku
nevasikana vemumuzinda.

Apa aive akamira na Kundai kureva
kuti vanhu ava vaidanana nhai kana
kuti vakambodanana?

Iyi yaingove mibvunzo yaishaya

mhinduro.

Ndakaramba ndakamira
ndichiteerera zvaitaurwa.

"Kundai ndokuda chokwadi"

Ndakanzwa musikana uye achidaro.
Ndakatanga kunzwa dzungu kuda
kudonhera pasi.

Ndakabva ndangotendeuka
kwakutanga kumhanya ndakananga
kumuzinda.

"Paída--"

Ndakamunzwa Kundai achidaro asi
ini handina kumira ndakaramba
ndichimhanya chete uku misodzi
yangu ichiyerera.

"Paidamoyo ndokumbirawo taura
neni"

Ndakaerekana ndaamumaoko
aKundai. Ndakatadza kuziva kuti
ainge amhanya nekupi pakusvika

pakundibata apa aibva nekumberi kwangu.

"Kundai ndisiye ndiende kwandiri kuenda usandibate"

Ndakadaro ndichiita kudedera nehasha.

"Inzwa Paida musikana uyo ndaka----
"

"Kwete andisikuda kunzwa nyaya yako endai munopedzerana"

Ndakabva ndamuvhizura asi
ndakatadza ainge akandibata zvine
Simba.

"Ndi--ndisiye Kundai"

Ndakashevedzera zvine ruzha
zvekuti ndakaona iye achibata
muromo.

Achibva andisiya kwakutanga
kumhanya ndichienda. Ndainge
ndakuchema humhandara hwangu

hwandainge ndamupa.

Kureva kuti ndainge ndapa munhu
wemunhu humhandara hwangu.

Misodzi yakabva yatanga
kumokoteka. Ndichisvika pamuzinda
andina kuda kutaura nemunhu
ndakangosviko nanga kuimba yangu.

"Mambokadzi maitwei? "

Ndakanzwa Jinda raifamba na Ityai

richidaro. Andina kudaira asi hana
yangu yakarova.

Ndaizviziva kuti achaudza lityai chete.

Pasina nguva ndakaona lityai
achipinda muimba yandaiva.

"Ko waitwei ndanzwa kuti wauya
uchichema uye ukubvepi? "

Ndashaya kuti ndopindura kutii.

"Paidasi wabviswa humhandara? "

Akadaro achiswedera pedyo neni.
Apa akaita kuvhura ziso.

"Ityai ndirikumboda nguva yangu
ndega"

Ndakaerekana ndamabuditsa
mashoko aya. Kutaura chokwadi
ndainge ndagumirwa.

"Aaah ungandiudze izvozvo une
chokwadi here, ndati waitwei
chakupa kuchema kudaro? "

Nguva iyoyo gonhi rakabva ravhurwa
kwa kuona ari Chenai uyo akapinda
achiratidza kuti ane zvaari kuda
kutura.

"Iwe buda muno urikudei? "

Ndakamunzwa Ityai achidaro.

"Nda--nda--"

Mashoko akaramba kubuda kuna
Chenai.

"Buda muno andidikukuona
uchipinda muno wanzwa"

Haana kupindura akabva angobuda.
Tichibva tasara takatarisana.

Ndakaona achiswedera pedyo neni
kwakundibata matama angu
nemaoko ake maviri.

"Paidamoyo ndati urikuchemei? "

"Ukundikuvadza lityai" ndakadaro

ndichimubvisa maoko ake ainge
akandidzvanya matama angu zvine
simba.

"Uchandiudza chete zvaitika "

Akabva asimuka kwakubuda panze.
Ndakasara kwakuzvitongesa asi
pazvese zvandaifunga hapana
chaibuda.

"Zvirinani kuenda kumba kwedu"

Ndakadaro kwakusimuka ndichibuda

panze. Ndaida kuti ndikaona baba
vangu ndotaura navo chero
vakaramba asi ndaingotiza chete.

"Ndiye mukadzi wa Ityai here uyo? "

Ndakanzwa murume uye ainge auya
pamuzinda ainzi munin'ina
wamambo Chitengu achidaro.

"Hongu ndiye" ndakanzwa jinda ra
Ityai richidaro.

"Svika pano muroora ndine mashoko

newe"

Ndakamboda kutsika tsika asi
ndakazongonyara. Kwakutanga
kufamba ndichienda ikoko.

Ndiri mukufamba kudaro Kundai
akabva asvika pamuzinda achiita
kufemeruka.

Pachinzvimbo chekuti ndirambe
ndichifamba kuenda kwandainge
ndadanwa ndakabva ndangomira

ndakatarisana na Kundai.

Iyewo akabva arambawo akamira
akanditarisa.

End of chapter 23

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 22

PAIDA

Ndakadzoka kubva kurwizi asi
ndaive ndiine kakunetseka mandiri
nezvainge zvaitwa nemusikana
wandaive ndaona. Ndakasvika
mumuzinda ndichibva ndaenda
kuimba yangu yandaishandisa.

Kutaura chokwadi pfungwa dzangu
dzaive dzisina kudzikama
nemusikana uya wandaive ndaona.

"Paida nemhaka yei urikuratidza
kusuruwara?"

Uyu aive Tionei aidaro ndichibva

ndataura zvaive pamoyo.

"Honaka ndichirikufunga
nezvemusikana uya zvaaita
paandiona.Chirikundineta chiso
chake hachisi chitsva kwandiri
ndoita sekunge ndakambomuona asi
karesa."

"Munganetseke neizvozvo here
mambokadzi hapana nyaya apa."

Ndakabva ndagutsurira musoro
wangu asi ndaingonetseka.

Kubva musii iwowo handina
kumbomuona .Painge patopera
mavhiki maviri akatokwana asi rudo
nakundai taingopanana zvakadaro
tikawana mukana.

Rimwe zuva taive takagara ndichibva
ndanzwa kuti mumuzinda mainge
mauya vaenzi.Pandakabuda kutarisa
chiso chemunhu uyu ndakarohwa
nehana nekuti aive akaita kufanana
namambo Ukuwo ndaiona mambo
nevana vavo vachiratidza

kuvhunduka.

"Jeketerere ---ko urikubva nekupi?."

"Ndauya mambo wangu muera
Simboti haarovi zvekudaro mukoma
ndati ndiuye kuzoona mwana wamai
vangu nekuti ndaive ndatetereka
nenyika uye ndakangobva ndisina
kutura kwandaienda asi ndovimba
kudzoka kwandaita zvose
zvichanaka."

"Umm ---ngatinogara padare
Jeketere zvakawanda tozotaura."

.

Vaive mambo vaidaro baba
vaKundai.Kureva kuti Jeketere uyu
aive munin'ina wavo nhai--?.

Ko sei vairatidza kusafara
nekumuona.vakabva
vatungamidzana kunanga kudare.

Ndakabva ndananga kuimba

yekubikira ndokusvika amai
vaKundai vakamira

Vakabva vandidhonza neruoko
ndokuenda padivi pedu tega.

"Mwanangu munhu wawaona uyo
ndiye akasiirwa namambo
pakubarwa. Asi mashoko angu
kwauri usanyanye kutambira pedyo
pedyo naye nekuti mambo wacho
kunyatsoonana naye ummm
kushoma."

Ndakanzwa hana kurova nemhaka
yei vaindiudza mashoko aya nhai.

Pandakabuda ndakabva ndafunga
kunobiridzira kupinda muimba ya
Kundai asi ndisati ndapinda
ndakanzwa vachitaura
naDanai .Vaive vasina kundiona asi
ndakanzwa zvishoma

"Kundai pandataura naye ati arikuda
kutura newe nekuti ndiwe muridzi
wenyaya."

"Saka arikupi apa?."

"Ati anenge akakumirira parwizi paya pekare pemazuva ose."

"Rega ndiende ndinonzwa kuti zvakamira sei?."

Ndakamunzwa Kundai achidaro .Ini ndichibva ndafambisa kubva pandaive ndakamira.

Ndakazoona Kundai atora museve ndokubuda mumuzinda.Ndakabva ndaita chivindi ndikati ndototevera chete.

Ndakatanga kutevera zvinyoro
nyoro. Asi pandakasvika kurwizi kuya
ndakashamisika kuona munhu
waaive akamira naye ---- hana yangu
ikatanga kubikana--

Ityai

Ndainge ndavhura nzeve kuda
kunzwa nezve muenzi uyu aitaurwa
nesvikiro.

Pasina mazuva ndakaona
mumuzinda muchisvika murume uyo
ainzi ndibamunini wedu.

"Baba ko----? "

Ndakadaro ndichiratidza
kushamisika.

"Hongu mwanangu ndibamunini
venyu takaparadzana kare kare
muchiri vadiki "

Ndakangogutsurira musoro. Ko sei
vainge vasina kuti udzawo.

Asi zvisinei ndakava nemufaro kuti
dzinza rekwedu tainge takawanda.
Ndakazoenda hangu kwaiva na
bamunini Jeketera kwakutaura hedu
nyaya.

Wega waisabvunza vainge
vakafanana nababa vangu. Vainge

vakazosiyana kuti bamunini vaive
vatete varefu chete asi zvimwe
zvese vaive baba vangu chaiwo.

"Ko baba mungabva marova kudaro
honai taizotadza kukuzivai tava ana
mambo pano"

Ndakadaro ndichisekerera hangu
Apa taive padare.

"Ndine hurombo mwanangu lityai
ndainge ndangotetereka nenyika
ndisingazive kuti kwaive kutorasika
kkkkk"

Vakadaro vachiseka zvavo.
Vairatidza kuva munhu anofara
kwazvo.

Mangwana acho mombe
yakatouraiwa yekupemberera
kudzoka kwababamunini mumusha.
Vanhu vakauya vakafara kwazvo.

"Paida musi wandichagadzwa
humambo ndichada kuti vanhu
vafare kupfuura zuva ranhasi"

Ndakadaro ndichinyemwerera apa
ndakabata mudzonga wenyama
muruoko.

Iye haana kupindura
akangonyemwerera zviya
zvekuratidza kuti pfungwa dzake
dzaiva kure kwete pandiri.

"Paidamoyo----"

Akabva aita kuvhunduka
achinditarisa.

"Ndine hurombo musoro wangu
urikundirwadza akabva atanga
kufamba kuenda kuimba yake"

Ndakangoti nechemumoyo uriwangu
chete Paidá.

Mazuva aifamba rimwe zuva kuseni
ndakabva ndashevedzwa na
bamunini Jeketere.

"Ityai ndakanzwa kuti urikugadzwa

humambo pamazuva mapfupi
arikutevera ayo? "

Ndakabva ndaita kunyemwerera
kwakuswedera pedyo navo.

"Hongu baba ndirikugadzwa
tangomirira svikiro chete anzi ndiro
richataura manje rava
kundinonokera ini kkkk"

Vakabva vambonyarara
vakatsikitsira pasi.

"Hoo wakamirira svikiro hapana
chakaipa mwanangu chinodiwa
kutonga negwara kwaro"

Vakadaro vachinyemwerera havo.

"Ichokwadi ichocho zvamauya imimi
zvanaka zvimwe ndimi muchaita kuti
zvikasire"

"Kkk haa lityai wavakuda kutonga
chokwadi usatya hako zvichanaka"

Takatanga kukurukura hedu nyaya
dzakasiyana siyana. Ndega
ndakatozviona kuti bamunini vaive
munhu kwaye. Potse potse
kutopfuura baba vangu.

Nguva iyoyo ndakaona baba vangu
vachiuya patainge tiri. Vachifamba
zvavo zvinyoro nyoro.

"Ikozvino Chitengu yava nguva yenyu
yekuzorora mosiira vechidiki ava
chigaro kkkkk"

Ndakavanzwa bamnini vachidaro
kuna baba vangu.

"Kkk Chigaro chinongosiwa here
nhai Jeketera kutomirira kunzwa
vadzimu totevedza izvozvo
sechivanhu chedu"

"Aiwa ndizvozvo chaizvo
kungomirira zvinotaurwa"

Ndainzwa hasha nemashoko aya
ndaizomirira kusvika rinhi.

"Kundai aripi? "

Vakadaro baba vangu vakanditarisa.

"Andizivi ini zvimwe apinda
musango"

"Anofanirwa kuve pano patinotaura
dzepasi chigare kudai"

"Haana basa uyo baba inini ndiripo
nyaya dzinotaurwa sezvo ndiri ini
ndatarisana nechigaro"

Ndakadaro nezwi raiva pamusoro.

"Ko akasarudzwa ari Kundai
nevadzimu sezvo mese muri vana
vangu"

Ndakaita kunge ndarohwa
chibhakerwa. Uku bamunini vainge
vakanyarara havo asi vairatidza kuti

pfungwa dzavo dzirikufunga parefu.

"Kwete baba hakuna zvakadaro ini
ndini mambo pano"

Ndakadaro ndichirovera gumbo pasi.
Ndakaona bamunini vachinditarisa
vachibva vatanga kutaura.

End of chapter 22

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 24

PAIDA

Patakatarisana naKundai ndakanzwa
kudedera mumakumbo.Zvaive
pachena kuti vanhu ava
vakambodanana kana kuti
vaidanana.

Takatora nguva takadaro misodzi
yangu ichibva yangoti mokoto
pasina kana kuzeza.Ndofunga

munhu wese aive panze pamuzinda
akabva azviona. Iniwo pfungwa
dzangu padzakadzokedzana
ndakabva ndatendeuka
kwakufambisa kuenda kuimba
yangu apa ndainge ndadanwa na
bamunini vana lityai ndakabva
ndatosiyana nazvo.

Ndichipinda ndakabva
ndanozvikandira pandairara nguva
iyoyo Tionei achibva apinda.

"Mambokadzi mukaramba
muchichema muchapedzisira
marwara."

Ndakamunzwa achidaro asi
nezvaiitika panguva yacho ndaive
ndisina basa nazvo.Ndainzwa kuti
ndaive ndashandiswa pamwe dai
ndakaramba ndichida Ityai
taisasvika pakadaro.

"

"Ndodawo kukutuma kumba kwedu
Tionei ndoda kuti uudze amai vangu
kuti ndoda kutaura navo."

Ndaiziva kuti ndiye munhu
mumwechete aigona kundinzwisisa
nguva yacho.Uye ndaive ndazvipira
kuvaudza zvose .

"Kwete hapana kwaurikuenda uye
amai vako hausikuzoonana navo
kusvika tapedza nyaya idzi tiri vaviri."

Uyu aive Kundai aidaro .Ndakashaya
kuti aive apinda nguvai uye sei.

"Tionei buda."

Aitaura akaita kuruma mazino.Kaive
kekutanga kuona akaita kushandura
chiso kudaro.Tionei akabva aita
kumhanya kubuda ndokubva tasara
tiri vaviri takatarisana kwekanguva.

Ndakamboda kunzwa zvaiida
kutaura asi ndaiti ndikaona chiso
chemusikana uyu mupfungwa
dzangu ndainzwa kurwadziwa.

Ndisina kufunga ndakabva
ndarongedza twunhumbi twangu

twandaive ndauya natwo twese
.Ndainge ndakuda kubuda Kundai
achibva andibata ruoko .

Takabva tamira takatarisana nguva
yacho.

"Paida mira ndikuudze zvole."

"Kwete Kundai ndazvinzwira ndega
.Chandaona chiripo ndini ndakaita
hubenzi nekuti ndakakupa chivimbo
nekupusa."

Kwete--- Nyadzai ndakadanana naye
kare izvi ndakazviita kare iwewe
usati wapihwa lityai."

"Pakanaka Kundai izvezvi ndakuziva
chokwadi chose ndakuziva
zvandinofanirwa kuita."

Ndainge ndakuda kufamba Kundai
achibva andibata ruoko zvine simba.

Pandakada kuzama kubvisa
ndakamutadza.

"Paida hapana kwaurikuenda ukabuda mumuzinda vanhu vachati kudii?."

"Handisisina basa nevanhu nekuti wandaida ndiye avekundikanya."

Akabva aita kundidzvanya zvine simba ndokubva ndanomira nemadziro.Ndakabva ndanzwa kunge kupera mweya nguva iyoyo.

Pandakaridza kamhere kurikuda kuzviraramisa ndofunga akazviona achibva akurumidza kundisiya.

Ndakaita kupunyuka ndokubva
ndabuda panze .

Ndati fambei nhanho mbiri ndakabva
ndaona rima nguva iyoyo ndokunzwa
izwi raKundai nechekure kure.

"Paidaaaa-----?."

Ityai

**Tainge takagara padare apo
pandaitaura zvekugadzwa kwangu
humambo.**

Ndainge ndaita kudumbirwa
nehasha nemashoko ainge ataurwa
nababa vangu.

Nguva iyoyo ndakanzwa bamunini
jeketere vakuti---

"Usatya hako mwanangu zvole
zvakaringana, handiti ndiwe dangwe
repano kureva kuti ndiwe uchatonga
kumirira vadzimu chingori chirango
asi humambo hunewe zvikaramba
ndingatotsva ndatonga inini kkkk"

Vakadaro bamunini vachisekerera.

Ndakaona baba vangu vachivapa
ziso iro raive risina kujeka asi ini
handina kuda kuita hanya nazvo.
Sezvo vainge vakunyanya kuisa
Kundai pedyo navo.

"Iwe jeketera unozviziva wani kuti
vadzimu ndivo vanogadza wavanoda
pahumambo"

Ndakavanzwa baba vangu vachidaro.

"Hongu ishe Chitengu ndizvozvo asi

pamwe pachu togonu kuita sekuda
kwedu isusu pasina kuti vadzimu"

"Hauoni kuti wakutorasika here
jeketere"

Vainge vakukavadzana vega vega.
Ini ndainge ndanyarara hangu asi
bamunini ndivo vaitaura
zvandainzwa chete kupfuura baba
vangu.

"Mambo Ityai ndingakuoneiwo here?
"

Ndakarinzwa jinda rangu Chokuda richidaro.

Andina kutora nguva ndakabva ndangosimuka kwakuenda paaiva.

"Mambo ndaona Paidi achipinda muimba yake asi anga achichema"

"Kuchema--? "

Ndakadaro ndichiratidza kushamisika.

"Hongu mambo anga abuda uye
ndambotsvaga uyu Kundai handisi
kumuona pano"

Pandakanzwa izvi pane pfungwa
yakabva yauya mandiri.

"Anofanirwa aitwa mukadzi chete na
Kundai "

Ndakamataura mashoko aya
nechemumoyo. Apa ndainge
ndakutofamba kuenda kuimba ya

Paيدا.

**Ndichisvika ndakamuona
zvechokwadi achichema.**

**Ndakamboedza kutaura naye asi
aitoratidza kusada kutaura neni
zvachose.**

**Nehasha ndakabva ndabuda panze.
Ndaida kutsvaga Kundai kuti aivepi
tozotangira ipapo.**

**"Chokuda ndoda kuti utsvage Kundai
kuti aripi ndine zvandiri kufungira"**

"Pakanaka mambo"

Ndakabva ndatanga kufamba
kudzokera padare asi panguva iyi
ndakaona bamunini vasara vega
padare.

"Ityai ini handitye kuti svikiro razoti
kudii kana uri iwe kana ndini arikuda
kutonga muzinda uno tongoita
zviripo"

"Ndizvozvo chaizvo kungoti chete

baba vanonyanyo kutya kuswero
mirira zvichataurwa nevarikumhepo
ndinotosvika pakuchemberaka
pasina chabuda kkk"

Ndakadaro ndichisekerera. Nguva
iyoyo Paida akabva abuda panze.

"Ndicho chimhandara chawakapihwa
here icho nhai mwanangu? "

"Hongu asi munhu wacho anenge
ane twekwavo twunomutevera
haanzwisike maitiro ake"

Ndakadaro ndakamuyeva achifamba.

"Ndozvavanoita vanasikana kkkk
huchiri hupwere"

Vakadaro vachibva vamushevedza.
Ndakaona achimbomira achibva
atanga kufamba achiuya.

Nguva iyoyo Kundai akabva
abudikirawo uku achifemera
padenga.

Vakabva vambotarisana
kwekanguva na Paida. Ndichibva
ndaona ave kutendeuka kudzokera.

"Hezvo ko chii chirikuitika nevaviri
ava?"

Vakadaro bamunini vangu
vachiratidza kushamisika. Chero
neniwo ndainge ndapererwa.
Ndakamboda kusimuka asi
ndakapera simba.

Ndakambotora nguva ndakagara.
Ndisina chandataura.

Papera kanguva ndakashamisika
kuona Paída achibuda mumba
akabata nhumbi dzake kuratidza kuti
ainge afunga parefu.

Ndakaita kukwanyanuka
kwakutanga kafamba ndakananga
kwaiva na Paída.

Ndakanzwa Kundai achishevedzera
zita raPaída.

Iye Paída akabva amira asi

ndakashamisika kuona achidonhera
pasi.

"Kundai waitei mukadzi wangu? "

Ndakaita kushevedzera zvine ruzha.
Kwakumhanya kunopfugama paiva
na Paida.

Vanhu vese vainge vazoungana
zvino uku Paida ari pasi.

Ndakaona baba vangu vachiuya uku
vachifambisa.

"Chii chaitika? "

Vakadaro vachiswederera pedyo.
Ndakaona Kundai achinopfugama
kuda kubata Paida ndichibva
ndamusundira kure.

"Hauna mvumo yekubata mukadzi
wangu wanzwa"

Ndakaona achisunga chiso
kwakufamba kuuya pandaiva.
Kundai ndaimuziva aigona kundiita

kanyama kanyama pane vanhu.

Ndakabva ndatora bakatwa rangu
kwakuribata muruoko zvine simba.

End of chapter 24

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 26

PAIDA

Ndakamutswa nekudirwa zvaiita
kunge mvura. Pandakavhura maziso
ndakabva ndatanga kutarisa mativi
ose ndokuona musiri muimba yangu.

Ndakabva ndanzwa hana kurova asi
pandakada kuzama kumuka
ndakanzwa izwi randakaziva.

"Chimbomira mwanangu uchamuka
hako."

Ndakatarisa ndokuona vari amai
vangu.

"Amai nda---ndauya sei
kuno?."ndakabvunza ndichida kuziva.

"Hmm anzi wanga wadonha Paida kumuzinda.Ini ndazoita kushevedzwa watove kuno kuimba yesvikiro."

Nguva iyoyo svikiro rakabva rapinda ndokubva raramba rakanditarisa.

"Umm zvandataura ndizvozvo amai vaPaida.Ndaona kuti ndikashevedza Kundai pakazara vanhu kudaro zvinozonetsa."

Ndakashaya kuti raida kutii nguva
iyoyo. Amai vangu vakabva vapukuta
kumeso kwavo ndikaona maziso avo
akatsvuka.

Saka zvaireva here kuti vaichema ?.

"Paida handidi kutenderera warema
kutura kwandirikuira kudai."

Ndakanzwa hana kurova. Amai vangu
vainge vakabata ruoko rwangu
vachibva vanyatsondibata zvine
simba.

Ndakaita kuvhunduka nguva iyoyo
ndokubva ndazama kuda kumuka.

"Kwete hazviite nemhaka yei nhai
vadzimu vangu."

Kwete ---kwete hazviite."

Ndaive ndakuyeredza misodzi nguva
iyoyo.Ndaive ndakufunga mashoko
aKundai ndichibva ndatanga
kubuditsa misodzi.

"Paida mwanangu nemhaka yei
nhai?sei usina kundiudzawo kuti
ndizvo zvainge zvavepo.Zvino
zvazvadai mumuzinda muchamuka
chakanaka here pavana vamambo?."

Vaiita kunetseka amai vangu .Iniwo
wacho ndaishaya nyangwe mashoko
ekutaura.

"Honaka Runesu yadeuka yadeuka
haidyorerwi asi zvagara zvanga
zvakarongwa kare nevadzimu.Hondo
iriko uye yakakura.Inotoda kuti

iwewe nemurume wako mobatana."

"Hmm ndotangira papi.Murume wangu ndomuziva ini."

Pavakadaro vakabva vandisimudza zvinyoro nyoro ndichibva ndagara pasi.

"Runesu chienda hako kuimba yako.Uyu Paida musiye pano nekuti muridzi wenyaya ndaona asvika pasina kana nguva."

Vakabva vasimuka ndokubuda
Pasina nguva takabva tanzwa
kuombera ndega ndikaziva kuti aive
Kundai ainge auya.

Ndakazoona apinda muimba
yandaive ndiri .Ini nekutadza
kuzvibata ndichibva ndabata dumbu
ndokutanga kuchema.Ndakaona
aswedera pedyo neni ndokubata
ruoko rwangu kubvisa iye ndokubva
atanga kufambisa maoko ake
padumbu rangu akaita kunditarisa
kumeso.

**Ndakashamisika nazvo nekuti ndaive
ndisina chandatura----**

Jeketere

Ndainge ndaita makore akawanda
ndisina kuonana namukoma wangu
Chitengu mushure mekunge
tapesana nenyaya yekuda humambo.

Ndakatoona kuti ndikaramba ndiri
pamuzinda uyu ndaipedzisira ndava
Nyikadzimu sezvo Ishe Chitengu
vainge vava nevatsigiri vakawandisa.
Saka ini painge pasisina changu.

Ndakaita makore ndisina kutsika
mudunhu iri kusvika ndazonzwa
nemakuhwa kuti Ishe Chitengu
vainge vakuda kuchisira mwana

wavo chigaro.

"Dzapasi ndafunga kudzokera
kudunhu rekwedu"

Ndakadaro kune shamwari yangu iyo
yandaipindirana nayo.

"Wafunga kundisiya here shamwari
ko ukanouraiwa ikoko? "

"Haa nemakore andagara aya
ndovimba mukoma vandiregerera,

asi hutongi ndichiri kuhuda
ndikangoita mukana chete
uchanzwa kuti ndini ndavakutonga"

Ndakadaro ndakaita kusunga chiso.
Kuratidza kuti ndairevesa.

"Kana uine hushingi enda asi kana
zvaita usandikanganwe"

"Kkkk ndiwe unenge uri pedyo neni
handikurase"

Ndakadaro tichibva tatanga kuseka

hedu.

Handina kuzoita mazuva ndakabva
ndaonekana neshamwari yangu
Dzapasi ndichibva ndananga
kudunhu rekvedu.

Zvisinei ndakatambirwa nemufaro
nechemumoyo ndakaona kuti
mukoma vainge vandiregerera saka
ndaizoda kushandisa mukana
nekufamba kwenguva.

Pavana valshe Chitengu
ndakazopindirana neuyo anzi lityai

anova iye aida kusiirwa chigaro.
Kwandiri hazvina kundiipira sezvo
ndakaona kuti nemwana uyu tainge
tapindirana.

"Ityai zvese zvichanaka kubva
zvandakauya ndakaona kuti vanhu
vepamuzinda uno vanokusarudza asi
zvese ndichazvigadzirisa"

Ndakadaro mushure mekunge
ndadhonza Ityai panguva
yaainetsana na Kundai.

"Ichokwadi ichocho chero baba

vangu chaivo havandifarire manje
vakaramba vachidaro ndiri
kuvanyudza bakatwa masikati
machena"

Aitaura nehasha lityai kuratidza kuti
airevesa.

"Usatya hako chatirikuda chete
unofanirwa kugadzwa humambo
nekukasira asi pazvese izvi
ndichange ndiri pedyo newe
ndichikubatsira"

Ndakamuona achigutsurira musoro.

Nguva iyoyo ndakaona Kundai
achisvika patainge takamira.

Pandaka tarisana naye
ndakangonzwa hana kurova. Aive
nekamwe kakurema maari.

Akasvika kwakutaura zvaaida
achibva aenda. Ndakasara ndichiita
kudedera nehasha.

"Mwana uyu akatsika papi chaipo
zvinomupa kuita zvivindi
zvakadaro?"

"Ndi hwo hunhu hwake bamunini neni
hatipindirane manje ndikaita mambo
chete vese varikubva pano"

"Ndichamu gadzirisa hangu usatye,
akaita zvekutamba neni anofa
rakacheka nyika ndinana godobori
vakawanda vandinoziva ini"

Ndakadaro ndichibva ndatanga
kufamba kuenda padare.

Ndakasvika Ishe Chitengu vakagara

vachiratidza kuti vaifunga parefu.

"Mambo mwana wenyu Kundai
anombondiziva hunhu hwangu here
inini? "

"Ko zvaita seiko muenzi akauya zuro
uno"

Vakadaro Ishe Chitengu vachiratidza
kusafara kwandiri.

"Auya achitaura mashoko
ekundivhundutsira inini haazive kuti

ndiri baba veke here pano, inini nemi
chii chasiyana? "

"Jeketerere ndine zvakawanda
mupfungwa dzimwe nyaya
kutondiremedza mutoro"

Ndakaramba ndakanyarara
ndakavatarisa ndakaona sekunge
vaive divi raKundai manje ndaida
kuzvipedza. Ndonzi Jeketerere ini.

End of chapter 26

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

CHAPTER 25

(Narrated)

Ishe Chitengu kubva musi
wavakaziva kuti Kundai ndiye ainge
adiwa nevadzimu havana kuda
kupikisana nazvo asi hondo huru
yainge iri pana Ityai uyo wavaiona
kuti akangoziva zviripo chete
paisagarika pamuzinda uyu.

Pakaita mazuva zvichivanetsa
mupfungwa kuti vozvifambisa sei
chaizvo.

"Nhai baba va lityai komadii mambo
bika doro mutaure nevadzimu honai
mwana zvinhu hazvisi kumufambira
zvakanaka, ndakutoona kunge
Kundai ndiye akutoda kutonga
muzinda uno"

Vakadaro vaChihera vanova ivo mai
va lityai vachibvunza murume wavo
Ishe Chitengu.

"Ini ndichangotevedza zvichataurwa
nesvikiro ndikada kuita zvemusoro
wangu ndaona ndarasana

nevadzimu zvachose"

Vakadaro Ishe Chitengu vachiratidza
kushushikana pachiso chavo.

"Heeee --hee ndaseka zvangu
imboitai tione asi mwana wangu
akasatonga muzinda uno chokwadi
ndopika na mai vangu hapagarike
pano"

Ishe Chitengu vachinzwa izvi
vakabva vasimuka kwakubuda
mumba umu vachibva vaenda
padare. Vainge vatoona kuti hondo

yacho havangaipedze sezvo
mudzimai wavo uyu aisamharwa
nenhunzi pamuromo kana avamba
kutura.

Mazuva aifamba kusvika mambo
vazoudzwa nesvikiro kuti kuri kuuya
vaenzi.

Izvi zvakavavhundutsa kuti vaenzi
vapi vaitaurwa panguva iyi.

Pasina mazuva vakarohwa nehana
vachiona munin'ina wavo Jeketerere
achisvika pamuzinda uyu. Uku
akatakura mikwende yake kuratidza
kuti munhu ainge auya kuzogara
pamuzinda uyu.

Jeketerere aiva munin'ina chaiye
wamambo Chitengu asi kuti
vaisanyatso pindirana pamaitiro.

Jeketerere aive munhu anehudyire
zvinova zvakaita kuti vapesane
nemukoma wacho.

Jeketerere pamazuva akagadzwa mukoma wake chigaro. Haana kufara nazvo sezvo iye ndiye aida kutonga dunhu iri. Achibva afunga kuda kuuraisa mukoma vake asi zvakaramba.

Mushure mechiitiko ichi jeketerere akabva aona kuti chake painge pasina kwakufunga kutiza kuenda kumatunhu arikure uko kwaakanogara makore asati adzoka.

Jeketerere agara kudaro akazonzwa kuti mukoma vake vaininge voda

kusiira vana vavo chigaro saka
akafunga kudzoka mumuzinda uyu
achiita semunhu kwaye asi
mupfungwa dzake aidawo kutonga
muzinda uyu.

Ishe Chitengu vachiona Jeketere
achisvika pamuzinda wavo
vakanzwa hana kurova sezvo vaininge
vofunga zvakaitika makare kare
nemunhu uyu.

Asi nekuda kwekuti aive mwana
wamai. Vakabva vangomutambira

nemufaro asi mumoyo mavo vaive
nekakutya.

Jeketera paakaona kuti atambirwa
nemufaro akatoona uri mukana
wekutodzika midzi pamuzinda uyu.
Uye akabva apindirana papfungwa
na Ityai uyo waakaona kuti aidawo
zvenyonga nyonga uye aisada
zvekutevedza zvevadzimu.

Ukuwo va Nyarungwe vanova ivo
baba va Paidamoyo vainge
vasisagutsikane nezvaiitika
pamwana wavo kumuzinda.

"Mai paida ndirikuona iri nyonga
nyonga pamuzinda nekuda
kwemwana wako"

Vakadaro vaNyarungwe kumudzimai
wavo vachidya kudya kwemanheru.

Mai vaPaida vachinzwa izvi vakabva
vakuchidza moto kuti unyatsobvira.

"Ko zvaita seiko nhai baba? "

Vakadaro misodzi ichiyerera nekuda
kwechihutsi chaive mumba umu.

Va Nyarungwe vakamboramba
vakanyarara varimushishi
kugurugudana nechidya chenyama
yetsuro iyo yainge yabikwa
zvinonwisa mvura namai va Paida.

"Ndirikuona--kunge uyu Kundai
avakuda Paida zvekare"

Mai vaPaida vachinzwa izvi vakabva
vamboramba vakanyarara vachibva
vazotaura.

"Zvino tingazviite sei nhai baba
kungotevedza zvinoda moyo wake"

Vakadaro vachibva vasimuka
kubuda panze. Asi mhinduro iyi
yakasiya vaNyarugwe vaine
kakunetseka.

Ukuwo pamuzinda pa Ishe Chitengu
painge parema sezvo painge
papinda mharadzi anova iye
Jeketere.

Ishe Chitengu vakazonzwa yava
mhere mhere pamuzinda vakatadza
kuziva kuti chiizve chaitora nzvimbo.

Vakatanga kufamba kuenda paive
pakaungana vanhu kwakuona Paida
achidirwa mvuro akarara pasi.

"Ko chii chaitika? "

Vakadaro vachiswedera pedyo. Asi hapana akapindura panguva iyi sezvo vanhu vese vainge vayeva Ityai uyo ainge abatira Kundai bakatwa muruoko.

"Ingoita nhanho mbiri uone ndiri kukunyudza bakatwa pachipfuva chaipo mwana wemuroyi"

Akadaro Ityai akaita kuvhura ziso kunge mbeva yadzvanyiwa ne riva.

"Nhai iwe Ityai sei uchitaura
mashoko akadaro saka unoreva kuti
ini ndiri muroyi here sezvo ndiri baba
venyu mese"

Vakadaro Ishe Chitengu vachiita
kuviruka nehasha.

"Kwete baba ndoreva mai vake"

"Wati chii? " Akadaro Kundai aita
kutsvukisa maziso uku achiita
kudedera nehasha.

Akabva atanga kufamba kuda
kuenda kuna Ityai asi Jinda rake
rakabva ramubata.

"Kwete mambo musadaro itai kuti
mambokadzi ava vabatsirwe"

Akadaro Jangano jinda raKundai
richinongedza paive pakarara Paid
uyo airatidza kuda kumuka asi
achitadza.

"Iwe Jangano ukada kupinda

nemwenje mudziva ndokukanganwa
nhasi chaiye wanzwa"

Akadaro Ityai akanongedza jinda
raKundai.

Jeketera achiona izvi akabva asvika
kwakudhonzwa Ityai.

"Siyana navo avo hauoni kuti vese
vanoratidza kusakufarira here pano"

Mashoko aya akavhundutsa Ishe

Chitengu. Kuti zvainge zvobva
nekupi kumuenzi asina mazuva
apinda mumuzinda.

"Jeketer--"

Vakadaro mambo nezwi raive
pamusoro.

Nguva iyoyo svikiro rakabva rapinda
mumuzinda. Vanhu vese vachibva
vambonyarara sezvo rairatidza kuti
raiva nemashoko araida kutaura.

KUNDAI

Pandakashevedza Paida akaramba
kumira. Ndakabva ndamutevera
kusvika ndazopinda muimba maaive
ari ndisinganyare kuti ndoonekwa
chero nani hake.

Pandakamuudza zvekuti Nyadzai
aimbove musikana wangu ndofunga
ndipo pandakakanya ipapo nekuti
Paida akaratidza kunetseka
ndokubva atobuda nenhumbi dzake.

Asina kure kwakaenda akabva
adonha pasi.Ukuwo Ityai akabva
atouya ndokuti ndisasvike pedyo.

Ndakabva ndamira nekuti ndaisada
kukonzera zvakawanda asi ndaive
ndazvipira kuti akazama kuda

kukanda chete nehasha dzekuti
ndainge ndisirikuwirirana naPaيدا
ndaizomuita zvinogara zvakadaro .

Ukuwo ndaiona munin'ina wababa
vangu achimhanyisa mhanyisa
maziso zvandisina kufarira.

Ndakavaona vatorana naltyai kuenda
pavo vega vachitaura ndichibva
ndavasiya hangu nekuti
ndakazviudza kuti ndaizovabata
chete.

Pasina nguva svikiro rakabva rasvika
mumuzinda richibva ratanga
kutenderera paive pakarara Paida
richitarisa denga.

Rakabva ratanga kumuisa zvinenge
zvimbura zvaraive rauya nazvo.

Papera kanguva rakabva rataura.

"Ndoda vasikana vanobatsira pano
vatakure murandakdzi uyu kuenda
naye kuimba yangu.Uyewo ndoda

amai vaPaída chete ndivo
vanofanirwa kuuya kumba kwangu ."

Nemashoko iwayo rakabva ratanga
kufamba.Ndakasara ndakamira
ndichitarisa vasikana vainge
vasimudza Paída.

Ndakatanga kufamba kuenda kwaive
kwakamira baba vangu.

"Wagona wauya ndanga
ndakatokumirira mwanangu."

"Baba ndoziva mune mibvunzo yakawanda pane zvaitika izvi. Asi nyaya iripo Nyadzai akadzoka mumuzinda asi a---."

Ndaive ndisina kupedzisa kutaura vakabva vandidimbura.

"Hee--?."

Vakatanga kukwenya musoro ndokubva vanditarisa. Vaiita sekunge pane zvakawanda zvavaiziva .

"Ati kudii pane zvaataura here nhai Kundai?."

"Hapana---asi ati ndine zvandirikuda kuti uzoona."

"Umm Kundai ndine mubvunzo kwauri?."

"Bvunzai henyu baba."

"Paida unomuda kusvika papi uye ndodawo chivimbo chako kuti kana

uzonzwe zvakaita sei usazorasa
Paida nekuti ndirikuona kunge--
kunge---"

Havana kupedzisa zvavaida kutaura
baba vakabva vatanga kufamba
kuenda.Ndakasara
ndakamira.Chandaiziva baba vangu
kubva
pandakambofambidzananaNyadzai
havana kubvira vafara nazvo.Uyewo
vaiti musha wevatengesi kureva
baba vaNyadzai.

Ndakabva ndazvikandira kure

ndokutanga kufamba ndichida
kuenda kuimba yangu apa pfungwa
dzangu ndaifunga Paidi.

Ndati fambei fambei ndakaona
Jeketeri akamira nalyai. Vose
pavakandiona vakabva vanyarara
kutura.

Ndakabva ndafamba kuenda padyo
navo ndokusvika kumira.

"Inzwaka lityai ndirikuona

mapindirana zvekuti nababa
vadiki. Asi ndoda muzive chinhu
chimwechete. Mukazana kuita
zvisizvo chete. Iwewe Ityai
unondiziva. Uyewo imi baba vadiki
muchandiona hunhu hwangu."

Ndakabva ndatanga kufamba
ndichiita kudedera nehasha.

Ndisati ndanopinda muimba yangu
ndakabva ndasangana namai vangu
vakatanga kunyemwerera.

"Kundai mwanangu ndafara asi

ummm hondo yacho yakaoma."

Mati kudii?."

"Ndozonzi ndine makuhwa rega
ndimirire nguva yekuti uzozive asi
ndoti makorokoto---."

Vakandisiya ndakashama muromo
kushaya kuti vaidakuzama kutii__

End of chapter 25

Stay tuned

[8/26, 06:44] Mwanyali: *MUZINDA
WAISHE CHITENGU*

STORY WRITTEN BY

L MWANYALI

0777873043

AND

TREY

0777350020

LAST FREE CHAPTER

CHAPTER 27

KUNDAI

**Ndakamboshingirira ndichizama
kuzvibata asi ndakatadza.**

Pfungwa dzangu ndaingofunga
kwaive naPaida.Ndaisada kuti
ndionekwe ndichitevera naltyai kana
ani zvake mumuzinda.

Ndakambozama kuzvibata ndichibva
ndaenda kunogara padare parutivi
rwababa vangu.

"Kundai ndirikuona pfungwa dzako
dzirikure Chandirikuda kuti uite
kutevera asi usaonekwe chero nani
hake."

Ndakabva ndanyemwerera nguva
yacho iyoyo ndokusimuka.

Ukuwo ndaiona Ityai akamira
naJeketera ndikaziva kuti hapana
zvairongwa zvaive nemusoro.

Ndakabva ndafamba kunanga
kuimba yesvikiro.Pandakasvika
ndakabva ndapinda mukati
ndokuona akabata dumbu misodzi
ichibuda.

Ndakabva ndanzwa kurova kwehana
nekuti ndakabva ndaziva zvazvaireva.

Ndakabvisa ruoko rwake ndokuisa
rwangu ndokutanga kufambisa.

Maziso edu akabva asangana nguva
iyoyo ndichibva ndadonhedzawo
kamusodzi.

"Pa---Paida ndokuda zvekurevesa
nyangwe zvikaita sei handifi
ndakakusiya."

Mashoko aya akangobuda asi

ndakabva ndafunga mashoko ababa
vangu pandakavaudza nezvaNyadzai.

Nemhaka yei vakandisimbisa kuti
nyangwe zvikadii ndisafe ndakasiya
Paida.

"Ku--Kundai? "

Ndakaita kuvhunduka
nekuti ndaisanzwa kushevedza
kwaiita Paida.

"Ndakabva ndanyemwerera

ndakamutarisa nguva yacho.

"Ndirikutya ini Kundai."

Hongu mashoko ake aya aireva
zvakanwanda.Ndakabva
ndamusimudza nguva iyoyo
ndokufamba naye kubuda panze.

Svikiro raive richitenderera zvaro
pamba paro .

Munogona zvenyu kuenda mese
kumuzinda kana muchida nekuti
pangu ndapedza."

Rakadaro rakatarisa denga kuita
kunge pane zvaraiona.

Takatanga kufamba naPaida asi
tisati tapedza kubuda munuzinda
rakabva rashevedza zita rangu.

"Kundai --?."

Ndakabva ndadzoka paraive

rakamira ndokutaura rakanditarisa
asi raitaura nemadimikira.

"Usazorase chiri mumaoko nekuda
kuuchira."

"Matii--?."

Harina kupindura rakabva ratofamba
kupinda muimba maro.

Ndakafamba kuenda kwaive naPaid

ndichibva ndamubata ruoko
tikatanga kufamba.

"Ko Ityai akaziva zvavepo ndichati
kudii nhai?."

Akataura mashoko aya ndakaita
kuvarairwa .Ndakabva ndaita
kufinyamisa chiso changu.

"Hapana anoparadza mhuri yangu
ndichifema Paidi.Nyangwe ndiine
museve padumbu ndichazama

kukubatsira ndichafa ndaendza."

Takabva tatungamidzana.Asi takuda kusvika mumuzinda ndakabva ndaona Nyadzai akamira munzira yataida kufamba nayo.Aive akabata-- --ndakanzwa hana kurova pandatarisa kwaari.

Kwete kwete---- pamwe zvandaifunga hazvisi izvo asi sei hana yangu yaiita kubikana kudaro.Kana zvakadaro ndakadii kuziva kare nhai---

Ityai

**Ndaiita kudedera ndakabata
bakatwa. Ndainge ndakangomirira**

kuti aite nhanho mbiri chete Kundai
ndobva ndamunyudza chero
pachipfuva chaipo.

Ndakamuona achinditarisa achibva
angodzungudza musoro kwakutarisa
painge pakarara Paida.

Ndizvo zvimwe zvaindirwadza
izvozvo ko sei aida kunyanya kuda
kubatsira Paidamoyo iye asiri
mukomana wake.

Nguva iyoyo ndakabva ndadhonzwa
na bamunini Jeketero vachibva
vaenda neni parutivi.

"Ityai siyana nevanhu ava iwewe dai
wachironga nezve chigaro chako"

"Hongu baba ndiri kupanzwa asi
ndotoda kubatsirwa nemi tarisai
svikiro iro ratakamirira hapana kana
chisvinu chariri kutaura"

Ndakadaro ndakayeva svikiro iro
rainge rapinda pamuzinda
richimhanyira Paidi uyo ainge

akomoka nemhepo dzekudzinza kwake.

"Haaa zviri zve svikiro chisiyana nazvo tichaona kuti tozvifambisa sei"

Bamunini vairatidza kuti vaida kuti nditonge zvechokwadi.

Ndakazobva hangu kwakuenda muimba yangu uyu Paida ainge atakurwa kuenda kuimba yesvikiro.

Pasina nguva ndakanzwa gonhi
kugogodzwa pandaida kusimuka
ndakabva ndaona amai vangu
vachipinda muimba yangu.

"Ityai--"

Vakadaro vakanditarisa apa
vakabata muchiuno.

"Amai kwakanaka here? "

"Hongu mwanangu ndine mubvunzo
pano"

Ndakabva ndasimuka kwakumira.
Ukaona amai vangu Chihera
vachitaura vakabata muchiuno
vanenge vaine nyaya hombe.

"Une zvawakaita here kuna
Paidamoyo? "

Mubvunzo uyu wakandipa kuti
ndishaye zvekupindura sezvo
ndaisaziva zvavaibvunza.

"Ku--kuita sei amai? "

"Ityai usaite kunge mwana mudiki ndati une zvawakaita here na Paidaparudo rwenyu? "

"Ummm kwete amai anoramba uyu pese pandinoda ku----"

"Ndazvinzwa chinyarara hako ndizvozvandanga ndichida kuziva chete"

Vakadaro vaita kundiganhurira panzira. Ndakabva ndangomira

ndakavhura ziso.

"Ko zvino manzwa here zvandanga ndichida kureva? "

"Hongu ndatonzwa zvese ndonzi
Chihera ini, asi chandinoda kukuudza
uyu munhu anonzi Paida uyu handisi
kumuchenesa"

Ndakanzwa hana yangu kurova.

"Maonei amai? "

"Ndichiri kuzvitsvaga ndichakuudza"

Nguva iyoyo vakabva vabuda panze.
Ini kwakusara ndakangomira
kushaya kuti vaida kutii.

Papera kanguva ndakanzwa vanhu
kutura panze ndichibva ndabuda.

Ndakaona ari Paida uyo aifamba
zvinyoro nyoro kupinda pamuzinda.

Ndakabva ndafamba kuenda
paainge ari kwakumira mberi kwake.

"Paيدا anzi chii nesvikiro? "

"Andizive ini ndangonzi chiendai
kumuzinda"

Ndakaramba ndakamutarisa
ndichida kunyatsoona paiva
nepfungwa dzake.

"Mukoma ndanzwa svikiro richiti
harisi kuda mumwe munhu kunze
kwa mai vake kureva kuti mai
vaPaيدا ndivo vaudzwa zvese"

Ndakamunzwa Pomerai achidaro.

"Amai vako vauya here kumba
kwesvikiro? "

Ndakadaro ndichibvunza Paida.

"Ho--hongu"

Ndakabva ndangotendeuka
kwakutarisa paive pakamira
Chokuda Jinda rangu.

"Chokuda huya kuno undiperekedze"

Akabva auya ndichibva ndatanga
kufamba kubuda pamuzinda iye
achitevera.

Tichingobuda pamuzinda takabva
tasangana na Kundai.
Ndakangomupa ziso tichibva
tapfuudzana pasina ataura
nemumwe.

"Mambo mafunga kupi? "

Rakadaro Jinda rangu richiita
kunuzutira sezvo ndaifambisa.

"Tevera chete iwewe"

Takafamba ndichibva ndananga
kumba kwana Paida ndaida kunzwa
kuti amai vake vainge vaudzwa kuti
kudii nesvikiro.

Tichisvika ndakanzwa vachitaura
nemurume wavo Nyarugwe.

"Zvino zvazvadai pachaitwa sei nhai?"

"

Ndakanzwa mai vake vachidaro.
Andina kuda kuteerera zvakawanda
ndaيدا kubvunza zvandaيدا ndobva
ndabuda.

"Mambo hatisi takurasa tsika dzedu
here apa, muri mukuwasha kaimi
zvino munoda kutaura na hambuya?

"

Ndakarinzwa Jinda rangu richidaro.

"Hazvina kana basa izvo inga baba
vake toswera tichitaura nyaya navo
kumuzinda uko"

Ndakadaro ndichitopinda pamukova.

"Tisvikewo pano"

Ndakadaro nezwi raiva pamusoro
samambo.

Nguva iyoyo ndakabva ndaona baba
va Paida vachibuda mumba.

"Aaaah Ityai kwakanaka here
kutitsika pamusha?"

Vakadaro vachinyemwerera. Asi ini
handivo vandainge ndavinga ndaida
kutura na Mai vaPaيدا ndinzwe kuti
svikiro rainge ravaudza kuti kudii.

End of chapter 27

MUZINDA WAISHE CHITENGU

BY

L MWANYALI

AND

TREY

WILL BE ON SALE STARTING FROM
28

TICHANGE TICHISHANDISA
BASE/APK.KANA UCHIZIVA KUTI
FONI YAKO HAIVHURI USAISE HAKO
MARI NEKUTI HAPANA ACHAPIHWA
ARI MACHAPTERS.

NZIRA YEKUBHADHARA NDEIYI

ECOCASH\$300

PA0777873043(LAIKA)

ONE MONEY 0712178296(LAIKA)

VARI KUSOUTH CELL C
R50PA+27622908372(HUNGWE)

PROOF OF PAYMENT:WE NEED
SCREENSHOTS AS PROOF OF
PAYMENT PA APP NUMBER

0777873043

OR

0777350020

FOR MORE INFO CONTACT

L MWANYALI

0777873043

TREY

0777350020

THANK U ALL

Stay tuned